

# AMANO UKU

## CIMFYANYA NE CICETEKELO



Natotela, Munyina Neville. Shikulu akupaale. Mwashibukeni, mwashibukeni. Munyina . . .

<sup>2</sup> Mwashibukeni, mwefibusa. Cansansa ukubwela mung'anda yakwa Shikulu!

<sup>3</sup> Naciyafye kunuma kulya, inshita inono yapitapo, kukupepela umukalamba kapyunga. Acifwa icitu, ngefyo. Tapali nelyo cimo icisangilwe icilubene kuli ena. Mukalambafye wakwa Shikulu. Pamusebo ukwisa kuno, Satana acesha ukunenga ukulwala, ukuluka, pamo. Nacitila, “Twalapepelana umo nomunankwe.” Ico nacilungama. Ee. Eico, cali ni Munyina Coggins. Twali mwishiba sana, pano pe hema. Afuma kulya ku Carolina. Kabili ena aba umulwele nganshi, ukulwala nganshi, uku—ukwimininafye nokufwa icitu. Lelo takulemoneka icintu nangu cimo icilubene kuli ena, te mumubili. Eico, niciwafye uuleesha ukumwesha. Eico, ena nikesha mukalamba, kabili umusuma, pamo.

<sup>4</sup> Mwalyumfwa ilyashi pali nkashi umukalamba uwaleya ku chalichi, talelanda nangu cimo icibi pa muntu nangu umo. Atile, “Bushe finshi utontonkanya pali ciwa?” Atile, “Ukuba, ena mulwani umusuma.” Eico efintu ena—efintu ena aba.

<sup>5</sup> Tuli nensansa, muno lucelo, ukuba mung'anda yakwa Shikulu nakabili, uno mulungu, ukulolela Ukwisa kwakwa Shikulu Yesu.

<sup>6</sup> Kabili nomba, Naciba nokulanda pesambililo, muno lucelo, “Ukucingililwa ku Mulopa,” kabili cacimoneka kwati Mupashi wa Mushilo aciba kwati acinja amano yandi pali ico. Kabili Ninkwata isambililo limbi, ilya kufundapo. Pantu, lyena, panuma, Nasosele, mailo munshita yaubushiku, “Mulanush Engacinjisha amano yandi pesambililo lya musango ngoyo, ‘Ukucingililwa ku Mulopa?’” Namwishiba ifyo umutwe welyashi winngaba, “Israeli pesamba lya mulopa, ukwenda pelete ukuya kubulayo,” mwamona. Kabili kuti nacisosa, inshita imbi.

<sup>7</sup> Eico Naibukishe, muciloto cintu Nakwete kuno, tapapitile inshita. Kabili Ine, muli iciciloto, Nalefwaikwa ukututila Icakulya mwi hema, mwamona, umu muciloto. Bushe nibanga balecibukisha, imilungu inono iyapitapo, ine ukukwata iciloto? [Ulukuta lwatila, “Ameni.”—Kale.] Nshamupele ubulondoloshi bwaciko. Kabili ngacakuti tacamposele inshita sana, Nalamwebafye, ngacakuti kuti mwatermwa ukumfwa. [“Ameni.”] Cisuma.

<sup>8</sup> Ninshita shimoshimofye esho Ndotu icintu conse icili nobupilibulo kuli cena. Caliba, ilingiline, Ndacelwa ukuyasendama, kabili nomba nashibuka. Kabili ukuba uwasakamana nomwensu nangu uwanaka, walota, kabili waponu mutulo nokulota, elyo washibuka. Mwalishiba fintu caba, umuntu uusakamna kabili uwamwensu nga ine.

<sup>9</sup> Kabili Nalifuminepo pamo na Muniyina Wood na Muniyina Sothmann, kabili Shikulu alepelifye abantu...ukwima na...panshi...Kabili uku kwali niku Tucson, Arizona. Kabili Shikulu bwinobwinofye, muli cila mulandu, alepela ubulondoloshi bwafiloto.

<sup>10</sup> Nomba, mwamona, ilyo umuntu uuli onse apela, anjeba paciloto, inshilafye Ninga pelemo ubulondoloshi, Ndamona cilya ciloto nakabili. Kabili abengi muli imwe pano mwalishiba, ukuti bamo muli imwe balanjeba ifintu, fintu imwe tamwanjebilepo, muciloto. Lelo ilyo Nacikwete, caishile cipyacipyu, Namwene ifintu ifyo imwe tamwalandile. Mwamona? Kabili eico ufwile wacimona nakabili, kabili nomba Akwebu. Eico kanshi, limolimo cilacena. Limolimo cintu cakosa, icishinga suminishiwa kumuntu. Lelo ufwile waba uwacishinka, pantu cena Cebo cakwa Shikulu. Mwamona? Pantu, baleenekela ico. Kabili ta Ca bala...Shikulu aba umusuma kuli ine, muku Cilenga lyonse ukuba icalungama.

<sup>11</sup> Kabili eico ubo ubushiku Na—Naile mukusendama, kabili Nalotele, ine newine. Kabili Natontonkenye ukuti Nali... Umuntu Nalelwa nankwe inkonya, imyaka yapitapo. Mwebengi, imwe mwebakokole...

<sup>12</sup> Nacilatontonkanyafye pali Muniyina Roy Slaughter, uwiminine palya pamwinshi. Aba naco, Ndesubila pali umo uwabamembala abakokole muno, mu chalichi. Muniyina Slaughter, Ndesubila, aliba umo pabakokole nganshi ba membala. Kabili Ine—Inefye...

<sup>13</sup> Lintu Ndelanda pali ena, kuli ifintu ifingi ifisuma palwa kwa Roy Slaughter ifyo abantu tabaishibapo. Ico cacine. Nimuniyane, kabili calinga Namupela akamupo kamaluba nomba, nangu akaliluba, ukucila umupo onse uwamaluba lintu ena naya. Ico cacine. Kuli ifintu ifisuma ifingi. Muniyina Roy aba nimuniyina uwacine kuli ine, ena nolupwa lwakwe, bekala kunse kulya, kabili alibomba sana palupwa lulya ulunono, nokukusha akalibumba akasuma akabana. Nalishiba bonse abakashana na balumendo bakwe, kabili nashimikile kumalilo ya mulumendo wakwe umunono lintu afwile.

<sup>14</sup> Kabili Nde ibukisha, inshita imo kuno, twakwete umo uwalebomba pachalichi. Kabili...Kabili ena alinokucicita, nga kapala wa mbao. Tatwakwete indalama ishingi. Kabili aali nokubika ifi ifyamukati muno. Kabili kwaishile umuntu umo uwalefwaya ukubomba, kabili ena tacitilefyo. Kabili aikelefyu,

atile abombele ora citika, nangu fimo, nokuicena kulukasa. Kabili nomba ena, akwete apalinga apakutwalila ichalichi kucilye, kabili apindile amakana ikumi limo yama dolla. Ukuba, tatwakwete nangu cimo. Tatwaishibe nelyo cimo pali ico mpaka bena ninshi nabapela ubupingushi. Mwamona, bena batwele umulandu ku cilye. Uyu—uyu muntu, takwete inshuwalensi, kabili eico nomba cawilile ifwe. Ifwe tatwakwete, ukuti tulipile.

<sup>15</sup> Kabili Nshakatale ndaba ubo bushiku, twalikele, ku numa *kulya*, lintu Roy aingishe mwitumba. Akakale... Njelelako, Munyina Roy. Akakale, akapwa akatabo kamwitumba, nokufumyamo baceke bantu akwete ukufuma ku kutunta-ifiko, ne fintu ngefyo. Atile, “Ukuba, Munyina Bill, Nalalundapo ishi pali lwena.”

<sup>16</sup> Umunono umubili Evelyna umukalamba, nkashi yakwe, limbi naikala munomwine, pancende imo nomba. Ena atile, “Munyina Branham, akayanda kandi akakale, kalifye umutengo ama dolla imyanda itatu, lelo twalalundapo pali ulo.” Mwamona? Ifyo fyacine, ifituntulu, nga cakuti mwalanda naine. Ico caba mwibuuku lyandi, ico cituntulu.

<sup>17</sup> Ndeibukisha lilya, akashita akanono ukufuma palya, Nali pa musonkano wandi uwakubalilapo ukufumapo. Nali mu St. Louis, muli umo uwapamisonkano ikalamba iyakubalilapo. Kabili telekalamu aishile ukuti, “Akakashana akana kandi kalele imilambalamba mupepi nemfwa. Munyina Slaughter. Isa nomba line.” Naile lubali, nokutampa ukulonga ifyakufwala muli sutikeshi. Eifyo fine cali. Nafililwe ukukana. Kabili efyo twaishile. Nafikile ku ng’anda, nokwingila mumuputule. Ba nursi, mulya, mucipatala kulya, ica Katolika mu New Albany, balimufililwe umwana umukashana munono wakwe. Ilyo linefyo twaingile mumuputule, Shikulu Yesu amundepe. Ali palya, mwamona. Mwanona?

<sup>18</sup> Kabili ngo mukate pamenshi, ukabwela kuli iwe ubushiku bumu. Nimfuma kwisambilisho lyandi; lelo ukubwelela kukutendeka.

<sup>19</sup> Kabili Nalelwa inkonya. Elyo kwali umo uwalumbwilwe muli uno musumba. Uyu muntu alanwa nganshi nomba. Umo pabalumendo bakwe aba mumulimo yabukapokola. Smith, George Smith, efyo bamwita, “Six-second Smith.” Alensambilisha ubwangalo bwa nkonya, ilyo ifwe twali... lintu Golden Gloves tailatampa. Twali kunse kuno kubuteeko. Kabili muli ico, mulandunshi, aali umuntu umo uwakalabana nganshi uo Natalile mona. Alengumafye, kabili Naiposafye ukupita mulwelele. Kabili Nabwela. Natila, “Taufwile ukuba uwakalabana sana pali ifi. Mwamona?” Natile, “Ulempwisha umwela namakofi.”

<sup>20</sup> Atile, “Ndekweba, Billy,” atile, “nangu ukanshiwe shani, nobwishibilo ubo wakwata pafya lubilo, kabili nefyo wakosa,

kuciimo cobe, nangu icintu icili conse nge fyo,” atile, “ulukonya lumo lulalesha umulopa ukwenda nga watobwa nga *filya*.” [Munyina Branham atota amapi yakwe umuku umo—Kale.] Kabili atile, “Iwe limbi kuti wampata nomba, lelo ilyo ukengila mulya mucende yakulwilamo, wemwine weka,” atile, “ukatasha ici.” Atile, “Umubili obe ulabelela kuli ico, kukubwelelamo bwangubwangu. Nga cakuti waumwa, uli nokupona, kabili walambalala palya nokukupendela. Lelo ngacakuti umubili obe walibelela kabili kuti washipikisha kumakofi,” atile, “nomba, ilyo waumwa, ikofi ilikali lyakutoba,” atile, “nomba ilyo iwe...kuti wabwela bwangu bwangu,” atile, “ukwiminina nakabili. Ikofi lyakufumisha kunse yancende yakulwilamo, watolokelamo nakabili.” Afuminefye mukuntoba ikofi ilyamfumishe kunse yancende yakulwilamo. Eico ena atile, “Iwe ufwile ukucitafye ifyo. Mwamona?” Kabili nga alinjipeye. Aali mupepi na makumi yatatu, amakumi yane amapaudi ukufina ukucila Ine fintu naali. Kabili ena kuti... Aali kaposwa wa nkonya kabili Nalifye umusambi, eico aali mupepifye nokunjipaya. Atile, “Lelo ukatasha ico ilintu ukengila muncende yakulwilamo.” Nasangile ukuti cilya cali icishinka.

<sup>21</sup> Nomba, Nalyumfwa balya ba sagenti mubushilika abasambilisha balya balumendo, kabili balyafya. Balepata ulya sagenti. Lelo lintu cafika kubulwi, bena balemudemwa, pantu kwali kusambilila ukwakosa.

<sup>22</sup> Iyo enshila Ncaesha ukusambilisha abena Kristu. “Mwilaputula mushishi wenu. Mwilapenta ifonso fyenu. Mwilacita *ifti*.” Cipokeleni icakosa. Mukatasha lintu Nkesa ku—ku mpela yamusebo. Mwamona? Ukusambilila, mwamona, ukupokelela kulya kusambilila ukwalungama. Lelo natu—natu twalililefye ne Cebo. Kuti caba icakosa, ukuputaula ukupusana kwafilonganino mufipimfya, lelo mukatasha ico lintu mukafika kumpela yamusebo. Mwamona? Mwaiminine pamo ne Buuku.

Eico, umukashi wandi, abulile, abikile ukuboko kwakwe mukwandi, naifwe twaile.

<sup>23</sup> Kabili George Smith nomba, ena, Ndesubila, ena mwaume wa-mfwi. Ndesubila aali na cine lubali nangu cine konse konse, ikumi limo imyaka ukucila Ine. Kabili abwelele muncende yakulwilamo, kabili alelwa nganshi. Kabili aba abanono abemine, abalumendo ba fifuba ifikulu, tekuti balingane nankwe, nakalya. Bena kuti... Ena kuti abakapafye muli miniti imo. Kabili umulumendo umunono umo atile, “Ine kuti na mukapa ulya mwaume mukote. Ine ninjishiba kuti Nacita.” Eico ena, uwamoneka umutulushi uwamangalo, atolokele muncende yakulwilamo. Tafikile nakuli citika wa miniti. Aishilefuma, atile, “Nshishibe uko cafuma, lelo ena icinecine mwaume.”

24 Kabili ilyo line, Naloleshe umukashi wandi, muciloto, kabili Natile, “Mukashiwandi, nawishiba, ena ewampele isambilisho lyandi ilya kubalilapo.”

25 Kabili nomba, namwishiba, ifiloto filasekesha. Naishile kuli ci—ci bemba, kabili namabimbi yalimine. Kabili koba wa bwato . . . Nomba, Meda tali naine ilyo, umukashi wandi. Kabili nomba, umu, u—uyu koba wabwato aishile uko nali, kabili ampele akabwato akanono akali nalimo amafiti yabili nacitika, amafiti yatatu mubutali. Kabili atile . . . Kali akabuuta sana, aka plastiki, kabili akabuuta. Ena atile, “Ubwato bobu ubu.”

“Oh,” Ine natile, “Ine tekuti ngabuke, kuli ako, muli ako.”

26 Atile, “Ukuba,” atile, “aka kuti kabutuka bamailoshi amakumi yasano pali ora imo, pamulu-na-panshi *umu* munshila.”

27 Natile, “Kuti kacita, pamulu-na-panshi yalulamba, lelo tekuti kacite *kulya*. Mwamona?” Efyo nasosele.

28 Atile, “Ukuba, kabiye pamo nabo.” Kabili Naloleshe, kabili Munyina Wood, na Munyina Fred Sothmann balikele, aba ababwananyina babili bali naine ubushiku Nalotele iciloto. Kabili bali nabekala mubwato bwelangi lyakatapa katapa nemyando neminyololo iingi, imyando yankambi, amatenti, nafimbipo. Kabili bali nabekala palya. Ena atile, “Kabiye pamo nabo.”

29 Natile, “Aba nakuba tebakoba babwato.” Natile, “Ninjishiba ico.” Natile, “Ndi koba wa bwato. Kabili Na—Nalishiba palwa bwato, ifya kububomfya. Lelo,” Natile, “bena, tekuti bacicite. Bena tekuti bakwanishe. Ine tekuti nje ngefyo, nakuba.”

30 “Ukuba,” ena atile, “bena balikutemwa.” Kabili atile, “Cinshi teti ubwelele kuno nokututula?”

31 Eico, Nabwelelemo. Kabili nencende inono intu twaileko, incende inono iitwa Klondike, nalimo ba mailoshi amakumi yane ukufuma kukutumpuluka, akalituka kamo akabashimafamu nafimbi. Calemoneka kwati cali niku Klondike, kabili caalwike ukuba nili ihema. Naiminine pano pene. Naleita, imingomo iikalamba iyafyakulya fyawama nganshi ifyo Natalamona. Amaradishi yalemoneka kwati, amafiti-yatatu ubutali; kabili amatenipu, nemisalu, nefyumbu, nafyonse.

32 Ena atile, “Tutula ifingi ifi.” Mwamona? Kabili Nali ninjiminina palya, ndefitutula mukati.

33 Kabili Nashibwike. Nafililwe ukucumfwa. Natontonkenye ukuti califye iciloto, nokutwalilila. Casakamike Munyina Wood nabengi muli bena. Eico, ubu ebwali ubulondoloshi. Nalefwaikwa ukulolela, ngafintufye Na mweba inshita ishing. Ifintu fifwile ukucitika lintu iwe taulati; ifintu fimo ificilungamika bwino. Ubu ebwali ubulondoloshi. Bena . . .

<sup>34</sup> Ifwe twaleenekela ukwabuka ifimana. Munyina Miner Arganbright, cibusa wandi uwapamutima, ali nokulipilila umukashi wandi na Ine, ukutandalila Palestine. Kabili twali nokuya mu Switzerland, kabili ukutwalilila naku Africa, na mumusonkano mu Kapepo kakalamba. Kabili umukashi wandi, na Rebekah, nabena, bali cine cine abansansa ukwishiba ukuti bakapita mu Gelemani, England, France, na Palestine. Bena bali nokulolela kulya mpaka Ine napwa imisonkano yamu Africa, nomba ukubasenda munshila pakubwela. Kabili bonse bali nokwenekela kukalamba. Imwe mwalyumfwa ine ukutila, “Ngacakuti Shikulu atemwa,” lyonse. “Ngacakuti Shikulu afwaya, Ndinokukwata iyo misonkano ukwabuka ifimana. Nshilati njishibe bwinobwino.” Eico Nalelelela pali ici.

<sup>35</sup> Lelo ifi eflyo cali. Uyu Mista Smith, George Smith, ulya wali kasambilisha wandi uwakubalilapo mulya, kabili uwo bashingafikako kuli onse mubaice abali mucalo ileelo, mukulwa kwakwe. Cali kusambilila kwandi ukwa kubalilapo, mumulongo wamapepo. Mwamona?

<sup>36</sup> Inshita ishingi, Ndaleta abantu, kulaba ifimonwa. Loleleni. Ee. *Ici* cimo, icimonwa. *Cilya* cimo, icimonwa. Tacabombelepo bwino. Nomba, ilyo Natampile pakubala, Nshabalileleka umuntu. . . Kano Nasanga icintu cimo mumulongo, icishali bwino, kabili Andeseshe, Umwine eka, mwamona, nokunjeba pali ico, Naletwalililapofye ukupepelela abantu. Kabili, owe, ifya—ifyaletungukamo fyali imiku imyanda, pantu Nalefika pa. . . Ine kuti napepelela ine nangu isano imyanda mubushiku bumo. Muli iyi nshila, limbi nangu amakumi yabili na-yasano limbi amakumi yatatu, limbi tekufika nakubwingi ubo. Limbi ikumi nangu ifimonwa ikumi limo na fisano, kabili Ine na. . . imwe kuti mwampingafye ukufuma, pepi.

<sup>37</sup> Ukubwelela kuli ico cintu na kabili, mwamona, ukubwelela kukusambilila kwandi ukwakubalilapo. Nakuba, takuli nelyo cimo mwibala ica talile aciminina Naco, nangu icingacita, mwamona, pantu cena Cebo. Cena tecilonganino cimo. Cena Cebo. Mwamona?

<sup>38</sup> Kabili nomba, apo, nomba lolesheni iciputulwa cakonkelepo panuma ya ico, Meda afuminemo muciloto. Lintu Naishile kulibemba, ico cali: naleya kufyalo fyakwabuka babemba.

<sup>39</sup> Nomba, Munyina Arganbright anjatile, bulya bushiku ubwapitile, ali nensansa, nokutila, “Munyina Branham, cikaba nicuti umo umukalamba. Munyina Shakarian nasanswa nobulwele bwamutima ukukana bomba bwino, eico imisonkano kulya ukwabuka babemba naiminikwa.” Kabili yena. . . Umusonkano waku Switzerland, alefwaya ine ukuya kulya panshita yabushiku fyebumo, kabili twali nokukwata ubo bumo ubushiku ubwamusonkano. Nomba isha shala shali nokuba cuti, ukulatandalafye mucalo. Oh, ici, nomba, naciwama nganshi;

Munyina Arganbright alicilapo, umwina Kristu, cibusa wandi uwapa mutima kuli ine nolupwa lwandi.

40 Kabili, lelo, imwe mwamona, akanono, kabwato ka plastiki akabuta kantu alefwaya ine njemo, cali Cebo cakwa Lesa. Kabili tamuli ukushimikila muli cena ukwa fikapo, ukwakunjita ukwabuka bamba. Natile, “Huh-uh, teico. Kuli icofye? Huh-uh.”

Atile, “Kanshi kabiye, kabiye pamo nabo, nga fintu bena baya.”

41 Natile, “Bena tabali bakoba wa bwato, bakashimikila. Ine nine kapyunga. Nga cakuti bena baile, kuti caba nicuti, epela, nemyando yankambimo.” Lelo Ine tekuti ncicite. Nalicikene. Eico ubo ebwali ebulondoloshi bwa—bwa ciloto. Mwamona?

42 Kabili nomba Mista Arganbright anjitile, inshiku shinono ishapatapo, nokunjeba ukuti—ukuti i—i. . . Nakuba, natumfwa ukuti imisonkano yakulya kufyalo fyakwabuka babamba naiputulwa, pamulandu wakwa Munyina Shakarian. Kabili nomba takuli. . . Kulya, uwamu Switzerland, Nakwetefye ubushiku bumo. Kabili Ine. . .

43 Meda alinjebele, icakubalilapo, ukuti talefwaya ukuya. Eico Namutumine lanya, ukufuma ku Florida, ubushiku bwafumineko, nangu Georgia, kabili Nalimwebele. Natile, “Munyina Arganbright nantumina kabili atile tufwile ukwima pabushiku bwalenga amakumi yabili mu Kapepo kanono.”

44 Atile, “Ico tekuti cibe. Ico tekuti cibe.” Mwamona? “Abana bakalalemba amashindano ilyo. Teti nje.” Mwamona, alicikene, umwine, pantu ewalimo. Cali nicuti wakwe. Kabili efyo cali.

45 Nefiloto, ifintu fyonse, fyaliba nobupilibulo. Ifintu fyonse fyalikwata icintu cimo kuncende kumo. Eico, ifiloto fyalikwata ubulondoloshi.

46 Nomba, ukubweluluka. . . Ine kuti nasosa icakuti mwingomfwa, kabili ifi filekopwa pali tepu. Pamusebo, ukwisa ku nga'nda. . .

47 Ilyofye Nshilaya kulya, nibanga baleibukisha ine uku cibwekeshapo kuno, ukuti i Shiwi lyaishile kuli ine, mu muputule ulucelo lumo panuma yacimonwa, nokusosa palwa, ukusosa palwa nsoka, napali yena ukakakwa, kabili takuli kutina nelyo cimo? [Ulukuta twatila, “Ameni.”—Kale.] Atile, “Wilatina.” Ukutula, “Bushe Nshashininkisha ukuti nkaba naiwe konse uko uleya?” Ukutula, “Bushe Nshashininkisha ukuti nkaba naiwe panyendo shobe isha mukulunga?” Ibukisheni ilyo Nasosele pafyo Nali nokukwata, libe Nshilaya, nafyonse ifyo? [“Ameni.”] Mwamona? Atile, “Bushe Nshashininkisha ukuti nkaba na iwe?” Nomba i Shiwi ilisuma nganshi lyaishile, nokutula, “Uku-shifilwa u Kubapo kwakwa Yesu Kristu kuli na iwe konse uko uleya.” Kabili Ninjishiba, kuli ico, ukutula

tulepalamina kucintu cimo. Nshishibe nga nicintunshi. Ine tekuti nsose.

<sup>48</sup> Ukwisa ku ng'anda, ubushiku bwafumineko, nangu ubushiku bumbi, nangu lintufye Nshilaisa ku ng'anda, Naponene mucimonwa. Kabili Namwene utubantu tumo, utwaonda, twalemoneka kwati tulumendo, nangu icintu cimo, twafwele utusote. Kabili twali natwiminina, tuelunga. Kabili Napikile umukalamba nganshi, umukulu icibuli uwelangi lya fitulukila mukumoneka. Kabili nomba bapilibwike nokusosa kuli ine, ukutila, "Lelo kuliko icimfulunganya palwa musonkano."

<sup>49</sup> Natile, "Nangu icifulunganya cili icamusango shani, nga cakuti Nalefwaikwa ukuya, kuncende iili yonse, Ndinokuya nangu cingaba ifyo, mwamona. Tacili namulandu." Kabili icimonwa calileka. Nshishibe nga cakuti nikuncende nshi. Lelo, ici cili patepu. Cili nokucitika. Mwamona? Ibukishenifye, cili nokucitika. Cena cimonwa.

<sup>50</sup> Eico, nomba, pa Mulungu uleisa, Nkaba mu Tennessee, Shikulu nga atemwa, pa Cibelushi munshita ya bushiku na pa Mulungu, pamo na Munyina M. E. Littlefield, ku, oh, kulya kwi ofeshi likalamba ilya church of God kulya ku Cleveland, Tennessee. Munyina M. E. Littlefield, ku chalichi cakwe, umo untu Namubikile kuli Shikulu kuno, imyaka ibili nangu itatu iyapitapo, ku Cleveland, ku Tennessee, i Cibelushi cileisa ubushiku napa Mulungu ulucelo. Cikabafye mapepo ya lucelo pa Mulungu epela, pa Mulungu. Kabili ukumpela inshita, yalupwa lwandi ukaya naine, nokubwela. Nalimulaile, ukwisa shimikila nakabili mwi chalichi cakwe. Ico nipa Mulungu uuleisa.

<sup>51</sup> Nomba, pa Mulungu uukakonkapo, Munyina Arganbright akaba kuno pamo na Munyina Rowe, ulya mwiminishi waku Washington, uwali, uwabombele kulya pesamba lyaba kateeka batatu nangu bane. Bali nokuba kuno pa Mulungu ulya, pamo necikope cipya. Ndefwaya bonse mukeshe ukuba kuno, ngacakuti cingacitwa, panshita ilya. Ndefwaya nkabe kuno, ne mwine.

<sup>52</sup> Pa Mulungu ukakonkapo li Pasaka. Tuleenekela umusonkano uukalamba pano, i Pasaka. Shikulu nga atemwa, Ndefwaya ukuba kuno pa Mulungu we Pasaka. Ku...Kabili tulakwata amapepo yakumaca, nga lyonse. Ulubatisho, bonse imwe abakabatishiwa, mwi Shina lyakwa Shikulu Yesu, mu kabe kuno pa Mulungu. Kabili cilekabilwa, nangu cisoselwe, nga fintu cili tatukwete incende apakwikala, ifwe limbi kuti twabula Boy's Club, yena ingisha abantu imyanda cine lubali nangu cine konse konse, pa mulufye apa, ukushinguluka, akalabu kapya ukwalukafye pa cifutu apa, ukubwela kwisamba kuno kulubatisho. Kabili ukubwekela kulya kumulu, eico onse



kuti akwata ukwikala bwino mulucelo lwe Pasaka. Tukesha ukulolekesha pali ici, uno mulungu, nokwishiba.

<sup>53</sup> Elyo amapepo yakakonkapo, ukutampila nomba pa... Nkafuma kuno pabushiku ubwalenga amakumi yabili... pa bushiku ubwalenga amakumi yabili na isano nangu amakumi yabili na mutanda ubwa mweshi. Kabili nomba ubwa cinelubali...ubwa mutanda, ubwa cinelubali, ubwa cinekonsekonse, nobwa pabula, nobwe kumi, Nkaba kulya pa...ukufuma mu Van-...nangu kuVictoria Island, kumbi kulya pakati kaba Mwenye bamo, uko mufwile ukuya pabwato, pakukufika kuli bena.

<sup>54</sup> Minshoni munono cibusa wandi, munyina, Nali nankwe munshita yapitile ilyo umupepo taulaisa palwendo lwa kulunga. Kabili afuma mung'anda iisuma, ena nomukashi wakwe. Kabili amaboko yakwe, yonse, ayafilonda, muncende shimo shimo. Ukuba, ifyo efyo cali. Cali kufuma kumpantila, ifipu nefintu, mwamona, fintu bena bakwete lintu baleikala kulya, uko baleikalafye umuli monse, pakati kabalya ba Mwenye. Aletele bamo muli bena kumusonkano, imfumu. Bena bonse niba Katolika, bonsefye. Kabili na Mupashi wa Mushilo apitile mulya kabili nokusontapo imfumu ilya, nabonse abali nao, kabili nokundapa cila umo muli bena ilyo line mumusonkano. Bena baocelefye lulya lulamba, ku pamulu-na-panshi, namato yabo yalefuma. Bena balondo besabi, ku mulu panshi-na-pamulu walulamba. Kabili Munyina Eddie aleita, na Ine ndeumfwa ukuya, mwamona, ukuya kulya.

<sup>55</sup> Kabili nomba tukafuma kulya, nokukwata ulwendo lwa bushiku bumo ukufuma kulya, kabili tukakwate inshiku shibili munshita ya bushiku nangu inshiku shitatu munshita ya bushiku mu Fort St. John. Uko nikulya kumulu pamusebo ukalamba uwalola ku Alaska. Kabili tukabako inshiku shibili munshita ya bushiku kulya.

<sup>56</sup> Nomba, ukubwela kumwesu, kabili i...Ndetontokanya bushiku bwalenga cine lubali, cine konsekonse, pabula ne kumi mu mweshi wa Kapepo kakalamba. Nomba, iyi encende intu imwe bonse mwingayako, kumisonkano iyi uku, ikaba ku Southern Pines. Mwalishiba munyina uwalembele bwino ilyashi kuno, tekale sana. Nakuba, ena ali ntumina nayambi amapepala yelyashi. Nacilafwaikwa ukuyaleta. Nkaleta kuno u Mulungu uleisa, Shikulu nga atemwa. Kabili uko niku Southern Pines, palifye, oh, ulwendo lwa motoka ba ora mutanda nangu ba ora cine konsekonse ukufuma kuno, Southern Pines, North Carolina. Nangu, bushe kulya niku South Carolina? North Carolina. Ee. Ico cacine. Nomba, apopene, lyena ifwe tukafuma kulya pabushiku bwalenga ikumi.

<sup>57</sup> Kabili pabwalenga ikumi na cimo nobwe kumi na fibili, pamo na Munyina Bigsby ku Columbia, South Carolina. Kabili

uyo emwaume, umwina Presbyteriani uwalembela ilyashi. Kuli ine, cangwamine ukucila ifintu ifili fyonse bena batala abalemba pali ine. Ena ali ni Presbyteriani, dokota wamasambililo yabulesa. Kabili aishile ku Chicago nokulemba ilyashi. Pa . . . Ine nalaba ifyo cali nomba. Cali icisuma nganshi. Ine ni ndikwata kuncende kumo, kabili mwipepala lya lyashi. Icintu cimo palwa “umwina Presbyteriani, umusonkano pa Pentecosti,” nangu icintu camusango ngoyo, “umwina pentecosti kasesema kumu Presbyteriani,” ngefyo. Kabili tukaba pamo nankwe.

<sup>58</sup> Elyo, ubushiku bwafumineko, ifwe twatumine lamya Munyina Roy Borders, ali kale ku West Coast. Kabili kuli abantu bamo kulya abakwete impendwa ukufika amakumi yatatu na fisano namachalichi amakumi yane ayakubombela pamo nayo mu misonkano; Sedalia, California; kabili nakulya ku Grass City, kabili ukufuma kulya . . . nangu Grass Valley, nakuba. Kabili ukufuma kulya, ukwingila mu Oregon; ukutwalililafye ku—ku Washington.

<sup>59</sup> Kabili elyo Munyina Arganbright, ukwisamo, ifwe tuletwalila, ukuteyanya nomba, mumulungu wakulekelesha uwa Cikungulupepo, ukuba mu Anchorage, Alaska, ukuteyanya chapitala kulya icaba Shi Makwebo abena Kristu, panuma ya nalimo ukupuputulwa kwa mutanda nangu cinekonsekonse inshiku isho Ndesubila ukukwata, ulya uwakosa, uwaafya Alaska. Mwalishiba fintu caba, bakemba bamabwe nabashimainifye. Kabili hamu na mani fishitikwa pali nalimo ba dolla batatu na ba cent amakumi yasano pambale imo. Yena ni—yena nincende cine cine iya afya, lelo bena balekabila i Mbila nsuma.

<sup>60</sup> Nomba, ifyo Ndefwaya ukucita, ni, ififintu ifyo Ndesambilishapo kuno, ukututila ici Icakulya kabili nokucisabankanya, Ndefwaya ukuya nomba. Nshikwete kucifulo kumo uko ntungulwilwe, lelo Ndeya, ukubyalala imbuto, ishatuminwe ukuntu kumo, ishatendeke.

<sup>61</sup> Umukashi wandi, ali muno apantu pamo. Apokelele inkalata ukufuma kuli namayo kunolubali mu Illinois ubushiku bumo. Cena calepyafye mumweo wamutima wandi. Uyu namayo atile, “Nkashi Branham,” atile, “takuli kutwishika ukuti inshita ishingwi, nokutwalilila, apo iwe wabela mucupo, ukuti ufwiile ulacula icibi, Munyina Branham ukulafumapo, nabana abo mwakwata.” Kabili atile, “Abana, nakuba, balakabila shibo nefyashala.” Kabili atile, “Ninjishiba umo ulelosha, pantu Nalikwata umulume umusuma, nemwine.” Atile, “Lelo, Ndekweba imibele yandi.”

<sup>62</sup> Atile, “Na—Nalikwete ukulepulwa ukukalamba imiku ine, imyaka ine iyapita.” Atile, “Ndanwa pepi na, ikumi na fisano nangu ikumi namutanda ya mapilushi yakutalalika cilabushiku.” Kabili atile, “Ndalaswa inyeleti shitatu

ishapusana isha Lexron, nafimbipo, cilamulungu.” Kabili atile, “Ndanwa umwina wa mapilushi yatulo, kabili ecintu cakulekelesha, nokutalalika imishipa yandi. Kabili isho inshindano, elyo ukulaswa shibili, ukunwa utubulungwa libili aya tulo ubushiku, nokufilwa ukulala.” Kabili atile, “Shing’anga wandi anjebele ukuya kuncende yabantu bapena lintu Nshilabwela. Limbi kuti kwaba isubilo ukuti kuti Napususha amatontonkanyo yandi.” Kabili atile, “Elyo takuli nangu cimo mubutantiko bwafipatala nangu ubuli bonse ubwinga ngafwa.”

<sup>63</sup> Kabili umwanakashi atile, “Naletontonkanya ukuikulika, nalepanga ifyo, ukusha umulume wandi umusuma nakana kanakashi kandi.” Atile, “Ifwe twikala ku Kansas. Nalikutemwa, pantu Ndamona ifisabo ukupya, nokutontonkanya pabusomboshi.”

<sup>64</sup> Ndetontonkanya ukuti aali waku Methodist. Kabili atile kulya...Kabili elyo, aile kulya kwisukulu lyapamulu ilya Methodist mu Bloomington, ku Illinois, bamwene mwipepala, ukuti Nali nokuba kulya, imyeshi ikumi na umo iyapitapo. Mwebengi muli imwe muleibukisha umusonkano waku Bloomington. Imwe eko mwali.

<sup>65</sup> Kabili umwanakashi atile, “Umulume wandi alinsendele, nefibusu fimo, nokwima.” Kabili atile, “Shikulu alishibe ukuti Ine tekuti ntwalilile ubushiku nabumbi.” Ena ali napwa. Kabili atile, “Nali umuntu wakubalilapo. Umwana obe, Billy Paul, ewampele akatupa. Kabili ubo bushiku, ilintu uobe—ilintu umulume obe apundile amanambala, Nali uwakubalilapo mumulongo, ukupepelelwa.” Kabili atile, “Ilyo linefye Nafikile kucintamba,” atile, “anjebele ubumi bwandi nokunjeba fintu Nacita, kabili nafyonse pali ifyo, kabili atile, “EFYA SOSA SHIKULU, nacipwa.” Atile, “Kalyakene kashita, Nshabala nkata ukukalipwa nakumbi.” Atile, “Nafinine amapoundi amakumi cine lubali nayambipo. Ndefina amapaundi umwanda umo namakumi mutanda nayambipo nombu.” Kabili atile, “Nkashi Branham, ilintu iwe uli weka,” atile, “Ninjishiba ifintu umfwa, ukwakana umulume obe pamo nesonde, nefintu ifyapala ngefyo. Lelo,” atile, “ibukishafye, umunono umukashi wapa ng’anda umwina Kansas untu walubuka ileelo, pantu aliuwafwaisha ukusakamana Shikulu.”

<sup>66</sup> Nalangile Billy. Natile, “Billy, Ndefwaya iwe utume iyi kulya kwisukulu lya Methodist.”

Aimine nokubula umwiina, atile, “Belengeni yamo pali aya.”

<sup>67</sup> Ine natile, “Ninjishiba. Ninjishiba ukuti yasuma nganshi, lelo iyi nailinga. Iyi yacitafye fyonse.”

<sup>68</sup> Bushe mwalyumfwa ico? “Ukukowela! Ukukowela!” Imipashi iibi yamatwele,” mwamona, ukufuma mumatontonkanyo yakwe, “ukufuma ukuya munshinshi. Ilyo

Yesu aishile, Alubwile bunkole.” Kabili Yesu e Cebo. Eico, sendeni i Cebo, kabili Cena cikalubula bankole.

<sup>69</sup> Pano Ndelanda, ukusenda inshita yandi, ukusenda inshita yenu, kabili nefyakusosa ifingi.

Natukontamike imitwe yesu.

<sup>70</sup> Shikulu, nga abena kufwa, natwishiba tatukwete inshita iikalamba iyakulanda. Ilyo Nalolesha pali ili ilinono, ilya mitima yansala ibumba lya balebeshi abafumine mwibala, ukufuma kukulima, bamo muli bena bafumine mumilimo yakubombela icintubwingi, ukufuma kuncito, Kabili bamo muli bena bacensha ukupita mumpili, ifiswebebe, nempanga namalungu, nokulongana kuno, kabili nomba bena baisesa iminina. Lelo bena balebeshi. Bena tabali ba lino isonde. Ben balifye pano ngo bunte, ngo lubuuto ulwatekwa palupili, ubupela u Lubuuto muncende muntu bena baleikala. Kabili nomba lintu bena bakumana pamo, ukutulwa nakabili, nokubikwamo amaka ku Cebo, bena nabeminina, icifungalashi mufilundwa fyabo, kabili aba—aba kalamba nabaice, cimo cine.

<sup>71</sup> Bena bali Mutemwa, Shikulu. Emulandu bena babelele pano. Umuntu uuli onse naishiba ukuti umuntu tekuti ese, kabili ukwensha imilundu, nokwiminina mufibumba, ukushintilisha, namolu nefifungalashi, ukumonekelafye. Kabili pamo neli bumba, Shikulu, ifwe tuli—ifwe tuli abantu ababusu. Ifwe tatwisa mufyakufwala ifyaemba. Ifwe twisa kuno mukushinshimuna Imwe. Icintu cimo mumitima yesu, ubuyo bumo nepange limo, ico ni Mwe, Shikulu.

<sup>72</sup> Napepa, Lesa, ukuti Mwalabalambula apakalamba. Mwileka pabe uwalapita paminshi iyi, lelo, kano uwalapokelela u Mweo wa Muyayaya. “Nomba ukucululuka kwesu ukwa munshila kukamoneka ukwafye, lintu ifwe tukafika kumpela yanshila.” Ngacakuuti bena nabalwala, bondapeni, Shikulu.

<sup>73</sup> Kabili nomba twafuma mukulandafye pamisonkano imbi, nangu ukwabula ukwishiba bwino, nomba Ndeya, ngacakuti cilibufwayo Bwenu, ukutandafye i Mbuto. Shena shikamena, ngacakuti Shaponena mumushili uwalungama. Napepa, Shikulu, ukuti Mu Shitungulule kuli uyo mushili.

<sup>74</sup> Ifitambalikwe pacintamba, nangu pacintamba, Naciba nokusosa, kuno muno lucelo, tutambala, utufipe. Cilepilibula ukuti abantu balwele, balekabila. Mwe Lesa wamu Muulu, Uwaimishe Kristu ukufuma kubafwa kabili mwa Mutula kuliifwe muli buno ubushiku bwakulekelesha, mumibele ya Mupashi wa Mushilo, lekeni Ena Uusangwa lyonse aloleshe panshi; uwaishiba fyonse, ukwishiba ifintu fyonse; uwamaka yonse, amaka yonse. Aloleshe pali ututufipe. Kabili lekeni twena, ilintu twena tukakumya abalwele nabapakaswa, lekeni Mupashi wa Mushilo akapele ilyo ipepo kumatwi yakwa Lesa, kabili lekeni bena bakapole ilyo line.

<sup>75</sup> Shikulu, tontonkanyeni pali ulya mwanakashi umunono umubusu. Nafumafye mukulanda ubunte bwakwe, “Kunse kulya mu Kansas ileelo, uwansansa, ukwabula ukukalipwa. Ta kuli dokota uwingasanga nangu cimo icilubene muli ena. Takuli ifyakukalipa, takuli nakabili amapilushi yakutalalika, takuli nakabili umuti watubulungwa uwatulo; alala bwino kabili uwamutende. Fyonse fili bwino.” Mwe Shikulu, icinecine, ilyo Imwe mwaisa, fyonse filaba bwino nombamba. Twa Mutotela pali ico.

<sup>76</sup> Nombamba, Taata, lintu ifwe twalaisa ku Cebo, paleni i Cebo Cenu. Lekeni Cibwelela kuli Imwe ibusha, lelo na Cifikilisho cilya icintu Ico calashikilwako nokubikwako. Mwi Shina lyakwa Yesu ifwe twalomba ici. Amen.

<sup>77</sup> Nombamba, bushe mulengumfwa bwino, bonse? Uko kunuma, cilifye bwino? Cinshi cawamishapo, ngacakuti Nasosa nge *fi*, nangu ukusosa nge *fi*? Lubali *uku*, ululubali kuno uku luli bwino? Bushe ico cawamako kuli imwe bonse kunuma uko? Cisuma, Nalatinta ici kuno lubali, ukupalamikako panono nombamba.

<sup>78</sup> Pa Mulungu wapitile, caba mulungu umo, Na—Nali celelweko panono, nalikwete ukushimikila ukwatantalila. Nshitemwa ukuba mumusango uyo. Kabili nombamba, limo limo, taca nsakamike nelyo panono, nga cakuti umo muntu naikala, amona balya abeminine, atemwa ukukabushanya ififulo nabena, pakashita akanono, ukuti batushe. Kuti caba imicitile isuma iya bwina Kristu. Kabili nombamba, nombamba, nalimo, kuli—kuli ili Ipasaka, ifwe limbi tukakwata incende imbi iyakukwatilamo u—u—u kulongana kukalamba.

<sup>79</sup> Nombamba tulefwaya ukukupukula, muno lucelo. Bonse mwefita buleni ishenu—ishenu i Mpanga nombamba, kabili ifwe twalaimya inkondo pamulwani. Twaleimba akalwimbo mwaishiba:

Ubulwi epo buli, We cita icina Kristu,  
Icinsu ne cinsu mufyakufwala fyabukali.

Imwe mwalyumfwa ulwimbo.

Inkwela shilebeka, amalangi yalangishia,  
Ubulungami nobubi nafikumana ileelo.

Mwamona? Ico cacine.

Ubulwi epo buli, lelo tekubanaka,  
Koseni kabili mubupalume Bwakwe  
ikatisheni;  
Ngacakuti Lesa ali naifwe, indalapo Yakwe  
pali ifwe,  
Tukemba ulwimbo lwakucimfya pampela.

<sup>80</sup> Ico cacine. Ifwe tulefwaya nomba ukukupukula nomba ku, pakubala, ukusoma Amalembu yakusoma ayasangwa muli Yohane Washila 10, ama versi yasano ayakubalilapo.

*icine, cine, Ndemweba, Uushingilila pamwinshi mwi cinka lya mpaanga, lelo aninina pambi, ulya mupupu kabili cipondo.*

*Lelo uwingilila. . . pamwinshi e mucemi wa mpaanga.*

*Ena eo uwa pa mwinshi eswilako; ne—ne mpaanga shumfwa ishiwi lyakwe: kabiliena eta impaanga shakwe kwi shina, nokushitungulwila kunse.*

*Kabili ilyo afumya ishakwe impaanga, ashitangilila, ne mpaanga shila mukonka: ico sha ishibe shiwi lyakwe.*

*. . . umbi tekuti shimukonke, kano uku mufulumuka: pantu—pantu tasha ishibe shiwi lya bantu bambi.*

<sup>81</sup> Nomba, isambililo muno lucelo, lintu Nsalile ukufundapo pakashita akanono, ni: *Amano Uku Cimfyanya Ne Cicetekelo. Amano Uku Cimfyanya Ne Cicetekelo.*

<sup>82</sup> Nomba, kwabafye intulo shibili, nangu kuntulo shibili, kuntu ifwe tufwile ukwikalila. Bushe imwe mwalishiba ico? Nomba ifwe. . .

<sup>83</sup> Ninkwata Amalembu ayalembelwe apa. Kabili Ndefwaya imwe. . . Ifwe limbi twakulallosha kuli yena, ilintu tuletwalilila. Kabili—kabili Nalaesha ukuti tufume bwangu. Kabili nshaeshe uku. . . Ku citambalikafye, pakuti imwe munga twalilila ukufuma apo. Mwamona?

<sup>84</sup> Lelo kwabafye intulo shibili uko ifwe twingafumya ubumi bwesu. Na imo pali isho mano, kabili iibiye cicetekelo. Kabili ngacakuti twatontonkanya ifintu fifuma mumano, kabili nefifuma mucicetekelo! Lelo, isho ntulo shibili, twalabwelela muno lucelo nokushisenda kwisambililo lyesukulu lyapa Mulungu, nokufifumya mu Baibele; nokulanga fintu fili, nafintu fili nokucita, nafintu fyena fyacita, kubwafwilisho bwakwa Shikulu.

<sup>85</sup> Nomba, icicetekelo namano. Nomba, ickubalilapo, tulemona, ukuti, mu Ukutendeka, chapitala 1, twasanga ukuti—ukuti icicetekelo cabikilwemo, namano yabikilwemo. Kabili, ileelo, ishi intulo shibili shicili shilebikwa kumutundu wabantu. Twasanga, ukuti, Lesa ewali Kalemba wacicetekelo, ukucetekela, kubantu ukusumina nokucetekela i Cebo Cakwe. Kabili Satana ekalemba wamano, ukwasha ukulenga abantu ukupokelela amano yakwe, nokubatinta ukufuma kucicetekelo icaba mu Cebo cakwa Lesa. Isho intulo shibili.

<sup>86</sup> Twasanga ukuti cili iceni nganshi ukuti mu Kutendeka, iyi chapitala ya mbuto, yatampa ifyo. Kabili tulemona ukuti ifintu fyonse fintu ifwe twakwata, ileelo, pakubala fyatendekela mu Kutendeka, pantu icebo *Ukutendeka* cipilibula “i ntendekelo.”

Kabili ngacakuti twamona ifi fintu ifyo ifwe tuli, ileelo, ifyo fyena fili, fyena fyali nokutendeka kuncende kumo. Mufwile mwakonka ifintu fyonse ukubwelela kukutendeka.

<sup>87</sup> Kabili apa epali ica kutontonkanyapo panono kuli imwe. Icintu conse icakwete ukutendeka, calikwata impela. Lelo nifilya ifintu ifishakwete ukutendeka, efishipwa, efintufye ifya Muyayaya.

<sup>88</sup> Eico, Ine kuti natemwa ukwipusha ilipusho. Bushe ifwe kuti twasangamo shani amano mwishiwi ilya “bu Muyayaya bwa bwanabwaume bwakwa Lesa”? Ngacakuti Aali u Mwanamwaume, Aali nokutendeka. Ngacakuti Aali Mwanamwaume wa Muyayaya, kuti Aba shani u Mwanamwaume kabili ukuba uwa Muyayaya? Pantu, *umwanamwaume* ci—ci sabo ca cintu cimo. Lelo, ngacakuti Aali—Aali, tekuti abe u Mwanamwaume wa Muyayaya. Takwaba icintu camusango nga uyo, “Umwanamwaume wa Muyayaya wakwa Lesa.” Pantu, ngacakuti Ena—ngacakuti Ena tabalile akwata ukutendeka, ninshi Ena tekuti abe cimbi kano u Muyayaya. Lelo, ngacakuti Aali u Mwanamwaume, Aali nokutendeka, eico Ena tekuti abe Umwanamwaume wa Muyayaya.

<sup>89</sup> Cali ni Lesa wa Muyayaya uwa monekele mu Mwanamwaume. Uh-huh. Mwamona? Lesa wa Muyayaya, pantu Lesa eumofye uwa Muyayaya.

<sup>90</sup> Kabili nenshilafye intu ifwe twingabelamo no mweo nipakuti tuli no Mweo wa Muyayaya. Uyu mubili ulafwa, ifilundwa fyesu fyonse filafwa. Lelo icilundwa ica Muyayaya ni Lesa, kabili tekuti cifwe. Nomba, nomba, i Cebo, Baibele, ca Muyayaya, pantu Cena e Lesa mumibele ya Cebo. Kabili ifyali muli Lesa, mumatontonkanyo Yakwe, lintu takulati kube i Cebo nangu cimo icasoselwe, fyali ni Lesa. Bushe mwacimona? Cali ni Lesa. Eico, ukuba abasalilwa libela, ifwe fwe bali; ukutila “ifwe,” ukucetekela ukuti Ine ndipamo nemwe abasalilwe libela; fyali e—efintu ifyali na Lesa mu Muyayaya.

<sup>91</sup> Kabili nomba, ngacakuti imwe muli uwafyalwa-cipyacipywa umwana wakwa Lesa, imwe muli, kabili namukwata u Mupashi wa Mushilo muli imwe, imwe muli kumonekela kwa Cebo cakwa Lesa icasoswa ilintu Cena tacilaba Cebo. Cifwile ukuba itontonkanyo lintu tacilaba i Cebo. I Cebo litontonkanyo lyasoswa. Kabili amatontonkanyo yali muli Lesa, na ifwe twali muli Lesa mu Muyayaya, kabili ifwe twasoselwe mukubapo ukupitila mu Cebo. Oh, cinshi. . . Ku Cebo nshi? *Ici* Cebo, i Cebo cakwa Lesa.

<sup>92</sup> Nomba, Lesa e Kalemba wacicetekelo. Satana ekalemba wamano. Pantu, Lesa apele abana Bakwe abakubalilapo i Cebo Cakwe, nokubeba ukuti bafwile uku Cicetekela; kabili abikile

imfwa, umupaka, ukukandwa, ngacakuti bena bafilwa uku Cicetekela.

<sup>93</sup> Kabili Satana aisa lubali nokweshwa ukupela kuli Efa, amano, “Iwe ukakwata amano, ayakwishiba icisuma kucibi, nga Lesa.” Nomba, mwamona, icakubalilapo, imwe mulemona bwangubwangu ukuti amano yafuma kuli ciwa. Ico ceni, teifyofine? Lelo fishinka. Amano yafuma kuli ciwa. Ena ekalemba wamano.

<sup>94</sup> Nomba, nakuba, icintu conse ico ciwa akwata, cili kwalula kwa cituntulu. Ulubembu kwalula, ukwalula kwabulungami. Ubucende kwalula kwa mu—kwa micitile iyasuminishiwa. Ubufi kwalula kwacishinka.

<sup>95</sup> Kabili eico a—amano yantu Ndefwaya imwe ukulungamikwapo, lintu tatulatampa. Kwaliba amano yakwa Lesa, amano yakwa Lesa, ayo, kwikala ne Cebo Cakwe. Lelo Satana, mumano yakwe, aeseshe ukupilibula i Cebo, kanshi ico emano yantu Ndelandapo.

<sup>96</sup> Kwalibako umulingo wacitetekelo icendela pamo na Satana. Pakuti mwinga—mwinga sumina Satana, mufwile ukucetekela Satana, eico kwaliba icitetekelo icaalulwa kucintu icaalulwa. Kabili icintu conse icesha ukupilibula i Cebo cakwa Lesa, uku Cilenga ukusosa icintu cimo ico Cena tacicita, cena mupashi ubi, mwamona, ukupela amano ukupinkana namano yakwa Lesa. Eico, ifwe twakula losha kuli cena nga mano, kabili tekucitetekelo cakwa Satana.

<sup>97</sup> Abengi mubantu abacetekela ifyo, bacishinka, kabili bacetekelafye, necitetekelo conse cintu bena bakwata, ukutila balilungama. Mwamona? Mufwile ukuba abalola. Nomba ubulangeti bwanshikwa munshila shibili nomba. Lelo, ena, bena bali . . . Inshila imofye iyakuba uwashininkisha, kubwelela ku Cebo icituntulu. Apo epo ifintu fyonse fyashintilila, pa Cebo.

<sup>98</sup> Nomba, twasanga ukuti ayamabumba yabili, nangu intulo, cili: cimo, mano; na cimbi, icitetekelo. Kabili fyena fyalipinkana ukutula kububumbo, mwibala lya Edeni.

Nomba, kwaliba abana kumbali shonse shibili.

<sup>99</sup> Nomba, bushe a—amano ayo tulelandapo nifinshi? Icintu cimo icishingasumina ukuti conse ici i Cebo e Cishinka. Cintu cimo icingafumyako ku Cishinka, cileilondolola icine ceka nga ukwishiba ukwacilapo, amano yacilapo. Kabili ngacakuti amano yamusango uyo yafuma kuli Satana, abana bakwe bekalila kuli ayoyene amano.

<sup>100</sup> Kabili ngacakuti icitetekelo cakwa Lesa caishile ukupitila muli Lesa, na Lesa e Cebo, abana bakwa Lesa bekalila pacitetekelo. Baibele yatila, “Abalungami bakekalila kumano?” [Ulukuta lwatila, “Iyo.”—Kale.] Cicetekelo! “Abalungami



bakekalila kucicetekelo.” Tefintu ena engasambilila, lelo fintu ena engasumina. Cisuma.

<sup>101</sup> Nomba, nomba ifwe twasanga ukuti. Natusende amano, icakubalilapo. Amano yakwata ukulengulula. Iicetekelo tacakwata ukulengulula. Lelo amano yakwata ukulengulula. Natutampefye ukupilibula mu Baibele, kabili natupilibwile nomba mu Kutendeka, chapitala 3 mu Kutendeka, nokufunda ici.

<sup>102</sup> Nomba nifinshi tulecita, ukweshwa ukucita muno lucelo? Kukonka fintu Shikulu atile, “Tutila i Cakulya.” Uka Cikabila, bumo panshiku ishi. “Tutila i Cakulya.”

<sup>103</sup> Nomba, Ukutendeka 3:1, natusome nomba, ukumona ifyo amano yakwata ukulengulula.

*Kabili insoka yali incenjeshi iyacilamo mufya mweo fyonse ifya mpanga ifyo SHIKULU Lesa apangile. Nayo aiti kumwanakashi, Eya, bushe Lesa asosele, (ukucetekela, ukutila i Cebo), Ati mwikalyako ku cimuti conse ica mwibala mwa?*

*No mwanakashi atile kunsoka, Ifisabo fya fimiti fya mwibala kuti twalyako:*

*Lelo... ifisabo fya cimuti icilli pakati kebala, Lesa a tile, Mwilalyako, (ukwambula i Cebo), kabili mwila kumyako, epali mwafwa.*

<sup>104</sup> Nomba, icicetekelo caikatilila kuli Ico. Mwamona? Nomba lolesheni.

*... Insoka yatile kumwanakashi, Ukufwa tamwakafwe:*

<sup>105</sup> Ukulengulula, ubulengulushi, “Lesa musuma nganshi. Lesa waluse nganshi. Aalimutemwa nganshi.” Imwe mulomfwa ulya umowine ciwa wakale ileelo. “Lesa aliwamisha ukucita ici. Lesa takacite ici. Lesa takakande.” Ali nokucitafye fintu i Cebo Cakwe catila Ena ukucita. Mwamona?

<sup>106</sup> “Cine cine imwe tamwakafwe.” Mwamona? Finshi aleesha ukucita? Ukulenga umwanakashi ukulengulula pamo nankwe. Muli miniti umo mwalengulula pa Cebo cakwa Lesa, ninshi imwe mulelufya icicetekelo. Mwamona? Mwikwata ba “ee, ba iyo, nalimo.” Ikalenifye Naco. Mwamona? Efa aaswike bwino, lelo aumfwile kukupelulula kwakwe.

<sup>107</sup> Kulifye abantu abengi ileelo abakwata ukwishiba ukwalinga, abaishiba ukuti ici Cebo cifwile ukuba Cebo cakwa Lesa, kabili Cena Cebo cakwa Lesa, lelo baleminina nokuleka umusambi waseminali ukuba lengulula ukufuma muli Cena, ukufuma ku Mupashi wa Mushilo, ukufuma kufintu fyakwa Lesa. “Ukupelulula, ifwe tufwile ukufiposa panshi.”

<sup>108</sup> Nomba versi 4.

*Pantu...*

Nalamweba mulandunshi Satana asosele. Nala belenga versi 4, ukubalilapo, elyo 5.

*Kabili insoka yatile kumwanakashi, Cine cine tamwakafwe—ukufwa:*

*Pantu Lesa alishiba ukuti munshiku muka lyako, ninshi amenso yenu yakesuka, kabili mukaba nge milungu, ukwishiba ubusuma ku bubi.*

<sup>109</sup> Mwamona, alemupela ukulengulula, “Bushe kuti watemwa ukulingana na Lesa? Bula...” Mumashiwi yambi, “Iwe ulefwaya icinecine ukuba uwalungama na Lesa? Pokelela ukupanda amano kwandi. Umfwa kuli ine. Lesa tapilibwile Ico. Tacitilefye.”

<sup>110</sup> Lintu imwe mwaumfwa ifyo, talukeniko. Ico cacine. Uko kulila kwa nsoka. Cena cileumfwika icamano. Lelo mwilalengulula, nakalya. Cetekelenifye, fintu Lesa asosa. Nomba, lintu u. . .

*Kabili lintu umwanakashi amwene ukuti umuti wali uusuma kukulya, . . .*

<sup>111</sup> Mwamona ifyo cali? Ukulengulula kwakwe kwalengele ena ukwishiba ukuti cena cali icalungama, cali cacine.

*...kabili wawama ku kumona, kabili muti wakutemwikwa...*

<sup>112</sup> “Ukulenga umo ukukwata icicetekelo”? [Ulukuta lwatila, “Iyo.”—Kale.]

*...ukulenga umo ukukwata ukwishiba, ukulenga umo ukukwata amano, . . .*

<sup>113</sup> Mwamona ifyo cali? Satana ukupela ukwishiba, ukwishiba ukwa pusana ne Cebo, “umo ukulenga umo uwamano.”

*...umwanakashi ubulileko kucisabo...nokulya, kabili apele naku mulume wakwe pamo nankwe; na o alile.*

*Kabili amenso yabo babili yaiswike, nabo baishibe ukuti bali ubwamba; elyo bapikwile amabula ya mukunyu, nokuipangila ifyakufwala.*

<sup>114</sup> Nomba, cinshi catampile ico? Ukulengulula. Mwamona? Icicetekelo tacilengulula. Imwe tamulengulula, nakalya. Imwe kucetekela. Lintu mwapepelelwa, nokupokelela i Cebo cakwa Lesa kubundapishi, mwilengulula kumyumfwile yenu. Mwilengulula kucintu nangu cimo. Takwaba kulengulula kuli cena. Lesa asosele ifyo, kabili nacipwa.

<sup>115</sup> Oh, ifyo Ningatemwa ukwiminina apa baminiti banono, nokutusha pali ico, nokubulamo ilyashi. Tekuti cicitwe, nokushimikila ifi, nalimo imitwe yelyashi amakumi yane nangu amakumi yasano yantu Nkwete pano. Lelo ukulengulula. . .

116 Lintu Shikulu apela icimonwa...Nalamwebafye iyandi iinono inshila yabwaice. Shikulu apela icimonwa cacintu cimo icili nokucitika, cinshi, Nshisakamana icilepinkana naco.

117 Kabili ibukisheni, ifintu fyonse ifingaletwa, ukupusana, Satana kuti acita. Akesha ukulengulula, "Iwe tekuti uucite."

118 Tutile, cintu Nacimweba inshita inono yapitapo, palwa kuya...Nomba, ici cali kunse yakashila kabikwapo. Iyofye bamayo tabalati baye. Kabili Shikulu alishibe ukuti Nshali nokusunga kulya kupangana nabalya ababwananyina, palwakuya mukulunga. Kabili apele icimonwa, nokuntuma kulya ku British Columbia.

119 Kabili lintu twafikile kulya, katungulula atile, "Nshatalamonapo cibuli wakwata silfere-pampela ya mona. Naikala kuno ubumi bwandi bonse. Nakuba, ifwe tuleingila mucalo ca mpaanga, pali bakabalwe. Takuli abakwata silfere-pampela ya mona. Ta kuli...Imwe tamwacisange kulya." Mwamona? Mwamona? Ukwesha, mwamona, ukwesha ukuselako; ukulengulula.

120 Satana atile kuli ine, "Cili ukuti, iwefye—iwefye tawaumfwikishe icimonwa."

121 "Lelo Nshacitile ico. Cili nokuba. EFYA SOSA SHIKULU." Kabili lintu insebula yamoneke, kabili ifwe twakwete cilya, ico icali mucimonwa, ngafintu bonse imwe mwaishiba.

122 Nomba atile, katungulula atile kuli ine; munyina umusuma nganishi, tukaba nankwe nomba mumilungu inono, umwina Kristu umunono. Atile, "Munyina Branham, munyinane alikwete ubulwele bwamusamfu. Naiwe waishile pali ulya kabalwe ubo bushiku, kabili wanjebele ukucita icintu cimo, nokuti 'umusamfu wakwa munyinane uli nokupwa.'" Atile, "Ilintu Nacitile ifyofye Mupashi wa Mushilo akwebele ukweba ine," atile, "ena tabalanswa, ukufuma ubo bushiku."

123 Atile, "Nomba kuno tuli, pamulu wa ulu lupili. Kabili pali bamailoshi batatu ukuya panshi, takuli nangu cimpusa icilepele ba inci bane. Takuli kano amaluba yansebula, nefisabwasabwa ifinono, kabili fyena fifika pali ba inci babili nangu batatu ubutali." Atile, "Icani cansebula nefisabwasabwa, ukufika mumbali yamutengo, kabili bakabalwe besu bacikakililwa kumbali yamutengo. Kabili nomba, ukulingana nafintu wanjebele ilyo tatulaisa kuno, ukuti, apantu pamo pakati kapano napalya peminine ulya mulumendo, uufwele ishati lyafishilwa, iwe walapaya cibuli kepaya uwakwata silfere-pampela yamona uwalepa amafiti pabula."

Natile, "Ico ni EFYA SOSA SHIKULU." Mwamona?

Ico cali cinshi? Satana aleesha ukunenga ukukanacetekela ico.

124 Twatampile ukutentemuka ulupili. Ilyo tulepalama, ena atwalilile ukusosa, “Munyina Branham, ifwe tulifye limbi mailoshi umo pepi nacena nomba.”

Natile, “Bushe uletwishika, Bud?”

“Awe nakalya.”

125 Ifwe twafikile limbi citika wa mailoshi. Atile, “Ifwe tulifye nacitika wamailoshi nomba.”

126 Natile, “Ico cacine.” Atile, “Tontonkanyafye, muli citika wa mailoshi!” Ukufumyapo ukulengulula.

127 Atile, “Lolesha. Tulemona fyonse ifili kuntanshi yesu. Takuli nangu cimo kulya.”

128 “Lelo,” Natile, “Lesa U wampele i Cebo kuti alenga cimo kulya. Wilengulula. Cicetekelefy. Wiposa amano kukulengulula. Ico tacikwete nelyo cimo icakucita naco. Cetekelafye fintu Ena asosele. Capwa.”

129 Ine nali ninjiminina palya, naloleshe pa mulu wa mpili, konse, kwalifye amaluba ya nsebula; akasuba kaleya mukwingila; impili, ishaemba. Imwe kuti mwamona akalitoni ukuli konse, ba mailoshi batatu ukufika pamulu walupili, pamulu wandifye. Kabili lintu Ine na alwike ukulolesha, nalimo bamailoshi babili kuntanshi yandi, nangu mailoshi umo nacitika, nangu bamailoshi babili, paiminine cibuli kepaya uwa mona-wa silfere pampela. Ifyo aishile palya, Nshishibe. Lelo aalipalya. Mwamona?

130 Mw lengulula. Cetekeleni. Nangu cingaba shani, mwilaposa amano kumibele. Cetekeleni.

Nomba Lesa atile, “U—ubushiku mukalyako, ubo bushiku mukafwa.”

131 Satana atile, “Leka nkwebe icintu cimo, mwamona. Nomba, Ico, ico ni. . . Oh, ee, ifwe tutila Lesa wacishinka. Cinecine. Ico cacine. Twacetekela ico Cebo. Oh,” Satana atile, “Nacetekela Ico, icinecine. Lelo, umfwa, leka nkwebe, Tapilibwile Ico.”

Ena apilibwile Ico. Apilibwile fintufye Asosele.

132 Satana atile, “Nomba, mona, Nalakweba mulandunshi Acitile ico. Ena cinecine. . . Wamona, taula—taula—taulati, ukwate amano, libe. Taukwetepo nangu yamo amano. Mwamona? Iwe uli kwati ni mpaanga, ukulatungululwa. Tamuli pa lwenu.” Ifyo efintu Lesa afwaya imwe ukuba. “Tamwatala. . . Tamulati mukwate Ph.D., nomba. Imwe—imwe—imwe tamulati mukwate amasambililo ayafikapo. Mwamona? Lelo Ine nalikwata amano. Nalacishininkisha kuli iwe. Nomba, lolesha, iwe tawaishiba icalungama necilubene. Walishiba ukuti kwaba icamusango uyo, lelo iwe tawaishiba cena nicinshi. Leka nkulange inshila cicitilwamo.” Ifyo efyofye alefwaya ukweba

ulya mwanakashi. Efyofye alefwaya ukucita. “Leka nkulange inshila cicitilwamo.”

Ena atile, “Lelo ifwe tukafwa.”

133 Atile, “Cinecine Lesa takacite ico. Lelo Alishiba ukuti mukaba namano pamo.” Mwamona?

134 Ukubika amano yakwe kukulwisha i Cebo cakwa Lesa. Ayo emano Ndelandapo. Mwamona? Amano ukulwishanya ne cicetekelo, ukupinkana ne cicetekelo. Ubo ebulwi bwakubalilapo. Kabili i Cebo cakwa Lesa caiminine ndi kabili icacishinka. Lintu bakumineko kucabindwa, bena balifwiile; kabili babefyo, ukutula ilyoline. Mwamona? Apo epali, ukushininkisha palya pene, ukwabula ukutwishika nangu panono.

135 Nomba twalacitalishako pakashita akanono. Nomba, Naciba mu Kutendeka 3:1, 17, kabili nomba...nangu 1 ukufika 7, nakuba, kabili nomba, nomba, apo amano yakwata umengulwila. Nibanga balesuminisha ico nomba? Tileni, “Ameni.” [Ulukuta Iwatila, “Ameni.”—Kale.] Mwamona? Imwe mwatila nomba...

136 Ba dokota batila, “Ukuba, Nalakweba.” Nomba lolesha, ukubula uyu mwanakashi munono Nafuma mukupelapo ubunte. Dokota atila, “Tapali nelyo cimo ico wingacita. Iwe nacipwa. Takuli isubilo pali iwe. Kabiye kucipatala camashilu. Mutwaleni kulya.”

137 Umwanakashi atile, “Ilintu Nshilaya kulya muli umo mumiputule mulya, Nalaipaya.”

138 Kabili nomba nicinshi? Lesa aishile pancende. Kabili ukupitila mukubilisha kwakwe, apantu pamo mwipepala kulya ukutali mu Kansas, ukufuma ku Bloomington, Illinios, aumfwile. “Icicetekelo cisa kukumfwa.” Mwamona? Ukuba, umulume amusendele. Bali abatemwana nganshi, balitemwanene umo nomunankwe.

139 Tontonkanyeni. Imyaka ine, nokubombelwa imiku ine; ikumi na yasano, ikumi na mutanda utubulungwa twakutalalika imishipeshipe. Ifyo fintu fyalingafye ukwipayaya umwina kufwa. Mwamona? Kabili nashonse shilya inshindano, ibili nangu imiku itatu cilamulungu. Kabili Ninjishiba imo pali isho yali ni Lextron, elyo Nalaba ifyo uubiye wali. Wali umo uwakumibele yakufulungana. Ena alelaswa ishii nshindano, kabili, lubali lwaisho, amapilushi yabili ayatulo. Kabili ukufilwa ukulala, kuli ifyo. Amacushi, ukulwala akasuba konse, ubushiku bonse, umwaka nomwaka. Nangu cimo icakucita.

Lelo, “Icicetekelo cisa kukumfwa.” Mwamona?

140 Nomba, lintu afikile kulya, Lesa amubikile pacintamba, ewabalilepo. Mwamona? Kabili munshi...Mulandu nshi, cinshi? Lintu Napaleme kuli ena, kabili Natile, “Uli shani,

nkashi?" "Uli shani?" Tabalile omfwa nangu cimo palwa ici. Taishibe nangu cimo pali ici. Lelo ukutula, "Iwe niwe Misisi *Wakuti-na-wakuti*. Wafuma ku Kansas."

<sup>141</sup> Nomba, mukwangufyanya, ico camulengele uku—uku tontonkanya. "Lolela miniti imo. Ine ililine namumfwa ukusosa, ukuti, 'Kristu aba cimo cine ubwa mailo, ileelo, nomuyayaya. Kabili pano ifwe twacishininkisha, mu Baibele, muno bushiku, ukuti Kristu alaile ukumonekela munshiku shakulekelesha, mwi Chalichi Cakwe, nefintu ifyo bacitile kulya ku Sodomu, nafimbipo,' lintu aleshimikila." E mbila yandi iyakwiswila. "Pantu, nomba, pano Namona cena ukutwalilila, pano penefye." Mwamona? "Nomba, ee."

<sup>142</sup> "Nomba, waliya kuli ba dokota abengi. Bakubombela imiku ine."

<sup>143</sup> "Nikwi kuntu alefumya ilyo lyashi? Nikwisa uko ifi fyafuma? Ulya umunono, umwaume we-pala taishiba ifyo. Nikwisa ici cafuma?"

"Kabili iwe ilyo waciba pamusebo ukwisa kuno, *cakuti-na-cakuti* icintu."

<sup>144</sup> "Ukusosa!" Mwamona? "Nomba, ifyo efintufye apwishafye ukushimikilapo. Ico e Cebo."

<sup>145</sup> Lelo, namwishiba, Satana atile, "Nawishiba, iwe wasumina ico, kakumba obe..." Ico tacili nelyo cimo icakucita naco. Mwamona? Poseni ukulengulula. Mwamona? "Lelo dokota obe atile ufwile ukuya kucipatala camashilu." Posa ukulengulula.

<sup>146</sup> "Ndelolela ukumona ifyo Lesa ali nokusosapo pali cena." Mwamona? Nomba Lesa...Nshashibe ifyakusosa. Lelo u Mupashi wacibulile nokucisosa.

<sup>147</sup> Ena alicicetekele. Talengulwile, "Umwaka no mwaka, no mwaka, amano ukufulungana, amatontonkanyo ukuluba, ukubombelwa ne fintu fyonse, fyonse ififintu; nicinshi, tamuli amano, Ndetontokanya kuti naundapwa pano, muli sekondi imo." Lelo ena tatontonkenye pa kulengulula. Acetekelefyeye. Icicetekelo cacicitile, na ena aliundepwe, iyo inenshita.

<sup>148</sup> Imwe kuti mwaterwa ukumulembela, mulandun shi, Billy kuti amupela icifulo cakwe. Cisuma, nomba. Nomba, u- . . .

<sup>149</sup> Amano yalalengulula, nomba. Nomba...Lelo icicetekelo tacakwata kulengulula. Cena tacicita nelyo cimo kano ukwikatilila ku Cebo. Cena cikatilila ubulayo.

<sup>150</sup> Nomba natubelengeko panono. Natupilibule ku Bena Roma, icipandwa calenga 4, nokubelengafye panono. Kabili kanofye ifwe tutitikishiwe kunshita, twalabelengafye aya Malembo, Abena Roma, chapitala 4. Pantu, icine cine Nalitemwa ukubelenga i Cebo. Cikulenga ukuba bwino uku—uku Cibelenga. Abena Roma, chapitala 4, kabili natutampile pa versi 17. Kutikeni.

151 Paulo, alelemba ilyashi pabumi bwakwa Abrahamu, namwishiba, tapaba nangu cimo icalandwa pali Abrahamu ukubutukila mulya mu Gerari, kabili tapaba nangu cimo mulyashi, namwishiba. Cilifye, “Abrahamu aceteketeke Lesa,” Paulo, ulya umutumwa mukalamba, ukulemba ilyashi pali Abrahamu.

152 Versi 17, “Nga fintu calembwa . . .” Nalitemwa ico: Paulo, ukwikala ne Cebo.

*(Nga fintu calembwa, Nakupanga ukuba shibo wa nko ishing'i.) . . .*

153 “Ninkulenga.” Abrahamu ali nemyaka amakumi cinelubali na isano. Aikele nomukashi wakwe ukutula ilyo aali . . . bonse babili bali abaice. Ena lubali ali nkashi yakwe. Ukwabula abana; ena tamwali maka yabufyashi kabili umwanakashi ali ni ng’umba. Lelo Lesa amukumenye nokutula, “Ninkulenga,” kale, lintu umufula wesonde taulati ubeko, nakuba, “ukukulenga iwe ukuba shibo wa nko ishing'i.” Tewabana abengi, lelo inko ishing'i. Citontonkanyepofye.

*. . . ku cinso cakwe uo aceteketeke, Lesa, nao Lesa, kabili Lesa, uulenga abafwa babe aba mweo, nokwita ifishabako kwati fyalibako.*

154 Mwilalengulula, iyo. Kutikeni.

*. . . ukwita ifishabako kwati fyalibako.*

*Uyo ilyo isubilo lyapwile . . .*

155 Owe! “Tamwali nangu lisubilo.” Inga ngacakuti ali lengulwile? “Ta mwali nangu isubilo.”

*Pantu ena ilyo umwakucetekela mwapwile acili alelelela nokutetekela, ukuti engaba shibo wa nko ishing'i; umwalola icasoselwe aciti, Efyo bukaba ubufyashi bobbe.*

156 Nangu fimbi fingalandwa shani. “Lesa asosele ifyo, kabili ico nifyo fine.” Oh, ngacakuti Efa ekalilafye neco! Mwamona? Lelo abalile, ukulengulula, ukuti akwateko amano. Abrahamu talefwaya amano nangu yamo. Ena alefwayafye i Cebo. “Lesa asosele ifyo, neco cacipwisha.”

157 Namwishiba, Nalishimikilapo pali cena, imiku iingi. Aile nokushita amatebela yonse naba napini, neintu fyonse, ukupekanishisha umwana, na Sara apikwile utusokoshi. Kabili umwaka nomwaka fyapitile. “Apalwe Lesa, ifwe tuli nokumukwata, nangu cibefyo. Ico cacine.”

158 “Mulandu nshi, ena,” dokota kuti atila, “ukuba, ena tekuti amukwate. Iwe tekuti ulikwate.”

“Kabili winjeba. Tuli nokumukwata, nangu cibe shani. Eifyo fine.”

159 “Iyo umwakucetekela mwapwile, lelo akwete ukutecekela.” Isubilo lyonse lyalipwa, lelo acetekela muli cena ilintu icitecekelo capwile, kuli ena. Isubilo lyalipwile kukufwailisha kwa scienci konse, intulo yonse iyamano. Isubilo lyalipwile, lelo acili alecetekela muli cena. Bushe cali nicinshi? Cicetekelo muli cena; icicetekelo mwisubilo ilyo isubilo talilipo. Hum! Ine kuti natemwa ukushingashingako apo pakashita akanono. Icicetekelo mwisubilo ilyo tapali icicetekelo palya, lelo ena ali alecetekela mwisubilo. Mwamona? Pantu, atile, “Alinjebele ukutila, ‘Efyo ulubuto lobe lukaba.’”

160 Nomba, versi 19. “Kabili ukukanaba uwanaka mu ‘mano, ukwishiba, na digiri yakwe’”? [Ulukuta lwatila, “Iyo.”—Kale.] Iyo.

*. . . ukukana naka mukucetekela, (Ah! Aleni nomba),  
nelyo atontonkenye umubili wakwe ukuti uli nga  
uwafwa, . . .*

161 Isubilo lyalipwile. Umubili wakwe walifwile. Kutikeni, ayakonkapo:

*. . . ico ena aali ne myaka nalimo umwanda umo,  
nangu . . . uku umba kwe fumo lyakwa Sara:*

162 Icicetekelo calipwile. Umubili wakwe walifwile. Ifumo lyakwa Sara lyali ubuumba. Nifinshi ena acitile? Versi yakonkapo, “Tanenwike.” Oh, owe!

*Tatalantente kubulayo bwakwa Lesa ukupitila  
mukukana cetekela (amano); lelo akosele mucicetekelo,  
nokupela ubukata kuli Lesa;*

163 Oh, owe! Nicinshi?

*Nokushininkisha ukwapwililika ukuti, ico ena a laile,  
ena kabili ali noku bomb a.*

164 Hum! Nangu cingaba shani, takwaba kulengulula kuli cena, nakalya. Asendafye i—i Cebo nokwikatilila kuli Cena. Nomba, ngacakuti Ici Cebo cakwa Lesa, bushe mule Cicetekela? Nomba mulandu nshi mwingatwishikila cimo mu Cebo ca Ciko, bumo mu bulayo bwa Ciko? Bushe kuti mwalanda shani ukuti Ici ciputulwa, kabili Ici tecisuma; kabili Ici ni cilya, ukusalapo fintu mwatemwa? Teti cicitwe. Cifwile ukuba conse icisuma ngateifyo tamuli nangu cimo muli Cena icisuma. Nacilungama. Eico, ilyofye mwamona ukuti Cena ci Shinka, ikatilileni kuli Cena. Mwi Cilekako, nangu cingaba shani, ifyo bengesha ukulengulula, “Mulandu nshi, imwe tamufwile.” Mwicita, mwicita ico, nakalya. Ikalenifye na Cena. Lesa alilaile cena.

165 Nga cakuti Ine nomba ndesenda ulubali na Kristu, kabili Alimpela u Mupashi wa Mushilo, u Mupashi Wakwe ubela ubunte bwa Mweo Wakwe muli ine. Lyene lintu Ine nafika ku mfwa, Satana aesha ukusosa, “Nomba, wamona, iwe tawali wa mukabungwe.” Ikala ne Cebo. “Iwe tawacitile ci. Tawacitile



*cilya.*” Nangu cibe shani, *cilya*, Satana takwata ukulengulula palwa Cena. Cena Cebo cakwa Lesa. Ikaleni ne Cebo. Mwamona? Cena ciposa panshi ukulengulula konse. Mwamona? Tamufwile ukukwata ukulengulula nangu kumo; cikatililafye ku Cebo. Mwamona?

<sup>166</sup> Nomba, icicetekelo cicetekelafye mu Cebo Cakwe. Mwamona? Ico ecintu Alefwaya bena ukucita. Ico—ico, nomba, imwe mwaumfwa umufula nomba. Ifyo eflyo bwino bwino Lesa alefwaya umutundu wamuntu ukucita: ukucetekela mu Cebo conse ico Asosele.

<sup>167</sup> Kabili Efa acetekela conse ica Ciko. Lelo akantu kamo ako apokelele, “Ukuba, ngacakuti Naisulamo amano, nalimo—nalimo cali muli iyo nshila. Nalimo cifwile ukuba muli *iyi* nshila.” Mwamona? Nomba apo pene epo alufishe ukwikatilila kwakwe. Epo atampile ukwibila, palya pene. Epo umutundu wamuntu onse waile panshi munshinshi, ukufuma palya pene, pantu umwanakashi atwishike i Cebo cimo.

<sup>168</sup> Bamo muli bena batila, “Ukuba, Nalicetekela *Ici* cacishinka. Nalicetekela *Ico* ukuti cishinka. Ine nalicetekela Lesa kuti apususha, lelo Nshacetekela ukuti kuti Aundapa. Nalicetekela u Mupashi wa Mushilo, cine, wawile pa Bushiku bwa Pentecosti, lelo takuli pamo apali icintu nelyo cimo icitila u Mupashi wa Mushilo wawile, panuma ya Pentecosti.”

<sup>169</sup> Oh, munyina! Ifyo eflyo balanda; ukulaita inkuta shakwa Kristu. Mwamona? “Ukuba ne mibele yabulesa, lelo ukukana i Cebo cabuko.” Huh! Uh-huh! Eifyo fine. Mwamona?

<sup>170</sup> Mufwile ukucetekela. Mwilalengulula. Cetekeleni. Mwiesha ukukwata amano. Cetekelenifye i Cebo.

<sup>171</sup> Amano yaleesha ukulengulula no kupela inshila iyawamapo. Nomba, ifyo eifyofine fintu Satana aebele Efa. “Nomba, iwe tawakafwe. Icinicine tawakafwe, pantu Lesa ni Lesa umusuma.”

<sup>172</sup> Ena ni Lesa umusuma. Kabili nenshilafye Ninga Mucetekela, ukuba Lesa umusuma, kutila Ali nokwikala ne Cebo Cakwe.

<sup>173</sup> Bushe kuti mwaenekela ine ukuba shani uwacishinka ilyo Nshaba uwacishinka? Nga cakuti Namweba icintu cimo, nokucita icintu cimbi, icebo candi cintu casunkana. Mwamona?

<sup>174</sup> Nakuba, icilenga Ena ukuba Lesa umusuma, nipantu Asosele i Cebo, naifwe tufwile twaikalila kuli ico Cebo. “Umuntu takekalile kumukate weka, kano ku Cebo conse icakwa Lesa, icifuma mukanwa kakwa Lesa.” Nomba, Lesa afwile ukwikala neco Cebo. Ico eci Mulenga ukuba Lesa umusuma.

<sup>175</sup> Nomba, ngacakuti Atile, “Ukuba, Nalabaleka ukutwalilila *nefi*. Ine, Nalabaleka ukucita *ifi*. Ukuba, *ico* cilifye bwino. Oh, Ine, Nala—Nalaselela *kuno* lubali,” cinshi, Ena ni mbulwamaka, mwamona; Ena te Lesa; Ena ali—Ena alifye umuntu.

Mwamona? Lelo, ukuba Lesa umusuma, Afwile ukwikala ne Cebo Cakwe. Ico icibika cila mwana. . .Nga cakuti Aleka *uyu* umo ukucita ubucende, *uyu* umbi ukunwako panono, kabili—kabili *uyu* umbi alebepa panono, *uyu* umbi ukwiba panono, noyu umbi kuti acita—acita *ici*; nomba nokunengafye ine ukuponena mumulongo, ukwingilamo?

<sup>176</sup> Akwata inshila imo, nabonse abakengilamo bali nokupita muli ilya mpongolo. “Ya kamfyemfye impongolo, kabili ninshila iinono. Takuli icakowela icikengilamo.” Uku mu Kusokolola, atile, “Bonse umushili indoshi, bacilende, nembwa, nafimbipo.” “Mwalipalwa mwebabaka yonse amafunde Yakwe, ukuti mwingakwata insambu ku Cimuti ca Mweo.” Ico ca cine. Kwaba inshila imo, neyo yakwa Lesa.

<sup>177</sup> Ifwe tatucilengulula, takuli nshila imbi. Ukuba, ichalichi caci Roma citila, “Nifwefye i Chalichi. Iyo—iyo Baibele tayabafye neyayana u. . .Mulandunshi, mulandunshi, Cena, iwe tekuti. . .” Bishopu Sheen atile, “Ukwesha ukwikala na Cena, calikwati kwenda mumenshi yamatipa.” Mwamona? Mwamona? Kuti mwacita shani ifyo? Mwamona? Lyena, ngacakuti ena nalungama, ninshi Baibele nailuba. Baibele yalilungama; ena naluba. Nomba mwala landa shani? Nga cakuti i Cebo cakwa Lesa cintu calungama, ekutla limbi Bishop Sheen nangu—nangu Baibele. Te Bishopu Sheen eka, lelo Shimapepo *Wakuti-na-wakuti*, na Dokota *Wakuti-na-wakuti*, na *Wakuti-na-wakuti*. Ine nga nshilumbwile ishina lya mwaume, kano ena acisosele pamulabasa. Eico, acisosele pamulabasa, eico Ndemona kuti Nalumbula ishina lyakwe. Dokota *Wakuti-na-wakuti* na *Wakuti-na-wakuti*, atile *wakuti-na-wakuti* kabili *wakuti-na-wakuti*. Nomba uyo untu walacetekela, Lesa nangu bena?

<sup>178</sup> “Ukuba,” ukutla, “Cena tacilepilibulafye *Muli* iyi nshila.” Cena cilepilibulafye munshila intu Cena calembwa.

<sup>179</sup> Ukuba, ubo ebufi bwakubalilapo ubwakwa ciwa. Atile kuli Efa, “Cena tacilepilibula sana *ifyo*. Cine cine Lesa musuma uwakucita ico. Imwe ta mwakafwe.” Lelo balifwile. Kabili ba kulafwa, inshita yonse. Mufwile ukukumanya i Cebo!

<sup>180</sup> Amano yaleesha ukusenda i—i nshila iyawamapo, inshila yaipya, inshila yakulumbuka, i. . .nshila iyaanguka po, iyakwenda palwaiko.

<sup>181</sup> Ililinefye, nga mwabula umulumendo umo pano, limbi Lesa atampa ukubomba nankwe. Nomba, ena atontonkanya ukuti afwile ukwisa. Afwile ukulenga umukashi wakwe ukwisafye mumulongo. Afwile ukuleka umalila yanjuka. Afwile ukuleka ukuya kufiila fyakushana. Umukashi wakwe afwile ukuleka umushishi wakwe ukulepa. Umwanakashi afwile ukuleka ukupenta icinso. Afwile ukuleka ukupeepa, ukunwa. Afwile ukufuma mulikalya kabungwe kakalamba kantu abamo. Afwile ukuicefya pacintamba. Ena afwile ukwiminina nokwitwa

uwafulungana, kakunkuluka-wamushilo, Beelsebabu, conse cintu engetwa. “Ine nkaba kapepa, lelo Ndi nokuya kwisamba *uku*, ukuilunda kuli ici ichalichi kwisamba *kuno*. Imwe mwacepesha.” Aleni nomba. Mwamona? Kuli ukulengulula, ukulengulula.

<sup>182</sup> Nomba twalafika kucikomo icikalamba, muli baminiti banono, pali ico. Mwamona? Kuti mwaishiba shani icilungeme necilubene, nomba? Mwamona?

<sup>183</sup> Nomba, ukwesha ukulenga i Cebo ukulanda icintu cimo, ukwishiba kulacita. Ukwishiba, amano, yaleesha uku—ukulengulula. Amano yasanga inshila iiwemepo. Takwaba inshila imbi kano inshila yakwa Lesa. Amano yaleesha ukulanga, ukutila, “Oh, ukuya, nomba, nawishiba, ifwe tekuti tuciteco muli *ino* nshita.” Ifwe tufwile ukucicita, nangu cibe ifyo. Mwamona? Ukwesha ukusanga inshila iyaanguka. Ukwesha ukulenga Baibele ukusosa ifintu ifyo Yena ishalanda.

Nomba mwatila, “Oh, Munyina Branham, nomba ule . . .”

<sup>184</sup> Lolelenifye panono. Twalabwelela kulubuto nakabili. Cali cinshi cintu ciwa aeseshe ukucita namano? Ukulenga i Cebo cakwa Lesa ukusosa icintu cimo ico Cena tacasosele. Ico cacine. Aeseshe ukulenga i Cebo cakwa Lesa ukusosa icintu cimo ico Cena tacasosele. Eico iyo enshila cishilamo ileelo, ilyo bena besha kulenga i Cebo cakwa Lesa ukusosa icintu cimo ico Cena tacasosa.

<sup>185</sup> Ukuba, bena batila, “Ukuba, Ine nalakweba, Munyina Branham, iwe tawakwata bulondoloshi bwalungama.”

<sup>186</sup> Baibele yatila, ati, “Ubusesemo tabwaba bwakuilwila.” Mulandunshi? Mulandunshi tabwaba bwakuilwila? Mulandunshi? “I Cebo cakwa Shikulu caishile kuli bakasesema.” Cena cipibulwa nabakasesema. Tekuti cibe cakupilibula, bwamubumfisololo. Bakasesema bali Cipilibula kale kuli imwe. Ico cili apo, ukulembwa Umo mwine. Ifyo efyo cifwile ukuba.

<sup>187</sup> Lesa afwile akwata ifintu fimo ifikankala ifintu abantu bonse bafwile ukupingwilwako.

<sup>188</sup> Ngacakuti kupitila mu chalichi, cilikwi icalungama? Ili limbi imyanda pabula muli yena, imyanda pabula iyatubungwe twapusanapusana. [Munyina Branham akola—Kale.] (Njeleleniko.) Ni cisa muli isho icaalungama? Kuti mwaishiba shani ukuti mukengilamo? Nga ngacakuti uli Methodist, no umwina Baptisti nalungama? Inga ngauli Pentecosti, ba Presbyteriani nabalungama? Inga ngauli Katolika, kabili ba Lutherani nabalungama? Inga ngauli Lutherani, naba Katolika nabalungama? Mwamona?

<sup>189</sup> Kufwile kwaba umufula umo kuncende imo. Eico ngacakuti i Cebo . . .

<sup>190</sup> “Mukutendeka kwali i Cebo, kabili Cebo ali pamo na Lesa, na Cebo ali Lesa.” Mwamona? I Cebo cali muli Lesa. Cena caali ni Lesa. Cali matontontokanyo Yakwe ayali pamo Nankwe, lyonse Kulya. Amatontontokanyo yakwa Lesa ya Muyayaya nga fintufye Lesa aba. Ameni. Ico tacili mukaka wa anguka, munyina. Mwamona? Ici caisa. “Amatontontokanyo yakwa Lesa yali Cebo Cakwe, mukutendeka,” uko ni, “mu Muyayaya,” nomba, lintu “ukutendeka” pakubala kwatampile, inshita. “Mukutendeka kwali Cebo, amatontontokanyo yakwa Lesa, kabili Cebo cali pamo na Lesa, ne Cebo caali Lesa.” Mwamona? Amatontontokanyo Yakwe efintu Ena aali.

<sup>191</sup> Ecimo, naimwe. Fintu amatontontokanyo yenu yaba efyo naimwe mwaba. Nangu mwingesha shani ukwikalila, kucintu cimbi, amatontontokanyo yenu efintu mwaba. Limbi kuti mwaya, nokuicita ngo muntu umusuma, lelo mumutima wenu muli mucende nangu conse ico cingaba. Efintu imwe mwaba, amatontontokanyo yenu.

<sup>192</sup> Elyo amatontontokanyo yakwa Lesa yali Cebo Cakwe icali na Ena kabili muli Ena, kabili Cali ni Lesa. “Mukutendeka mwali i Cebo, kabili i Cebo cali na Lesa, kabili i Cebo cali ni Lesa. Kabili cilya Cebo caishileba umubili.” Amatontontokanyo yakwa Lesa yalangishiwe mumubili wabuntunse, “Ukuba umubili, nokwikala pakati kesu.” Eifyo fine.

<sup>193</sup> Nomba, ngacakuti imwe muli no Mweo wa Muyayaya ileelo, imwe muli muli Lesa. U Kubapo kwakwa Lesa pakuba muli imwe, imwe muli itontontokanyo lyakwa Lesa ilya langishiwa. Whew! Nomb, mwila kutika kukulengulula, epali ingala yenu yapokwa, nokupelwa kuli umbi. Mwilasenda ukulengulula ukuli konse, nakalya. Cetekelenifye cintu Lesa alanda ukuba i Cishinka, nokwikala na Cena.

<sup>194</sup> Ukulengulula, ukupitila mumano, kwesha ukulenga i Cebo ukulanda icintu cimo Cena cishalanda.

Nomba mwatila, “Bushe ico cacine, Munyina Branham?”

<sup>195</sup> Ukuba, natubwelelefyeye ku Kutendeka nokufwaya. Natuye ku Kutendeka, chapitala 3 ica Kutendeka, kabili twalabelenga i—i—i versi lya 4, tumone ngacakuti—ngacakuti amano yaleesha ukulenga i Cebo ukulanda icintu cimo ico Cena tacili. I chapitala 3 ica Kutendeka, versi 4.

*Ne nsoka yatile ku mwanakashi ukutila, Imwe icinecine tamwakafwe:*

<sup>196</sup> Mwamona cintu cena cileleta? Cinshi ico? Ukwesha ukulenga i Cebo ukulanda icintu cimo ico Cena tacalanda. Mwamona?

Lesa atile, “Mukafwa.”

<sup>197</sup> Amano, nga fintu Satana alepela kuli ena, atile, “Imwe icinecine tamwakafwe.” Mwamona? Kwesha ukulenga i Cebo ukusosa icintu cimo, ico, “Cena tacili ifyo.”

198 Ifyo efyo amano yaba ileelo. Oh, munyina, ifyo twingakokola pali ico! Ba seminali, amasukulu ya kusambilila pafya bulesa, cena ecinsa cabo cine. Uko ekutendeka yabo, ukweshwa ukulenga i Cebo cakwa Lesa ukusosa icintu cimo ico Cena cishasosa.

199 Nabecanya nomuntu uuli onse ukuti anange Isubilo lya Batumwa mu Baibele. Ndebecanya nomuntu uli onse ukunanga “ukulanshanya naba shila” mu Baibele. Bonse babili ba Protestanti, Katolika bali cicetekela. Ndebecanya na imwe ukunanga nangu cimo pali ifyo fintu, mu Baibele. Mwamona? Ekukendeka kwamano ukweshwa ukulengulula.

200 “Ubulwi bwesu tebwakumubili, lelo bwamaka, ukuwisha ukulengulula konse, mwamona, ukuwisha amalinga yakwa Satana.” Cilya icikalamba, icamaluba maluba, icibumbwa cayemba! Tencenjeshi kabepa; iyo, iyo, uyo uwaba mukati. Lelo, kunse, ulubembu lwaliwaminako libili. Mwalishiba, ulubembu lwaliyemba.

201 Nibanga abaume abali muno, nabanamayo, abacila pamyaka amakumi yasano? Imyeni amaboko yenu. Ine nshaci... Ine nshifwile ukwipusha banamayo. Lelo Ine... Ifwe bonse tulesumina icishinka. Ndefwaya ukumwipusha ilipusho. Bushe mulemona ileelo ukuti banamayo naba yembelako na libili, pepi nefyo, ukucila fintu bena baleba, mukulolesha, icintubwingi ukushinguluka isonde? Ngacakuti cili ifyo, imyeni ukuboko kwenu. Cinecine. Bena naba yembelako nalibili ukucila ifyo baali.

202 Buleni ifikope fyakale. Lolesheni pali nakulubantu; bashiketi bakwe abatali; umushishi uwalukwa ukulebela panuma yakwe. Ena tali wakucebwishwa nganshi ukumulolesha.

203 Lolesheni kuwanomba ileelo. Akalilaya akanono akapapatila kumubili, icakuti, imimonekele yonse, ena tekuti ende ukwabula ukubembuka. Ukwenda, patukondo mu musebo, no kupenata pamenso nama futa ya Max Factor eyo engabika pali ena, pepi nefyo. Ukusakula umushishi wakwe kwati kakashana kamo akaice. Ukufwala kashiketi akanono akalifye pamulu, nalimo, pamulu wamakufi, ngacakuti nafwalapo, nakuba. Lelo, mwamulolesha, ena muntu wayemba. Satana alishiba ifyakucita. Entulo yakuyemba, iyo mibele yakuyemba iifika kukubembuka.

204 Isonde, iline, cisa. Bushe nikwisa Lesa abikile imbuto Shakwe? Nikwisa imbuto shibikwa? Ni mucisa. Lesa emo abika imbuto. Kabili nicinshi cintu umuntu acita? Nge fiwa, mwi fumo, kuti alenga umwana ukulubana ngacakuti kuti acita. Ifyo efyo ifiwa fyacita pesonde, ukutobenkanya, ukulenga ifibumbwa, te ifyo. Ine cawama mfume kuli ico; Nshafike kufyashala apa, ifyo Nembele. Namwishiba umo Ndelosha. Emulanduwine kubelele ububumbo ubulubene ubuli mupepi nokuposwa. Lesa napwisha nabo. Isonde lyonse nalifuma munshila. Ifintu fyonse

nafilubana. Utumana natukoweshiwa. Umwela naukoweshiwa. Ifiko! Ukununka!

<sup>205</sup> Mwenye umukalamba, tekalesana, atile, “Wemusungu wabuta, Nshilefwaya ukutwalilila ukwikala nakabili. Nindeka ukulwa.” Atile, “Bushe abana bandi balikwi? Bushe balefwa kunsala? Bushe umukashi wandi alikwi?” Atile, “Iintu imwe tamulaisa kuno pamo nabanamayo benu nawiski, nolubembu, ifwe twaiketele mumutende. Nincende yesu. Lesa aipele kuli ifwe, lelo imwe muleipokolola kuli ifwe. Mukalipililapo, ubushiku bumo.”

<sup>206</sup> Lolesheni fyena, ileelo. Ifyo ifikalamba, ifiswebebe ifyayemba nempili isha tabana nokununka, ulubembu, amaboteni yawiski, ifikopo fyabwalwa. Cila ncende yaisulamo ambavoni ne fyabola. Reno, Nevada, cilya ciswebebe cikalamba bushilya, tamuli nangu cimo kano bu cilende. Imisumba ikalamba efintu ili, mpakafye nomwela nemibele nafikowela. Apo panshita imo paiketele impili ishisuma, nomba shaliputulwa nefintu fimbi ifyaibela. Apo ifimuiti fyamenene, bena balitema. Apo ifiswebebe, amenshi yalepita bwino, yalikoweshiwa. Isonde lyonse lili nokukwata u—ukuposwa. Isonde lili nokukwata abana ukufuma kulubuto. Lwalyalulwa, kufiwa ifya lulepaula, ukulubombelapo, cinecine, cene bu—bu bumbo ubwaalulwa. Lesa aka cifumyapo nokutampa cipyacipyak nakabili. Ico nacilungama.

<sup>207</sup> Nikwisa cena catulile? Umuntu umu ukucetekela kamo akanono. . . ukukana cetekela iciputulwa cinono cimo ica Cebo cakwa Lesa.

<sup>208</sup> Isonde lyonse lileteta. Baibele yasosa, ifyo, “Nangufye bubumbo bwine buleteta ukukabila bulya bushiku bwakutusha, ukulolela uku langishiwa kwabana bakwa Lesa.” Ifimuti filelwisha, apafye. Amaluba yaleesha ukuyemfya inshila iya. . . Lelo, yaleteta nokulila, nokwishiba ukuti kuli icintu cimo icilubene. Ukupilibula munshila yalubana! Ifumo tekuti lilete icapwililika, pantu lyena lyaalulwa. Umushili ulanunka. Wena walisambwa nomulopa wakaele. Wena naukwata. . . Wena uli kwati ni. . .

<sup>209</sup> Ine kuti nalanda icintu cimo, limbi kuti cacilamo. Cena cili—cena cili—cena cili icanunka. Lesa atile, “Cena cilenunka,” kucinso Cakwe, icabipisha. Nga waingila mumuputule wakuyafwilisha, apakuposa amenshi, kununkafye, apakowela. Efintufye isonde lilenunka, nalyo, ngefyo Lesa alenunsha kuli cena. Ifiko, fyonse fiko.

<sup>210</sup> Lesa ali nokucilepaula mufipimfya. “Ine ndinokulenga imyulu ipya nesonde,” Atile. Ee, mukwai.

<sup>211</sup> Cinshi ico? Ifumo lyaliko talyaletapo Imyaka ikana limo. Lyena lyaleta icintu icapilibulwa. Mulandunshi? Ukwesha ukuba amano.

<sup>212</sup> Tapali nangu cimo icakususha Florida. Nshilelosha ici kuli imwe bantu abafuma ku Florida. Lelo ilintu Na abwike ukuya mu Florida umuku wakubalilalpo, nokubwelela kumupaka waku Georgia kulya, Ine naiminine palyapene kabili Natile, “Ngo mwikalacalo wamu America, Napela iciputulwa candi icaciko ukubwesha kuli ba Seminole uko cifwile ukuba.” Mulandunshi, ben basunga imansa shabo bwino ukucila fintu Ncita umushishi wandi, fyonse ifya-twa. Ifimuti fyangashi nafikwata amalaiti ukucishinguluka. Amato ayakalamba nefintu, ukweshwa ukuleta Mileniamu ukwabula ukulapila. Kuli ine, libumba lyabula nelyo cimo.

<sup>213</sup> Ukucila imiku amamillioni, Ine kuti cawama ukunina mu British Columbia, pamulu walupili, nokulolesha pampili shintu Lesa alenga, kabili amaboko yamuntu tayabala ayakumako. Cine cine.

<sup>214</sup> Kabiye ni muli iyi misumba, amayanda ayakalamba, ayo, aya shincebwisha. Ine nalipata ifintu fyamusango ngoyo. Mwamona?

<sup>215</sup> Lelo Nalishiba ukuti ubushiku bumo, ubushiku bumo, lyena likalulwa. Likafumyapo umwana waliko uwapakaswa. Isonde, likalulwa, ubushiku bumo. Cisuma.

<sup>216</sup> Iicetekelo cisumina ukuti calilembwa, kabili nokutila, “I Cebo tacakwata filubo.”

<sup>217</sup> Bushe mwalitala amumfwa bakapyunga ukutila, “Cisuma, Ine ndekweba, uyu—uyu King James Version, nangu uyu Revised Version, nangu *uyu* apa, filifye—filifye ifyapusana panono. Cinecine, cena cinecine tacapilibwile Ico”? Bushe imwe mwalyumfwa ifyo? [Ulukuta lwatila, “Ee.”—Kale.] Oh, owe! Isonde nalikowela neco. Mwamona? Lelo icicetekelo tacisumina ifyo.

<sup>218</sup> Iicetekelo cisumina ukutila, Lesa uwingalenga ine, kuti asunga lilya i Buuku pakuti ningekalilako. Ngacakuti Lesa Uwamumbile ali nokumpingula, tekuti asunge i Buuku lyakwe bwino, ninshi Ena ni Lesa umubusu nganshi. Eifyo fine. Nacetekela conse i Cebo ca Ciko ukuba i Cishinka. Ee, mukwai. Nifinshi ici cicita, ukucetekela ico? Cena cipela icicetekelo incende iyapwililika iya kutushamo muli Cena. Mwamona? Imwe tekuti mube abakukana cetekela, ukuti cilya Cebo calilengwa ukukasabana, munshila iiliyonse. Imwe mufwile uku Cicetekelafye ifyo fine Cena cili.

<sup>219</sup> Ngacakuti imwe mwaesha ukubomfya amano, ukutila, “Nomba lolesheni kuno. Tacili icamano ukuti Lesa atile cena cili nokucita icintu icamusango ngo *yu*.” Lelo Lesa ali cicitile. Mwamona? Ico cacine. Nomba, ngacakuti imwe mwatila, “Cisuma, nombwa, ngacakuti Lesa acitile *ici*, ngacakuti Ena aonawile umweo wamuntu pantu ena tali mwina Lebi, kabili

abikile ukuboko kwakwe pa Cipao lintu Cena capene cipone.” Temulandu fintu aali, Aonawile umweo wakwe pali ico.

220 Lesa atile, “Kanofye abena Lebi, beka, ebafwile ukwikata kuli Cena.” Ena acisendele. Ico ecalengele Davidi ukutulumuka, mwaishiba. Mwamona? Umwina Lebi, ena takwali nangu umo kano umwina Lebi ewalefwaikwa ukwikata cilya Cipao. Kabili i Cipawo apa, calebwelela mukupuputulwa, kabili umo uwakunse neco aeseshe ukwikata i Cebo.

221 Ico cilelangafye ukuti niabofye abasubwa abakwa Lesa ebafwile ukwikata ico Cebo. Aya amasambilisho nefilonganino tafyakwata umulimo wakucita na Cena. Ni Mupashi wa Mushilofye ewakwata insambu kuli ico Cebo, kabili nimfwa kuli onse uwaku Cikata. Nangu, ukukanacetekela cimo muli Cena, nangu ukucifunda, “Nao akafumishiwapo, ulubali lwakwe, ukufuma mwi Buuku Iya Mweo.” Mwibika indupi shenu pali Cena. Talukeni kuli Cena. Kutikeni. Cetekelenifye fintu Cena casosa. Mwisenda icebo camuntu uuli onse uwashala. Sendeni fintu Cena casosa. Ikalilenifye ne Cebo. Nimfwa ukucita icili conse kuli Cena. Nomba, ukulenga cena . . .

222 Bushe icicetekelo cicite finshi? Cena cicetekelafye Cena nga fintu Cena caba. Enshila intu Lesa a Cisungilamo ukupula monse munkulo, kabili Ici cili pano. Cena Cebo cakwa Lesa, kuli ine. Lesa alacindika ico. Cena cipela icicetekelo icapwililika mucine ca Ciko.

223 Kuti waupa shani umwanakashi ngacakuti uyo mukashana ale—ale—ale endauka nokucita ifintu fyonse, nokwikala muli bucilende nefintu fyonse ifyashala? Kabili—kabili, elyo, iwe waile nokumusenda mu ng’anda yabacilende. Fumamo, kabili ena ali . . . Ena atila, “Ukuba, Ine nala—Ine nalaesha ukuba u—u mukashana musuma.” Imwe tekuti mukwate icicetekelo muli uyo mwanakashi. Mwamona? Imwe tekuti mucicite. Ngo mwanakashi kuti akwata shani icicetekelo mumwaume uwacita icintu cimo cine? Imwe tekuti mukuule icicetekelo cenu apo. Tapali nangu cimo icakukulapo. Mwamona? Imwe tekuti mucicite.

224 Kuti mwafumina shani kunse kuno nokutila, “Ubwato ububuli apa ubwaisulamo ifipunda, kabili Ine nalabikamo amasaka yafyani mukati kabuko. Nalimo, limbi yala—yala imika ibimbi, ukwabuka umumana”? Kabili Ine tekuti njeshe nokweshala pali ico, ilyo pali bumo pano ubwapangwa bwino. Cinecine.

225 Mulandunshi twingasendela amasambilisho yabulesa ayali nefipunda muli yena? Calishininkishiwa ukuti cilubo. Mwamona? Ilyo, *apa* pali cimo icili pano, icili icine cine i Cebo cakwa Lesa, Uwaimike ibimbi, mumfula ikalamba necipupu. Bwena bwalikatilila ubwacishinka nganshi. Kabili lyonse bukaba. Cisuma.



226 “Imyulu nesonde fikapita,” Yesu atile, “lelo i Cebo Candi tacakatale.” Mulandunshi? Fyena fya Muyayaya. Fyena fyaliko mukutendeka. Aishilefye kuno mukulanga i Cebo cakwa Lesa. Ali kulangwa kwakwa Lesa. Lesa aleilangisha Umwine ukupitila mu Mwanamwaume Wakwe.

227 Ifi fyonse fyatampile mu Kutendeka, icipandwa calubuto, kabili fyabapo ukutula ilyo. Ukutula ilyo, fyabapo, cabafye icintu cimo cine, ubulwi pakati kamano necicetekelo, lyonse filalwa. Eico, amano yakwa ciwa nakubana bakwe.

228 Bushe mwalitala amulolekesha? Bonse imwe mwalimona impaanga. Bonse imwe mwalimona imbushi. Lelo, namwishiba, umusowa waifi fyonse fibili walipalana sana, cisenda kakumba mwine mwine ukwishiba ubupusano. Mubike imbushi iikote kunge kulya, nokuleka ipunde, ipunde. Elyo mwaya ukulubali nokubika impaanga kulya, nokuleka yena ukulila. Kutikeni kuli yena. Shena shalipalana amashiwi. Lelo kakumba mwine mwine kuti aikata ilyo ishiwi.

229 Yesu atile, “Ishandi impaanga shalishiba Ishiwi Lyandi.” Mwamona? Bena kuti baishiba nga cakuti nimbushi. Ukuba, Ena ni Mpaanga, Umwine. Uh-huh. Ena tali. . . “Impaanga shandi shalishiba i Shiwi Lyandi. Shena tekuti shikonke abeni.” Bushe i Shiwi Lyakwe cinshi? Nici, i Cebo. Mwamona? “Impaanga shandi shalishiba i Shiwi Lyandi.” Mwamona?

230 Tekuti shileke uuli onse ukutula, “Oh, nomba, pano. Ndesosa, i Shiwi lyakwa Lesa, naine. Ici cilesosa *ifi* apa.” Lelo cili, mwamona, Satana. Twalafika uko panonofye, ukumitalalikalako. Mwamona?

231 Nomba, nomba mwamona ukuti ulubuto i Cebo tekuti lukule mumibele, kanshi, iyamano. Cacine ico? Mwamona? Ilyo linefye ukwishiba kwasankana necicetekelo, kwena kufwa apopene.

232 Efa aishile nokutula, “Shikulu Lesa atile: ‘Ubushiku ifwe tukalyako, ubo bushiku tukafwa.’” Elyo umwanakashi aiminine ukuti engomfwa fintu ena aali nokusosa.

233 Ena atile, “Lelo, umfwa, wemutemwikwa, wekantu akasuma. Mwamona? Cinecine Lesa akubumbile kumilimo. Iwe nawishiba ukuti ico cacine. Mwamona, iwe ulimwanakashi, iwe wabumbilwe kuli uyumulimo. Ifyo eflyo cili. Iwe taucishibe nomba, lelo iwe wabumbilwe kumulimo uyu. Oh, iwe uli kantu akasuma, wemutemwikwa. Uh-huh. Lolesha kutuminwe tobe utwalelema. Mwamona? Mulandunshi, cine imwe mukasanga. Cine cine.”

“Lelo Ena atile, ngacakuti ifwe—ngacakuti ifwe twacitile, ifwe kuti ‘twafwa.’”

234 Ena atile, “Lelo, oh, uletontonkanya ukuti umusuma, Taata wakutemwa, Lesa, kuti acita icintu camusango ngoyo?” Nicinshi ico ena acitile? Akutike kukulengulula, asendele amano yakwe.

Atile, “Cena cimuti, icakusekesha. Umo kuti akabilwa kuli cena.” Kabili acitemenwe. Ico nifyofinefye. Kabili lintu acitile, cinshi cacitike? Nga fintu cingacita ku mwanakashi uuli onse. Apo penefye mwasendwa naco, capwa apopene. Ico cacine.

<sup>235</sup> Nomba, mwamona, ulubuto ulo ena asendele, kabili nokuba nacifyashi pakulekelesha, ukupitila mubufwayo bwakwa Lesa, ukupitila mu Cebo icalandwa. Ena pakulekelesha nga aishileba nacifyashi. Lelo, talolele, aile muli cena.

<sup>236</sup> Nomba, mwamona, nomba, apopenefye acitile cilya, apokelele amano pamo ne Cebo, kabili amano yali ayapinkana ne Cebo. . . Mwaumfwa, tileni, “Ameni.” [Ulukuta lwatila, “Ameni.”—Kale.] Mwamona? Ngacakuti amano yali pamo ne Cebo, kabili yashininkisha ukuba pamo ne Cebo, kabili i Cebo ciileta Icine kucintu cimocine, nomba ninshi cena Cebo. Lelo ngacakuti amano yalelwishanya ne Cebo, nokukanaba pamo ne Cebo, lelo yaewesha ukusanga icintu cimo ica kulunda kuli Cena nangu ukufumya kuli Cena, ico cakwa ciwa. [“Ameni.”]

<sup>237</sup> Kabili imbuto sha Mupashi wa Mushilo isha mu Baibele tekuti shikule mumibele yamano. Ico cileonaula seminali onse mu calo. Ico ciletulafye ifipunda muli bena, ukufitula, kabili u—ubupingushi bwaingilamo. Ico cacine. Cilacita ico mucine, mwamona, pantu i Cebo tekuti cikule namano, amano ya mwisonde. Tekuti ico cicitike.

<sup>238</sup> Efa aali nokucetekela i Cebo nga fintu Cena capelwe kuli ena. Bushe nacilungama? Ena taali nokumfwa kumuntu onse uwashala uwingalandapo icintu conse pali Cena; munshilafye intu Cena capelwe kuli ena, iyo enshilafye alefwaikwa uku Cicetekela. Nga takwatalile akuba imfwa, ngacakuti ena acetekela Cilya. Ico nacilungama.

<sup>239</sup> Kabili umwaume no mwanakashi uwingasenda i Cebo cakwa Lesa munshilafye Cena capelwa kuli ifwe, ukwikatilila kuli Cena munshila intu Lesa a Cisoselemo, Cena e Mweo. Lelo ukutobenkanya cena namano yamo aya mukabungwe kamo, imwe kufwa apopene, nga fintufye cacitile pakutendeka. Ulo e Lubuto. Iyo enshilafye, iyo enshila Cabombelemo umuku wapakubala, iyo enshila Cena cikabombelamo inshita yonse. Cena lyonse eflyo cicita. Lesa nga asuminisha, ifwe tuli nokushininkisha ico muli Baibele yonse, muno lucelo. Iyo enshilafye cena cingakula, kuipatula Icine ukufuma kukulengulula konse, nangu icintu cimbi icashala, nokucetekelafye i Cebo.

Efa alefwaikwa uku Cisendafye munshila Lesa a Cipele kuli ifwe.

<sup>240</sup> Kabili Nalilanga nokumweba ukuti Ndecetekela Lesa alibaka nokusunga iyi Baibele, kabili iyo enshila Lesa apele Cena kuli ine kuno. Nshilefwaya amano yambi. Ndefwayafye inshila Lesa asosele Umu.

241 Nomba, Ndesubila Nshilemucena. Lelo ngacakuti Baibele yatila ukuti Mfwile “ukulapila,” Cilepilibula ukulapila; tekuculilapo, lelo kulapila.

242 Baibele yatila kuli ine ukubatishiwa, mwi Shina lyakwa “Yesu Kristu,” Cena tacapilibwile icintu cimbi icashala. Tacapilibwile ukutila “Tataa, Mwana, Mupashi wa Mushilo.” Cena casosele Cilya.

243 “Cisuma,” imwe mwatila, “Mateyo 28:19 atila, ‘Ba batisheni mwi Shina lyakwa Taata, Mwana, Mupashi wa Mushilo.’” Ifyo efintufye cena cali.

244 Nomba, ngacakuti ico tacili icalungama, ngacakuti bena tabakwete icintu calungama, kanshi icicetekelo cintu Petro akwete, ukubatisha mwi Shina lyakwa Yesu Kristu, nabonse abashala aba mu Baibele, kanshi bena bakwete u—ubusokololo bwabufi ubo Lesa apaalile. Ico ca Mubwekeshefye kunuma: Ena nga apalile Efa pakutendeka, kanshi.

245 Ishina lyakwa “Tata, Mwana, Mupashi wa Mushilo,” ayo mashina ye mibele yatatu. Kwabafye i Shina limo. Tekuti mubatishiwe mwi Shina lya Taata, Mwana, Mupashi wa Mushilo kano mwabatishiwa mwi Shina lyakwa “Yesu Kristu,” pantu ilyo e Shina lyakwa Taata, Mwana, Mupashi wa Mushilo. Kabili Baibele yonse yalebwa muli uyo wine musango. Cila muntu mu Baibele, uwatalile abatishiwa, abatishiwe mwi Shina lyakwa “Yesu Kristu.” Takwali nangu umo mu Malembo, uwatalile ababatisha mumashinaya mibele ya “Taata, Mwana, Mupashi wa Mushilo.” Kabili umuntu onse abatishiwe mwi Shina lyakwa—lyakwa “Shikulu Yesu Kristu” abatishiwe mwi Shina lyakwa Taata, Mwana, Mupashi wa Mushilo.

246 Umuntu onse uwabatishiwe, mu mashina ya “Taata, Mwana, Mupashi wa Mushilo,” tabatishiwe mwi shina nelyo limo nakalya; ishina, kwati cilolo, reverandi, dokota, na finshi fimbipo; taata, mwana, no buntunse, umukashi. Mashinaffe ya fintu!

Atile, “Tacilepanga ubupusano.”

247 Kanshi bikeni ishina lyafyomwaba pali ceke, mwibikapo ishina lyenu iyo, nokumona uko cileya. Uh-huh. Mwatila, “Ine nasaina uyu ceke mwishina lya mukashi wapa ng’anda.” Ukuba, ico calangafye amano ngefyo cingaba ukukana cetekela i Cebo cakwa Lesa ilyo ubusokololo bulifye apo pene pacinso cenu. Cine cine kuti caba. Mwamona? Cinecine. Cisuma.

248 Cifwile ukucetekela Cena munshila Lesa a Cisoselemo. Cena taciitalika Icine. Ngacakuti Cena cacita, iseni noku nanga. Uh-huh. Cena taciitalika Icine, nakalya. Satana kuti a Citalika kuli imwe, lelo ena teti acitefyo ku Cebo. Iyo. Eico, i Cebo tekuti cisuminishe ico. Iyo, mukwai. Ico ninsoselo yakale, kabili cali tontonkanishiwapo, lelo tacilati cishininkishiwe.

249 Natukonke ishi intulo shibili, nangu ifyo imwe mwinga shiita imibele, nokumona fintu yena ingapanga. Natushikonke pali ba miniti banono. Imibele; shonse shibili ishi intulo shili nokupanga imibele.

250 Ndefwaya uku mwipushako icintu cimo. Bushe mwalitala amwingila muchalichi . . . Nde—Ndesosa ici mumucinshi nomba, kabili . . . kutifye cumfwike; Lesa ecisuminisha. Bushe mwalitala ingila muchalichi umo kakumba aba uwatalalila nganshi? Ulukuta lwaba cimocine. Ico cacine. Mwamona? Cinshi ico? Ni ilya imibele eyaletamo ici. Kabiyeni muncende muntu kakumba atila, “Nomba, loleleni miniti umo, takwaba icintu camusango nga bumbulwa mano ubo. Nshacetekela mucintu camusango ngo bundapishi bwamaka yakwa Lesa, palwa lubatisho lwa Mupashi wa Mushilo.” Namwishiba, mukamona cila umo, muli bena, ulukuta. Nga cakuti tabali . . .

251 Ngacakuti kuli kapumpe mulya apantu pamo, ena akafumamo, muli lilya ibumba lyankoko. Uu-huh. Cinecine akacitefyo. Mucinecinefye. Ena akalusha. Ee. Ee. Ena icine cine akalusha. Ena tekuti ashipikishe na co. Ena ni kapumpe. Ena cuni icapangilwa-ulwelele, temulubansa lwecinka. Ee, mukwai. Nomba, uyu efyo aba.

252 Kabili nomba twasanga ukuti, ilya, iyo mibele. Kabili imwe mulengilamo ukuli konse i . . . ifyo fintu, uko icicetekelo cifundwa muchalichi, mukasanga ichalichi muli iyo mibele.

253 Mwe Lesa! Leken—lekeni ine ndete ici kuli imwe, pakuti, imwe, ngacakuti kuti mwacimona. Mwamona? Ukuya . . . E mulandu wine abantu beshila pakati kabashila uko balepepa, abacetekela. Paulo atile tasangile nangu umo mumusumba, kanofye Timoti, uyo uwali wa Cicetekelo cisuma cimocine nacintu ena akwete, namwishiba. Abashala bonse bena filonganino. Mwamona? Lelo ilintu aingile muli iyo mibele, mwamona, ena, mulesanga ifintu ukubomba, ifintu imibele ilengele. Mulesanga abantu abekalila kucicetekelo ilintu mwaingila muncende umo cisosa ukutila, “Oh, mulandunshi, Baibele ecine. Lesa alondapa.” Nga mwaenda pakati kalukuta lwabo, mwasanga baletila, “Mulandunshii, Nalefwa kwipwa londa. Nalyundapwa.” “Nali impofu panshita imo. Ndemona.”

254 Umweni atila, “Whew! Owe! Bushe walosha mwisa . . . ? Bushe cinshi cilubene naiwe?”

255 “Nalukulanga pafyelyashi lyandi. Iseni ku ng’anda kumwandi pamo na ine. Iseni, mulye icakulya pamo na ine kabili Nalamulanga fimo. Nalikwata ifyalembwa kulya. Abena mupalamano bandi balishiba ukuti Ine nali mumibele yamusango uyu. Ifilundwa fyandi fyali ifyatalala, pa myaka iingi. Napepelelwe.” Mwamona? Bushe cinshi ico? Cilya—cilya Cebo muli cilya ichalichi, lilya ibumba lya bacetekela, nalilenga ilya mibele.

256 Nomba, nimunshilanshi i Cebo, mukuicefya kwa Ciko lelo nomba mu kupwililika kwa Ciko, cingakula muncende muntu amano yafimba pali Ico nokutila, “Te kuti cibe ifyo”? Mwamona? Tekuti cibe. Eico, ukoukwishiba kushimikilwa ukufuma kuseminali, abana balafwa.

257 Uko icicetekelo cishimikilwa ukufuma mu Cebo, abana balaba nomweo. Ameni. Ubo ebupusano, Mweofye nemfwa.

258 Icintu cimocine cacitike mwibala lya Edeni. Efyofinefye cacitike kuli bena; kumibebe ibili kulya. Lintu Efa afumine kuli Cimo icalungama, ukuba kucaluba, ena afwile. Mwamona? Cili nokucita ico, inshita yonse.

259 Eico, bena tekuti bekale. Ngacakuti ichalichi cenu cakwata imibebe yamusango uyo, oh, wemwana, ngacakuti ulefwaya ukuba nomweo, ucetekele i Cebo.

260 Nomba, apa epalaba akaluboolakanono nomba. Kabili Nshilecilosha munshila yabukali. Ine fye. . . Ukukufunda. Mufwile ukucita, ilintu uleikata kuli ishi ncende, ufwile ukulasa nokukalifya, panono, mwamona.

261 Nomba lolesheni. Cimo no kubika icishibilo paciponti. Nalepata ukucita ifyo, ukubika icishibilo pakana kang’ombe; akakantu akafye. Ifwe twaleya kulya. Kabili Nshishibe nga imwe mwalitala amukulika akana kang’ombe kuntambo, nangu iyo, no—no—no—no kufikaka. Mwafi-kaka amolu yonse, mwamona, ukucilinganya. . . Kabili akakantu kanono akafye! Mwabutukila kulya, mwabula icicela icakaba icakulembelako, mwacishishika pali kena. Oh, munyina, calemoneka icabipa nganshi. Lintu mwaima, kena ninshi nakafulungana. Kena kuti kalebutaukafye nokupantawila, nokupunda nokulila, ifyo fine. Lelo, Ndemweba, bena baleishiba ukufuma lilya, umwine wakako. Ico cacine. Bena baleishiba, nimu—nimu ncende nshi iyakulilamo ifwile ukuba. Takuli nomba ukwangala palico nomba.

Eico, natulembwe. Natulembwe. Ee, mukwai.

262 Ilyo bena baletila, namwishiba, i. . . Imwe, abengi muli imwe, mwalibelenga nangu—nangu ukwimba *Cowboy’s Meditation*, mwamona. Kabili ilya iyaluba iyamwaka umo, lintu baingisha, pakulekelesha, pa kushikolonganya; iyaluba iyamwaka, yena bapangakofye umuto kuli yena, pantu yena tayakwata cishibilo pali yena, nakalya. Elyo ishashala shiya kuncende shashiko ishakulilako. Lelo umukalamba wakukulonganya alishiba ing’ombe shakwe, eico ngacakuti. . . Icishibilo cakalipa.

263 Nomba lolesheni. Satana kuti ashininkisha ukupitila muli scienci, kumano yakwe. . . Nomba Nalabula ulubali lwakwa dokota apa, pali baminiti banono. Satana kuti ashininkisha ukupitila muli scienci, kumano yakwe, ukuti umushili untu ena ali nokupela, kumutundu wamuntunse ukukulilamo, wakwete bavitamini. Cine cine walikwete ico. Ena kuti ashininkisha

ico ukupitila muli scienci. Bena kuti bashininkisha ukupitila muli scienci conse cintu bena balefwaya ukucita, nalimo fyonse. Mwamona? Cinecine.

<sup>264</sup> Wena wakwete vitamini K, “kwangala, kulumbuka.” Ukwabamo. Ifyaba mumushili wakwe uwamano. Cinecine. Cinecine. Ukwangala konse ukwesonde, ubunkolanya bonse, ukushana konse, fyonse, icili conse, “Twalilila. Ico cilifye bwino. Tacacene nangu cimo. Cinecine.” Mwamona? Ukulumbuka, “Oh, eimwe ichalichi cakulisha icaba mumusumba.” Cisuma.

<sup>265</sup> Wena wakwete vitamini M mukati kauko, icile pilibula a “mano ya cifyalilwa.” “Ukulenga ukulengulula, mwamona.” Ee.

<sup>266</sup> Wena wakwete vitamini U mukati ka uko, icilepilibula “ukulengulula.” Ee, wena walelengulula. Lelo, mwamona, ico tekuti cibombe.

<sup>267</sup> Wena wakwete vitamini yemba, Y, mukati kauko, icilepilibula “ukuyemba.” Satana aliyemba. Ulubembu lwaliyemba. Kabili lintu ulubembu lwatampa ukufuilako, lwena lulayembelako.

<sup>268</sup> Nishani fintu tukwete amayanda ayawaminako ileelo ukucila amayanda yafimuti? Musangonshi yabela ayawamineko? Musangonshi abanakashi besu bawamineko ileelo ukucila fintu bena baleba? Mwamona? Musangonshi Florida awamineko, ukucila ifyo aali nomba, nafintu Lesa amulengele? Mwamona?

<sup>269</sup> Wena naukwata ukuyemba. Nibanga baishiba ukuti Satana aliyemba? Kabili ena akabile ukuyemba, nokwesa ukulenga ukuyemba, ubufumu bwayembelako, nafimbipo. Cinecine. Ifwe twalishiba ico. Satana aba mukuyemba.

Nomba moneni. Ena ali na vitamini U, icili “ukulengulula.”

Vitamini Y, icili “ukuyemba.”

<sup>270</sup> Vitamini B, icili “bupya.” “Oh, imwe mulefwaya ukuba abapya.” Sendenifye amano yakwe nokusanga ngacakuti imwe tamwacetekela ifyo fintu. Cena cikakulafye muli imwe. Ulya vitamini ukafikafye pantu imwe mufikile.

<sup>271</sup> Umo umuntu aima, amupelako amano yakwe, “Nomba lolesheni, mwefibusa. Kuti caba shani nga cakuti ifwe twabulile ici icikalamba, kafedro wayemba kuno nokukwata ukwingi ukupunda, nokulila, nokulandila mundimi, nokula butauka panshi-na-pamulu pamushili, ukufumya ipofu kukanwa ngembwa shapena? Kabili—kabili imwe muletontonkanya shani fintu mwine musumba akasosa, mwebumba lyaba dikoni, ngacakuti ifwe twasuminishe ifintu fyamusango ngoyo ukwisa muno?” Oh, cinecine, cintu cipy.

<sup>272</sup> “Bushe muletontonkanya ukuti abantu besu kuti baiminina palya pamusebo, nakaoma muminwe yabo? Ngakuti caba shani ngacakuti bankashi yesu baishile nowingi, umushishi uutali ulepelela? Kabili abanakashi aba muchalichi abashala

ukwenda mumusumba, ‘Moneni kulya. Moneni kulya.’ Cinshi, umukalamba waici chalichi, nangu conse ico cili, namwishiba, ‘Ukuba, lolesha, lolesha uyu kulya. Alemoneka kwati nimotoka yakale, tefyo ali? Umupeto wakwe uwapambali ulepompoloka panuma yakwe.’” Mwamona? Namwishiba, icintu camusango ngoyo.

273 “Ifwe tulefwaya ukuba abapya.” Mwamona? Ayo mano yakwa ciwa. Ifyo efyo yamena. Uyo emufundo waba mumushili, uufuma mufisabo fintu utwala. Twalilila, we Yesebeli mupya. Cisuma. Ubupya, nga banakashi beleelo. Cinecine. Oh, uubupya. “Ukuba, abantu bapya nganshi aba mumusumba kuti baisa kuchalichi.” Cinecine. Cifwile. . . Mulandunshi? Bena bakulila muli ulya mufundo upya.

274 Vitamini wa kulengulula, cili bwino, bena bakula umo. Mwamona? Ifyo efyo caba, ukulengulula. Lelo ilyofye mwatampa ukukula umo, imwe mwafwa ku Cebo. Imwe mufwile ukukana i Cebo lintu tamulati mube ifyo. Mwamona?

275 Inshilafye imwe mwingabelamo umubembu kukana i Cebo cakwa Lesa. Ulubembu cinshi? Kukana cetekela. Ukukana cetekela munshi? Mu Cebo cakwa Lesa. Mwamona? Imwe mufwile ukukana i Cebo, pakubala.

Oh, Ninkwata nalimo ba vitamini ikumi nabambi abalembelwe apa.

276 Lelo kuli vitamini umo untu ena afililwe ukubeba. Ena akwete vitamin I mukati mulya. Uyo e vitamini wakulisha mulya, ifitulamo, “imfwa.” Mwamona?

277 Bena libumba lyabantu abafwala ifyayemba nganshi, ebapya nganshi abalipo, ichalichi cayemba nganshi, akabungwe akakalamba nganshi, mwamona, icipya nganshi icaliko, icayemba nganshi icaliko, ifintu ifyamano nganshi ifingalandwa. “Mulandunshi teti. . .”

278 “Ngacakuti Lesa alengele ifwe icibumbwa Cakwe, mulandunshi Ena engasushisha ababanakashi ukumoneka bwino sana, ukukwata umushishi uwipi? Mulandunshi Ena engasushisha ukupenta ifinso panono?”

279 Ukuba, Ena akwete umo mu Baibele uwacitile ico, kabili Amulishishe kumbwa. Eico tontonkanyeni palico, mwamona. Nifyofine bwino bwino.

280 “Mulandunshi enga—mulandunshi Lesa enga? Mulandunshi, owe, Talekabila ifwe ukwikalila umwabela Baibele.” Alicitile mucine. Aebele Efa afwile ukwikalila. . . Ngateifyo, Aebele. . .

281 Yesu asosele, ukuti, “Umuntu ekalila ku Cebo conse, conse i Cebo icifuma mukanwa kakwa Lesa.” Ninani uwasosele ifyo? Yesu. Nacilungama ico? Atile, “Ngacakuti umuntu uuli onse asosele icili conse icapusana, lekeni abe uwabufi; i Cebo Cakwe

cibe icacine.” “Imyulu nesonde fikapita, lelo i Cebo Candi tacakapite.” Eifyo cili.

Eico vitamini I aba mukuteyanya kwakwe, icipya. Ico nacilungama.

<sup>282</sup> Nomba, lelo, ulubuto Cebo ulwa mu Baibele tekuti lumene mumushili wamusango nga ulya. Ngakuti umuntu aingila shani muli lumo ulwa yalya amachalichi ayapya nomba? U Mupashi wakwa Lesa ukwisa pali ena, nasho shile—shilefwaya ukupunda, “Ubukata kuli Lesa! Alleluya!”

<sup>283</sup> Bushe namwishibai? Mulandunshi, imwe kuti mwalenga kashimikila ukumina imbila yakwe. Mulandushi, Ndemweba. Nde—Ndemonafye ena ukusosa, “Uhm.”

<sup>284</sup> Kabili nashonse inkolongo kulya, ukutinta imikoshi shabo ukupilibuka, namwishiba, ukulolesha ukushinguluka, ukumona. “Ukuba, cinshi cacisose fyo?”

<sup>285</sup> Elyo, baminiti banono, kashimikila kuti atila, “Yesu Kristu, u Mwana mwaume wakwa Lesa.”

“Ubukata kuli Lesa! Ico nacilungama.”

<sup>286</sup> “Uhm,” ba dikoni. Huh! Iwe, uli pamwinshi, muli baminiti abanono. Bena balakuposafye kunse. Mwamona?

<sup>287</sup> I Cebo tekuti cimene uko, tekutifye cicite. Iyo, tekutifye cicite. Mwamona? Cene tekuti ceshe ukucita. Mwamona?

<sup>288</sup> Kabili nomba ena aisa, asansa ubusungu bwakwe pamulu wa Ciko, ukwasha ukwipaya akabulungwa ka Mweo muli imwe. “Nomba kuli ibumba lyabantu mucalo ileelo, abacetekela ukuti Lesa alondapa. Cinshi, nakuba, ifwe twalishiba, itontonkanyo liline litulanga ukuti Lesa alitupela ba dokota, ukundapa.”

<sup>289</sup> Nomba, imwe mwaipusha umusuma, dokota wamano ngacakuti ena nikondapa. Ena akamweba, “Iyo, mukwai. Ine kuti nafumya ilino, lelo tekuti Ng’undape icipunda apo lyena lifumine.” Ico cacine. “Ine kuti nabika bwino ukuboko, lelo tekuti Nkundape.” Icalungama mucine. “Les a Kondapa.” Mwamona?

<sup>290</sup> Nomba, kuti icintucimo camena shani mu fintu fyamusango ngoyo? Nga ulubuto Cebo kuti lwamena shani mufintu ngefyo? Tekuti cicite ifyo. Tekuti lumene mumibele yamusangoyo. Icinecinefye tekuti lucite ifyo.

<sup>291</sup> Lelo icicetekelo cimenafye muli vitamini umo. Cena cakwatafye vitamini imo. Tacifwile ukukwatamo ukutobenkanya, nakalya. Icicetekelo cimenafye muli vitamini umo, neco Cebo. Ico ecintu cekafye ico icicetekelo cingamenamo, e Cebo. Kabili inshilafye iyo cena cinga mena nipamulandu cena cacetekela i Cebo, kabili cifwile ukusenda i Cebo conse nokucetekela Cena ukuba icishinka. Kabili vitamini wacicetekelo alembwa mwishwi ilinono ilya filembo fine, M-



w-e-o, “Mweo.” Cakwata vitamini M, icicetekelo calikwata. Icicetekelo cakwata vitamini M.

<sup>292</sup> Amano yakwata vitamini K; vitamini L; ukwangala; navitamini yakulengulula; vitamini, yonse aya yambi amavitamini. Yena, ya-. . .le-. . .Ukwishiba kwakwata fyonse ifyo. Mwamona? Amano yakwata fyonse ifyo, ukucilengulula.

<sup>293</sup> Lelo icicetekelo cakwatafye icintu cimo: Mweo. Ecingekalafye. “I Cebo Cenu e Mweo. I Cebo Cenu e Cishinka. Ena e Cebo, i Nshila, i Cine, u Lubuuto.” Icicetekelo casamafye apopene. Capwa. Kabili tekuti cicisende. U Mweo wa Mupashi wa Mushilo, u Mweo wa Muyayaya, umo emuntu icicetekelo cimena: Cebo, *Zoe*, u Mweo wakwe Wine uwakwa Lesa. Iyofye encende yeka intu icicetekelo cinga bombamo, lintu icicetekelo caumfwa i Cebo nokucetekela ukuti Cene Cebo cakwa Lesa. Nomba, muli ulya Zoe, cena cilamena kabili cilatwala fintu i Cebo casosa.

<sup>294</sup> Lesa, Alengele shani icalo? Bushe imwe mulecetekela ukuti isonde lyali mumatontonkanyo yakwa Lesa? Cinecine, lyali nokubamo, lifwile lyali nokubamo. Ni mumusangonshi Alilengele? Ena asosefye.

<sup>295</sup> “Bushe nikwi Ali nokufumya ifintu?” Nga imwe kuti mwapelulushanya shani na Lesa, ukusosa ukuti, “Lesa, Mwafumishe kwisa ifintu, ifya—ifya kupangilako amabwe? Nikwisa uko Imwe?” Fyena fyafumine ku myela. “Nikwi Mwafumishe umwela, Shikulu?” Mwamona? “Mwapangile shani amenshi Imwe? Finshi fisangwamo pakupanga? H<sub>2</sub>O. Nikwisa uko mwafumishe hydrogeni, oxygeni?” Mwamona? Nifyo fine. Mwamona? Cena tacilemoneka icamano.

<sup>296</sup> Nifinshi Lesa asosele? Cali mu matontonkanyo Yakwe. Kabili amatontonkanyo Yakwe e Cebo Cakwe, ilyo ta Cilalangwa. Kanshi ilyo itontonkanyo Lyakwe lyatile, “Nakube,” kabili kwali. Eifyo fine. Apo epo icicetekelo caikala.

<sup>297</sup> “Ukupitila. . .ku. . .” Abahebere 11 yasosa ukutula, “Kucicetekelo isonde lya lengelwe.” Isonde lyalengelwe kucicetekelo. “Lesa alengele isonde ukufuma kufintu ifishimoneka.” Kucicetekelo Lesa asosele isonde ukubako, pantu lyena lyali i—cali Cebo icalingiilwe libela. Lelo ilyolinefye Acisosele, caishileba ica mweo.

<sup>298</sup> Nomba imwe kuti mwatila, “Nalicetekela Ico, Munyina Branham.” Mumutima kuti mwa Cicetekela. Nomba cilangeni, “Ine nali Cicetekela.” Mwiesha uku Calula, nakalya. Ikalileni Naco. Moneni ifikamena ukufuma muli cena. Cikaleta i Cebo, pantu cena cicetekelo. Mwamona? Amano yalamufumyako. Icicetekelo cimupalamika kuli Cena. Mwamona ico?

<sup>299</sup> Ico ciputaula isambilisho-lyapangwa nomuntu lyonse, ciputulako lyonse isukulu lyakusambilila, ilya masambililo ya bulesa ayapangwa-nomuntu, cifitalalikafye. Abokulya, profesa

wabo, D.D., Ph.D., L.L., Q.U.D., nababonse bafwile ukuya kusukulu nokusambilila bongo bongo wamuntu nafyonse ifi fintu fimbi. Kulifye Icintu cimo cintu ashako. Ifyakuilanga umwine namasambililo yabongo bongo, nefyakufwala fintu wingafwala, nenshila afwile ukulandilamo “ameni” ifyofye, kabili, ho, ifyabula amano! Lekeni ba . . .

<sup>300</sup> Tungululweni na Mupashi wa Mushilo. Abana bakwa Lesa batungululwa no Mupashi wakwa Lesa, temano yakuseminali. Lelo u Mupashi wakwa Lesa utungulula abana baume nabana banakashi bakwa Lesa. Icine cine. Ico cishinka. Ameni.

<sup>301</sup> Nomba, cifumyamo isambilisho lyonse, isukulu lyonse ilya masambililo, ilya masambililo yonse aya bulesa ayapangwa no muntu. E mulandu bena tekuti bacetekele; tamwaba nangu cimo mulya icakulenga Cena ukumenamo. Mwamona? Bena bakwata vitamini U, ukulengulula, ico ifwe tufwile ukuposa. Vitamini kulumbuka, vitamini kwangala, “Tufwile ukukwatapo ukwangala panono.” Kwangala kwa musango shani? “Oh, fumina kunse nokukolwako panono, munshita shimo, nawishiba. Kwatakofye ukwangala panono; tacalenge ubupusano nangu bumo.”

<sup>302</sup> Namwishiba, utuntu utunono utwapala ngo to kulya, fyonse nifyofinefye, yonse yalya ama vitamini. Mwamona? Kabili ni mumusango nshi untu vitamini wa musango uyo wingalenga i Cebo ukumena, icikana ilya vitamini? Ni munshilanshi imwe mwnga cicitilamo? Mwamona? I Cebo cilakana ifyo. “Ngacakuti imwe mwatemwa isonde, nangu ifintu ifya mwisonde, icitemwiko cakwa Lesa tacili na muli imwe,” efyasosa Baibele. Mwamona? Eico nimunshila nshi—nimunshila nshi ica kwa Lesa . . . Ni munshila nshi i Cebo cakwa Lesa cingamena pesamba lya ma vitamini ya musangoyo?

<sup>303</sup> Cisenda vitamini uwamusango umu mu mushili ukuleta ulubuto. Cifwile ukuba mu mushili walungama. Ifwe tulepalamina kuli cena, panonofye. Mwamona? Kufwile kwaba umushili uwalinga, nga teifyo tekuti ulete ulubuto. Imwe kuti mwasenda imishili shimbi, tekuti ikushe *ici*, kabili kuti yakusha icintu cimbi. Umushili wa mucanga, vitamini u wapusana, na fimbipo, ukusha ifintu fimbi. Ngacakuti tacicitile ifyo, mulandunshi, imwe tamulukwete, tekuti ulumenye fye. Epela.

<sup>304</sup> Nomba, ifyani fili no ku mena nalimo apali ponse, mu mushili wa musango uuli onse. Bushe ico tacilungeme? Ifyani fya filonganino ifyakale kuti fya menafye ukuli konse.

<sup>305</sup> Lelo, Ndemweba, munyina, ngacakuti mulefwaya ukutwala ifisabo fya Mweo, cena cifwile ukufuma mu Cebo. Ico cacine. Ico cacine. Cinecine. Cisuma.

<sup>306</sup> Ndesubila Nshilesendela imwe bonse inshita nkalamba, muno lucelo. [Ulukuta lwatila, “Iyo.”—Kale.] Mwamona? Nomba, mwiesha . . . Mwamona? Cisuma.

<sup>307</sup> Emulandu wine tekuti bacetekele; bena tabakwata nangu cimo icakwikalamo. Yesu asosele pali bena muli Mateyo chapitala 13 versi 1. Natupilibwilefye uku nokumona ifintu Yesu asosele palwa ici, ifi fintu ifwe tulelandapo. Mateyo chapitala 13, kabili mwi versi lya1.

*Mubushiku bumowine Yesu afumine mu ng'anda, aileikala pa mbali ya bemba.*

*Kabili amabumba yakalamba yalongene. . .kuli ena, eico aninine mu bwato, no kwikala; ne bumba lyonse lyaiminine pa lulamba.*

*Kabili alandile kuli bena ifintu, kabili alandile kuli bena ifintu ifingi mu milumbe, ati, Moneni, katanda afumine ku kutanda imbuto;*

*Kabili lintu a tandile, shimo imbuto shaponene mu mbali ya nshila, ne fyuni fyaisa no kushicibaula:*

*Shimbi shaponene pa nsakalabwe, apo tashali na mushili uwingi: na popene shali sapwile, umulandu wa kabulwo kushika kwa mushili:*

*Lelo ilyo akasuba kasansama, shalokota no kuuma; nokwisa. . .kabili pantu tashali na mishila, shena sha umine.*

*. . .shimbi shaponene pa myunga; ne myunga ya lulumuka, no ku shitabilila:*

*. . .shimbi shaponene mu mushili usuma, no kutwale fisabo fimo, shatwele ifisabo, shimo umwanda, . . . amakumi mutanda- . . .na makumi yatatu.*

*U uli na matwi yakumfwa, omfwe.*

<sup>308</sup> Te mano. "Matwi," mwamona, cisuma, "ukumfwa." Cisuma.

<sup>309</sup> Moneni. Ena atile bamo baile, lintu u Lubuto lwaile, ukushimikila i Cebo.

<sup>310</sup> Shimo shaponene mumbali yanshila; kwatifye menshi panuma yacibata, yakunkulwike yonse.

<sup>311</sup> Shimo shaponene pa mushili wa mabwe, insakalabwe, shena shakwetefye utulukungu utunono utwa ulukile kulya. Kabili shasapwile, lelo tashakwete mishila, tapali incende apa kubika imishila. Nomba Nalapanga ifilangililo apa, kabili Ndesubila Nshacene imyumfwile nangu imo. Mwamona?

<sup>312</sup> Ico cali chalichi ca Katolika. Bena batila bakulwa pelibwe. Nalabasuminisha. Ine icinecine ndesuminishanya nabo. Ico cacine. Ico cacine. Tapali umushili pesamba lya luko, nakalya, tapali umushili pena uwakutwalamo. Mulandu nshi? Cena tekuti cifumye i. . .Bena tekuti bafumye vitamini wa Baibele, pantu tabacetekela na muli Yena. Isambilisho lyabo fisumino, ico cacine, ifisumino fya ci Roma, tamwaba i Cebo muli fyena, nakalya. Mwamona? Ukuponena pa mabwe; ayo yali mano

ayapulamo. Oh, munyina, Ndemweba, bena bacikwete munshila iya pulamo. Bena bacipela mu munshila ya masambililo ya matontonkanyo, ne fikulwa ifikalamba nganshi, ne mifwalile isuma, ukumoneka nga tulesa twashila, utwa ba shimapepo nafyonse ifyashala.

<sup>313</sup> Nibanga aba umfwa bulya bunte bwa ulya nani munono ulya uwafuminemo nombaline? Mwalikwata kuno? Ndefwaya cikabikwepo Citatu cimo munshita ya ubushiku kuno ku chalichi, kabili cila muntu muno afwile ukukwata ubunte. Umo muli bena ankonkele panshita iikalamba. Ifyo bena . . .

<sup>314</sup> Ine naile kulya ku Mexico, nemwine, nokumona ifilindi fya mpemba, ifilindi muntu abana ba banani; lintu ba shimapepo balebakwata kuli bena, utunya; uko kwine twaleocewa mu filindi fya mpemba, ne fintu fyapale fyo. Ico ecalengele komyunisimu ukwima kulya mu Mexico. Bena ba onawile filya fintu fyabola. Ico ecalengele komyunisimu ukwima kulya bushilya.

<sup>315</sup> Imwe mwiesha kutina komyunisimu. Lesa alebomfya komyunisimu. Nshacetekela muli cena. Cakwa ciwa. Lelo Lesa abula ciwa nokwisa ukubweluluka, nga fintu Acitile Imfumu Nebukadnesari, nokwisa kabili ukusenda Isreali. Mwamona? Ee. Muloleshe nokumona ngacakuti Baibele taicishininkisha. Bumo muli ishi nshiku tuli nokwingila muli cena. Lesa acimishefye, kukulandula abana bakwa Lesa, pali ulya cilende wakale. Ifyo nibwino bwinofye fintu Baibele yasosa. Ee. Ukutila, “Bena bakoca umwanakashi ku mulilo, kabili ena akafika kumpela yakuloba kwakwe.” Bwino bwinofye cili nokucitika kuli ena, nao. Uyo palya.

<sup>316</sup> Euyo uwaponene pamabwe, umushilifye unono mpaka cena tacakulile. Cena califwile. Kanshi, ayo yali mano ayapulamo.

<sup>317</sup> Elyo shimo shaponene pa mushili waba Protestanti, lelo, panuma ya kashita, amano ayakalamba aya filonganino fikalamba ya shitabilile, ukutabilila ukufumya Mupashi kunse. “Inshiku sha fisungusho shalipita. Dokota *Wakuti-na-wakuti* atile *cakuti-na-cakuti*. Mwamona? Takwaba icintu ca musangoyo.” Bwino bwinofye, ukutabilila fyonse. Catabilile fyonse finshi kunse? Catabilile ukufumya Mupashi kunse, ku mano. Mwamona?

<sup>318</sup> U Mupashi wa Mushilo wawile munshiku shakwa Martin Luther. U Mupashi wa Mushilo wawile munshiku shakwa John Wesley. U Mupashi wa Mushilo wawile munshiku shakubalilapo isha chalichi yaba Pentecosti. Lelo nonba finshi fintu ifilonganino fyacita? Na mano yafiko, fyali Citabilila ukucifumya kunse. Ukutabilila ukufumya kunse cinshi? U Lubuto. Bushe u Lubuto cinshi? I Cebo. “Ta cilepilibula Ico. Cilepilibula *ifi*, kulya.” Mwamona? Bena bacibula . . .

319 Nomba, abengi abaume ba mitima ya cishinka muli abo ba kapyunga, Ine nali bakumanya, ukubateeka panshi nokulanda kuli bena, na pesambililo lya lubatisho nefintu ifingi. Ine nali ipusha uuli onse ukwisa, ukulanshanya pali ici. Bena batile, “Munyina Branham, ngacakuti ifwe twacita ico, ichalichi cesu cika tutamfya.”

320 Natile, “Ninani? Ninani uucililepo kuli imwe, i Cebo cakwa Lesa nangu ichalichi cenu?” Imwe tamwakatale amutwalilila, mulya mulukungu lwa filonganino. Mwamona? Mwamona? Cisuma. Ngacakuti cena cakana i Cebo, nacilufyanya. Mwamona? Cilelenga cena ukuba mano yapangwa no muntu.

321 Nomba, ba Protestanti ba tabililwe ukufumishiwa kunse. Cena catabilile u Mupashi ukufumafye muli bena, lintu bena batampile ukusenda amano mucifulo cacicetekelo mu Cebo; amano mu tubungwe, amano ya tubungwe mu cifulo cacicetekelo mu Cebo. Bonse abaumfwa ico, tileni, “Ameni.” [Ulukuta lwatila, “Ameni.”—Kale.] Mwamona? Icacicetekelo mu fintu i—fintu ibumba lya bantu, ilyaba Methodisti, ba Baptisti, ba Presbyteriani, ba Pentecosti, ba Evangeliko, na bonse abampene pamo. Kabili nomba bali nokupanga ukwikatana kwa machalichi, icikaba “icipasho ku ciswango.” Kabili akakwata amaka yamo yene muli cino calo, Ukusokolola 13:11, ico cintu bakwete kulya; kabili cikalenga ukupakasa pa bashila, kwatifye fintu bacicitile pa kutendeka, u—ulukuta lwa ci Roma. Mwamona? Uko eko cilelola ililine nomba.

322 Emulandu wine i Cebo ciletandilwa nomba, konse, “Talukeniko kuli cena. Fumenimo muli cena.” Mwamona?

323 Nomba, amano ya citabilile ukucifumya kunse. Amano yabo abene ya tabilila Mupashi wa Mushilo ukufuma kuli bena. Lekenine ncishininkishe kuli imwe, mu Baibele, Ukusokolola, chapitala 3; umu twapitilefye mu nkulo sha nkuta. Yesu ali tabililwe ukumufumya ku Chalichi Cakwe, kabili aali kunse; aleesha ukukonkonsha pa ciibi, ukuti engabwelelamo. [Munyina Branham akonkonsha pa cintamba—Kale.] Uh-huh. Nbwino bwino fye Yena efyo yasosa. “Ninjiminina pamwinshi ndekonkoshu. Nga cakuti umuntu onse aumfwa icilaka, nga kuti aleka Naingila, Ndi nokwisa.” Lelo takwali umuntu nangu umu uwaiswile iciibi. Mwamona? Bena ba Mufumishe kunse. Bushe ico cali nicinshi? Bakwete. . . U Lubuto lwaponene pali bena. Mwamona? Mwamona?

324 Lelo shimo shaponene mu mukonko wakupakaswa. Shimo imbuto shaile mulya mu mukonko wakupakaswa. Nomba, mu mukonko emo wingasanga amenshi, iloba ilya wamisha. Ilyo imwe mwabula umuntu umu uwa umwa icakuti afumishiwamo yonse amasambililo ya bulesa ukumwa ukufuma muli ena, ukusekwa ukufuma muli ena, ukutumfya pali ena, uko ena apita mukupelwa kutwiwa fyonse ukufuma muli ena, mpaka

icela caba icapekanishiwa ukubomba, mukasanga ukuti kuliko umutonshi umo ukushinguluka palya. Ico nacilungama. Mu mukonko, uyo muntu ashimpwa mu nkambi mulya mu mukonko, ukutamfiwa mukabungwe kakwe. Ena aali “mulya mufishala,” bena efyo baciita. Mwamona? Te mufishala, lelo “umukonko,” efyo tufundwa. Panshi mu mukonko, namwiishiba, umo emo Itunda limena, pamo, namwaishiba. Uh-huh. Uh-huh. Ico nacilungaa, mwamona, “Mu mukonko.” Cisuma. Shimo sha ponene mu mukonko wakupakaswa, ukweshiwa ukwayafya. Shimo muli isho Mbuto shaponene mulya, umukonko wakupakaswa, amesho ayakosa, ukwitwa icintu icili conse kwati Litunda fintu lyaitilwe, “Belsebabu,” ukumupumya.

<sup>325</sup> Lelo muli uyu mukonko mwaba utumilonga twamenshi. Amalumbo 1, yatila, “Alipalwa umuntu.” Lekenifye mpasome. Lekeni nange icaba muli uyu mukonko. Cinshi, Amalumbo... Nacitontonkanya ukuti Nshakwate inshita, lelo ifwe twala sendako inshita, mwamona, ukusoma ici, mwamona, ukukwata ici apa. Ifwe twalasoma ici nokumona ifyo uyu muntu ali apa panshi, apo epofye ena abyalwa. Ngacakuti alimbwa pa ci... palya pa ciswebebe calukungu ica mabwe, apashaba mushili nakalya, nangu bushe ena alimbwa mu mukonko? Cisuma.

*Alishuko muntu uushendela mu mano ayapanda, amano...*

Ameni! Ameni! Ameni! Ameni!

*...uushendela mu mano ayapanda ababifi, ... ukwiminina munshila ya babembu, ... ukwikala pamo napekala aba ponta.*

*Lelo mumalango yakwa SHIKULU, i Cebo; kabili mu malango, i Cebo, cilenga ena uku fi tontonkanya akasuba no bushiku.*

*Kabili ena aba ngo muti uwa limbwa pa tumilonga twa menshi, ...*

<sup>326</sup> “Utumilonga.” Cinshi ico? Ifya bupe pabula ifyaku mupashi. Utumilonga twa “Menshi” yamo, u Mupashi umo. Amenshi yamo, lelo ukufuma mu ntulo pabula ishalekana lekana, utumilonga twa Menshi. Mwamona?

*...tumilonga twa menshi, uutwale fisabo fya uko, ifisabo fya Mupashi, mu nshita ya fiko; kabili amabula ya uko tayalokota; conse ico acita, ci kalengwo kushuka.*

<sup>327</sup> Mwamona, shimo shaponene panshi mulya mu mukonko kulya, u mwaba utu tumilonga. No kutwasha... Bushe imwe namumona? Ndefwaya ukusenda icintu cimbi. Cinshi ico cacitile? Cena caponene panshi, mu mulonga...

<sup>328</sup> Cena tacabikilwepofye. Akakaba nga icimuti ica “bikwapo, ukuseshiwa ukufuma uku ukuya kulya”? Ena ali “byelwe.”

Cinshi? Ukulashikilwa libela. Lilya itontonkanyo lyakwa Lesa, lintu umufula we sonde tatulati, amubikile mulya. Mwamona? Tekushimpikamo, tekwishuko; lelo a “byelwe,” ukulashikilwa libela (cinshi?) ku tumilonga twa Menshi. Oh!

<sup>329</sup> “Imishila yakwe tayakome.” Oh, alleluya! “Nangu ena engafwa, Ndi nokumwimya nakabili pa bushiku bwa kulekelesha.” Ico nacilungama.

<sup>330</sup> Alingilwe libela ukuba Kulya, te ca kupumikishafye. Alingilwe libela ukwikata ico Cebo lintu Cena catandilwe. Kabili ena alinokuba palya penefye. Ilyo caikata, ena epo ali. Alibyalwa, tacimpwafye. Alibyalwa mucituntulu. Ico cacine. Nacipusana nganshi: ukushimpika icimuti mu mushili, nokubyalala icintu cimo. Fyali pusana. U Lubuto lwa byelwe; Lwena lwaisangiile ifipunda fya mishila ya Luko. Lintu a Menshi yatampa ukwisamo nokuleta u Mweo waluko, u Mupashi, lwatampile ukusosa . . .

Imwe mwatila, “Kwaba ifyabupe fyaku mupashi pabula.”

Ena atile, “Ameni.”

“Yesu, umowine mailo no muyayaya.”

“Ameni.”

“Acili aleundapa ngafintufye Ena acitile lyonse.”

“Ameni. Ameni. Ameni.” Mwamona?

<sup>331</sup> Ena abyalwa kumbali ya tumilonga, utumilonga ukufuma kumbali shonse, utumilonga twa Menshi. E mulandu wine ena tekuti alokote. E mulandu wine, ena alibyalwa. Shimo muli isho Mbuto shaponene kulya. Ena tekuti afwe. Cilifye mukati ka mulonga wa Mweo. Citwalilila ukutwaala. Ico cacine. Cena cilefumya u Mweo waciko ukufuma muli uto tumilonga, “utumilonga,” i Cipingo Cipyaa, i Cipingo Cakale. Ameni. Ukulalishiwafye, ukutwalilila! Oh, munyina!

*Bushe muli noku Mutemwa? Ameni!*

*Bushe muli noku Mulumbanya? Ameni!*

*Bushe muli noku Mushinshimuna? Ameni!*

Ameni! Ameni!

<sup>332</sup> Ee, mukwai. Ee, mukwai. Oh, Ine nalitemwa ico, nga imwe? Ee.

. . . ukutwasha ifyakwe, uku *twasha* mu *fyakwe* fisabo  
*mu nshita yakwe*; . . .

<sup>333</sup> Ukutendeka 1:11. “Ukutwasha ifisabo fyakwe.” Fisabo nshi? Ifisabo fyanshi? Ifisabo Fyakwe. Fisabo nshi? Ifisabo Fyakwe. Cisabo nshi? Baibele. Mwamona? Fyonse ifya Ciko fyaba umu. Icisabo, icitemwiko, caba umu muli Baibele. Insansa, muno mu Baibele. Amaka, Mupashi wa Mushilo, fyonse ifi fintu muno, ukundapa kwa maka yakwa Lesa, amalayo yakwa Lesa, ifyo efisabo. *Ici* Cili apa. Kabili ngacakuti ena abyalwa muli Ici, ici

ca byalwa mu—mu mushili walinga, mu cicetekelo. Cinshi cintu icicetekelo cicita? Icicetekelo cilatampa uku Cikusha.

Ameni!

Cilatampa ukucifumya. Mwamona? Efyo; ukucifumya. Cinecine. “Ena akaba nga icimuti icalimbwa pambali ya menshi; ukutwala icisabo cakwe munshita.”

<sup>334</sup> Nomba, cisabo ca musango nshi cintu cena cikakwata? Yohane 14:11, Yohane 14:11, Ena atile, Yesu atile, “Ena,” Ndecetekela ni 14:12, “Ena,” Yesu atile, “Uyo uwacetekela muli Ine, imilimo intu Ncita akacita pamo.” Mulandu nshi? I Cebo cimo cine cili muli ena. Ena ali e Cebo. Bushe ico nacilungama? “Kabili ngacakuti imwe mwaikalila muli Ine, ne Fyebo Fyandi muli imwe, mukepusha ico mulekabila.”

<sup>335</sup> Ine nacilalanda kuli Munyina Evans kunuma kulya, tapapitile nshita. Ena acisa kuno. Ensha ukufuma ukutali! Alufishe mutoka yakwe. Abikile kulya ku ncende yaba Miller, ashile ifungulo umo mwine, umuntu umo aishile nokwisa iba. Fyonse ifyo akwete afibikile, umo mwine. Ena aishile. Ena, ena na Munyina Fred, na Munyina Tom, bamo muli bena, baishile ku ng’anda. Kabili batile. . . Ukuba, amoneke kwati mwaice munono untu bapoka switi wakwe; ena, alifye uwapumwa monse, namwishiba. Atile, “Ine nshishibe ifyo Nalacita.” Natile, “Ukuba, . . .”

<sup>336</sup> Nomba cinshi ico? Nomba, bena baleisa, icakubalilapo cinshi? Ku Cebo; ipusheni Taata. “Nga cakuti mwaikalila muli Ine, ne Cebo Candi muli imwe, lombeni cintu mulekabila.” Cinshi? Ikaleni ne Cebo, ikalenifye ne Cebo.

<sup>337</sup> Ine natile, “Natupepe.” Twafukeme panshi, nokutampa, ukupepa.

<sup>338</sup> Kabili ilyo tucili apo, twalepepa, Natile, “Taata, Naisa kuli Imwe, mwi Shina lyakwa Shikulu Yesu. Munyina uyu apa uubomfya, uubombafye inshiku ishinono mu mulungu. Iminwe yakwe, yonse iyacenaulwa, ku kulungisha imyotoka shakale ishaonaika nefintu fyapala ngefyo, ku kusangako impiya iilingile ukwenda ba mailoshi ikumi na yane ukufika kuli ba mailoshi imyanda ikumi na yasano cila Mulungu, ukwisa mu misonkano. Alikwata ibumba lya bana ilya kulisha. Cimulenga ukulipila nalimo, ba dolla amakumi yasano nangu amakumi cine lubali nafisano cila mulungu, ukupanga ubo bulendo, ukwisafye kuchalichi. Mwamona? Nacilungama. Aishile kuno, ukwisha ukumfwa i Cebo, lintu ifwe tule esha ukwimininako Cena.” Kabili Natile, “Nomba, umuntu umo umubifi na iba motoka wakwe.” Cali Cinshi? Natile, “Nomba, Shikulu, Na Millomba, ukumubwesha motoka yakwe, mwi Shina lyakwa Yesu Kristu.”

<sup>339</sup> Cinshi cintu Nacitile? Nabikilepo cilya Cebo, bulya bulayo, kucinso cakwa Lesa, uku Cikakatika ne Shina lyakwa Yesu,



nokutume Cebo. Ukuyafye mu musebo Cena caile, ukutali kunse kulya, ukusanga pancende pantu catendekete; kwati nimbwa pa kulondola kalulu. Mwamona? Uyu Aisa, mulya mwine mu musebo, alepunda. Ukufika kulya, nalimofye citika ukufika ku Bowling Green, Kentucky. Cinshi capulilemo? I Cebo eca musangile.

<sup>340</sup> Apopene fye icimonwa cabwelele. Namwene umwaume, nafwala ilaya lye langi lya mutuntula mukumoneka, ale ensha, umulumendo, alipo limo umwina Kristu. I Cebo camukuntile. “Iwe ulufyanya.” I Cebo camwikete. Atumine i Cebo Cakwe, mwamona, mwamona, nokumwikata. “Iwe uli nokwikatwa muli ici, bushiku bumo, nefunde lino kukukaka pakucita ifi. Pilibuka noku ibwekeshamo.” I Cebo camwikete. Alipo limo umwina Kristu. Ine namumwene aileta kuno, aimika kumbali ya musebo.

<sup>341</sup> Natile, “Nomba, mweba bwananyina, fuminenifye ku kulyo, munshila imo *kuno*, mwalasanga motoka wenu. Loleleniko pano panono, nakuba, mpaka aibweshe. Nomba, bushe imwe mwali ne tanki lya mafuta ilyaisula?”

“Ee,” ena atile.

<sup>342</sup> Natile, “Ciba icintu cakusakamika. Lelo mulifye citika pamafuta ayo, pantu na ibomfyapo citika, ukwenda. Aali pepi nacitika munshila ukufika ku Bowling Green, nalimo—nalimo ukupwa bamailoshi umwanda.”

<sup>343</sup> Lintu ayisangile, ifyo fine efyo baishile, ifyofinefye yali. Bushe cali nicinshi? I Cebo caile nokumusanga.

<sup>344</sup> Ukubwela nokutula, tapapitile inshita ukufuma ilyo, umuntu umo ashitile motoka kuli ena. Abutwike kabili talipile. Mwamona? Atile, “Munyina Branham . . .”

<sup>345</sup> Natontonkenye ukuti, “Umuntu umubusu!” Akwete inkongole kuli ba dolla imyanda ine. Natile, “Nalomba.” Natumine i Cebo. I Cebo caile, camukonkele, camusangile.

<sup>346</sup> Lintu, ifwe twaile ku kufwaya uyu umwaume. Tali mwina Kristu, mwamona, ifyo acitile—ifyo acitile. . . Asekele. Balimwipwishe, kabiye ku chalichi, umuku umo. Atile, “Ukuba, ilintu kashimikila aleshimikila, Nakulalolesha tucisotwe utwayemba.” Eico, mwamona, tekuti musange. . . Ee. Uyo ni—uyo ni—uyo niciwa, eo, mwamona. Eico i Cebo tekuti cikale muli ena.

<sup>347</sup> Lelo cinshi cintu i Cebo cacitile? Calemumona. Mwamona? Mwi citafye. . . Munyina Welch atwalililefye ukwikatilila, atile, “Cili nokuba bwino. Cili nokuba bwino.” I Cebo ca mukonkele. Mwamona? “Ngacakuti mwaikalila muli Ine, ne Cebo Candi muli imwe, lombeni cintu mulekabila.” Mwamona? I Cebo camukonkele.

348 I cakubalilapo namwishiba, umo pa balumendo bakwe aleensha, kuno mu musebo, kabili iyo palya. Amwene uyu mwaume muli motoka, asendele inambala yakwe, aaluka, aalukile mulya, kuli Munyina Woods. Bena batumine lanya, ukusanga uko cali. Aali mu Bowling Green.

349 Lesa mu Muulu naishiba, Nshabalile umfwako ishiwi nangu limo palwa ici, nshaishibe nelyo cimo pa lwa ici.

350 Pa Mulungu wapitile, cali mulungu wapwile, akasuba, ilintu twapwile ukushimikila kuno, naile kulya nokufwala ifyakufwala fimbi, noku ipekanya ukuya ku Florida, kumu... nangu kulya...Munyina Welch, ku musonkano ubo bushiku ubwakonkelepo. Ilintu Ine naninine muli mutoka, Namwene ulya mwaume. Natile, “Munyina Welch...” Ine nafililwe ukumweba, nomba. Ena afwile ukusenda ulutampulo, umwine, mwamona, cimofye nga Meda uwali nokupanga ukusala kwakwe kulya. Mwamona? Natile, “Tulepita mu Bowling Green.”

Atile, “Apo nipamo naba mailoshi amakumi yatatu ukufuma munshila.”

351 Ukutwalilila mu musebo. Natontonkenye, “Oh, ena—ena, ena ala—ena alailuka. Mwamona? Afwilefye ukwiluka. Mwamona? Afwilefye ukucimona.”

352 Twa twalilile. Nkashi Evans na Ine...Kabili panuma ya kashita, atile, “Namwishiba, Munyina Branham,” atile, “bushe Ndi uwapuba-nganshi?” Atile, “Iwe wacitila Bowling Green, akashita kapitapo.”

“Ee.”

353 Atile, “Nawishiba ulya mwaume uwasendele indalama shandi, ukubutuka nasho?”

“Ee.”

354 Atile, “Aali mu Bowling Green. Nacilatontonkanya palico. Shi...Ninkwata icintu apa. Nala aluka, nokumona pantu ena ali. Nomba Nala aluka...” Natile...

355 Natile, “Bushe walacita shani? Bushe walaya kulya, ukuya senda indalama shobe?”

356 Nomba, moneni, ngacakuti Namweba, ninshi...Mwamona, nakwata icintu cimo icakucita, umwine. Mwamona? Nakwata icintu cimo icakucita. Ine nshali nokumweba. Ngacakuti Nacitile, kuti caonaula icimonwa palya pene. Mwamona? Eico Nali nokuleka...Mwamona? Kwatifye...

357 Mulandu nshi Yesu aiminine palya, ukusosa kuli Maria na Malita, “Fumyenipo icilibwe”? Mulandunshi, Ena ali ni Lesa. Ena nga atile, “We libwe, wisangwapo na kabili,” kabili nomba nga talyali palya. Lelo ena aali necakucita.

358 Mulandunshi Aiminine palya, ukulolesha pa busomboshi? Bushe mulecetekela Ali ni Shikulu wa busomboshi? Atile ku

basambi Bakwe, “Pepeni kuli Shikulu wa busomboshi, ukuti Ena engatuma ababomfi mu busomboshi Bwakwe.” Mu mashiwi yambi, “Imwe Ndombeni ukucita fintu Nalacita.” Mwamona?

<sup>359</sup> Ifwe tuli fibusa. Ifwe tuli—ifwe tuli. . . Ici Chalichi. Ifwe natukwatapo icintu cimo icakucita, fwebene. Mufwile ukukwata icintu cimo icakucita. I Mbila nsuma iyi apa, Nali Ishiba, lelo ngacakuti imwe mwaikalafye apa nokukana Ishimikila, busumanshi Ili no kucita? Mwamona? Namukwata icintu cimo icakucita. Mufwile ukubikako amaka. Mufwile. . . Mwatila, “Ukuba, Nalicetekela Lesa kuti aundapa, lelo Nshaishibafye.” Iminina nokuleka ico Cebo cibe cebo cobe. Cetekela Cena. Wi Cilengulula; cetekelafye Cena.

<sup>360</sup> Natile, “Ukuba. . .” Nalishibe, ngacakuti taile, ali nokushilufya. Natile, “Ngacakuti cali nine, ngacakuti cali nine, kuti Naya senda indalama shandi ili line.” Nao acitilefyo. Lintu abushishe ulya mwaume ukufuma mu busanshi, ali ne ndalama shimo. Ailefye ku bena mupalamano, nokusenda ishabulilepo, alipile shonse.

<sup>361</sup> Bushe ici nicinshi? Cena e Cebo. Mwamona, ngacakuti Cena kuti casanga incende, kuti Caalula. Nomba, cimo cine napa bundapishi bwakwa Lesa.

<sup>362</sup> Nomba, nga ngacakuti Munyina Welch atile, “Ukuba, Nshile tontonkanya ukuya kulya; Ndetontonkanyafye ukuya inshila imbi.” Nga ngacakuti ulya muntu atile, “Ukuba, Nshayeko kulya ukushili motoka?” Mwamona? Teti cicitike.

<sup>363</sup> Lelo mufwile ukucetekela. Mufwile ukucicetekela. Neco e. . . Nomba ico ciponena mu mibeke ya cicetekelo, kabili cifwile ukutwasha cena. Cifwilefye ukucita. Oh, ico ni. . .

<sup>364</sup> Bushe mwalitala amutontonkanya palwa, ilintu umuntu umo abushiwe ku bafwa, cinshi cicitika? Bushe mwalitala amutontonkanya, mu Finland kulya, ilya nshita ulya mulumendo munono uwabushiwe kubafwa? Umupashi wakwe walile ukufuma muli ena. Nomba, i Cebo cifwile ukufuma ukuya, ukupita muncende yabula impela bushilya, nokusenda kalya aka mweo kanono nokukabweshwa. Ni munshila nshi Cena cingacita? Cena Cebo, “Ukundapa abalwele. Ukwimya abafwa.” Mwamona? Nimunshilanshi Aali noku cicitilamo? Cena cifwile ukwisa ukupitila mu Cebo catapilishiwa. Alilangile icimonwa, nacena cifwile ukucitika. Umulumendo alele palya. Fyonse epo fyali filya fine munshila Acisoselemo, imyaka ibili intanshi tacilati. Kabili ico calambalele apo. E mulandu wine Nsosele palwa icibuli ukutentemuka ulupili, nangu cali shani: cena cifwile ukucitika, cifwilefye ukubefyo. Mwamona? Cinshi Cena cingacita? Cebo!

<sup>365</sup> Natile, “Taata wamu Muulu, muncende shakumwesu, Mwasosele kuli ine, nalimo imyaka ibili iyapitapo, ukuti uyu mulumendo munono akema ku bafwa. Eico, ukulingana ne

Cebo Cenu, ubulayo Bwenu. Icakubalilapo, i Cebo catile, ‘Ifi ifishibilo fikakonka abo abacetekela.’ Imwe mwatumine abasambi Benu kuntanshi, Imwe, kabili mwabebele ‘ukundapa abalwele, ukwimya abafwa, ukutamfya ifiwa.’ Elyo, ukupitila mu cimonwa, Imwe mwanangile muncende ya kumwesu ukuti uyu mulumendo munono. . . ali nokubwelela ku bumi nakabili.”

<sup>366</sup> “Eico, we mfwa, teti umwikatilile ukutwalilila. Ndine Cebo cakwa Shikulu.”

<sup>367</sup> Te ine; Ine nshili Cebo. Ena e Cebo. Mwamona? Nga cakuti Nali i Cebo. . . Kulifye u Muntu Umo uwingaba i Cebo, uyo ali ni Yesu. Aali i Cebo cakwa Lesa icasoswa, ukupitila mukufyalwa kuli nacisungu. Ndi muntu uwa alulwa, mwamona, Ndi—Ndi cisabo cakwampana pakati kakwa taata na mayo. *Ici* cifwile ukufwa; *uyu* nine, mwamona, umubili uufwile ukufwa.

<sup>368</sup> Ta cali ifyo, kuli Yesu. Ena aa ni Cebo. Ena afyelwe, kuli nacisungu. Munyina, takuli umwanakashi, umwaume, nangu icintu cimbi, ica kwetepo icakucita na Ena. Umwanakashi ali icakusungilamo, ico cacine, kabili Ena aonkele kwibele lyakwe, nafimbipo. Ico kuti cali icishinka palwa ico. Lelo, lekeni ine mwebe, Ena aali Lesa. Efintu Ena Aali. Tapaali ukukumana kwa mwaume no mwanakashi palwa ici, nakalya. Ena aali nokuba umuntungwa ku kukumana kwa mwaume no mwanakashi, kukuleta u Mweo ukupitila muli ulya Mulopa; lintu tulefikako, muli ba miniti banono. Kabili, nomba lolesheni, Ena aali i Cebo.

<sup>369</sup> “Lelo, i Cebo cakwa Shikulu. . .” Ba kasesema tabali Cebo. “Lelo i Cebo cakwa Shikulu caishile *kuli* ba kasesema.” Te. . . Bena tabali i Cebo. I Cebo caishile *kuli* bena.

<sup>370</sup> Ifyo efintu Cena cicita kuli ifwe ilelo. Liintu i Cebo caishile palwa ulya mulumendo munono, cali cinshi? Cimonwa. Cali nicinshi palwa kwa cibuli? Cali nicinshi palwa ifi fintu fimbi? Fyonse, icimonwa. Cena Cebo cakwa Shikulu, icaishile kuli cena. Nomba cinshi cena cicita? Cikatilila apo.

<sup>371</sup> Nomba, cifwile ukusoswa, pa kubala. “We mfwa, mubweshe. Mwi Shina Iya kwa Yesu Kristu, Ine natuma cilya Cebo.” Caikata, nga fintufye Cena caikete ulya mulumendo uwaleya uku ku Bowling Green, na ulya motoka waibilwe. Kuno i Cicaya *uku lubali* no kwikata nakabili. Cinshi Cena cicita? Cena caikata kalya—kalya akamupashi kanono, uku kabweshafye kuno kwine, nokukatuula mu mubili, nga fintufye i Cebo casosele Cena cali nokucita. Eifyo fine. Nicinshi cicite co? Cicetekelo, tekwishiba.

<sup>372</sup> Imwe mwatila, “Nomba natumone. Umwela upangwa ukufuma kuli *cakuti-na-cakuti*. Mwaba ubwingi bwa acidi wakuti. Mwaba ubwingi bwa mwela wakuti. Mwaba ubwingi bwa ulubuuto lwa mulwelele lwakuti. Ine kuti namona ico. Kabili nalimo ngacakuti Ine. . .” Oh, imwe mule—imwe mule. . . Imwe mulebepa inshita.

373 Te mano; cicetekelo! Te mano; kumweba ukuti ico teti cicitike. Icicetekelo cishininkisha cena nacitwa, mwamona, ico cacine, cilanga Aba umo wine mailo, ileelo, no muyayaya. Cisuma.

Natwangufyanye nomba. Tufwile ukwangufyanya.

374 “Twaleni ifisabo fya musango Wakwe.” Yohane 14 asosa, ukuti, “Uyo uucita i Fyandi...Uyo uwacetekela muli Ine, imilimo, ifishibilo fintu Ine ncita...”

Nomba, imwe mwatila, “Bushe ifyo efishibilo Acita?”

375 Ena aingile mu ng’anda umo umukashana munono, umwana mwanakashi umofye uwakwa kapyunga, alambalele; nafwa, natalala, nabutuluka, naba mulambalika. Limbi apo afwilile palipitile amaora yabili lintu Ena talafika kulya. Bamulambalike pa busanshi ubunono, ukupekanya ukumusenda, ukumusuba amafuta yakusunga umubili. Yesu aingila mulya mwine mumuputule umo aali, nga filya. Balelosa nokulila nga filya. Afumishe bonse panse, atile, “Fumeni muno. Fumineni panse.” Atile, “Isa kuno, Petro, Yakobo, na Yohane. Ninjishiba ukuti imwe mwalicetekela.” Atile kuli wishi, “Iwe wacicetekela, nga teifyo nga ta Wacinkonkela.”

Kabili nyina atile, “Shikulu, Nincetekela.” Mwamona?

Atile, “Iminineni apa.”

376 Aloleshe. Kunse kulya kwaiminine umunono—umunono umukashana. Atile, “Talitha,” ekutila, “mukashana.” Alleluya! Ena talekabila kupepa. Aali ni Cebo. Uh-huh.

377 Nshilekabila ukupepa, ngacakuti kuti Namona icimonwa, pantu i Cebo naciteyanya kale. Mfwile ukupepa, ku kupokelela i Cebo, ukumfwa fintu Lesa asosa. Elyo Ninga Cisosa, panuma Naumfwa fintu Asosa.

378 Lelo Ena aali Cebo. Ameni. “Mukashana, Natila kuli iwe, ima.” Amwimishe, ku kuboko. Eifyo fine. Mwamona? Oh, owe!

379 Uko ekulangishiwa. “Utwala umusango wauko.” Yesu atile, “Uyo ukacetekela muli Ine, imilimo intu Ndebomba nao akacita.”

380 Eico, ifi, mwamona, ifintu fyonse ifya ifi filonganino nefintu, bena nababika ifintu fyamusango uyo mu cisankano ca matipa no lubembu, kwatifye fintu ifumo lye sonde lyacita ku bubumbo. Ico cacine. Oh, owe! Kuti cacitika shani? Kuti icacishinka i Cebo cakwa Lesa cakula shani pali aba bakaputula wamishishi, bakafwala batuputula, bakapepa ba-fwaka, bakeminina ba mumisebo, bakailunda ku-chalichi? Kuti cacita shani, ilyo bakatemwa bakwangala, -abakufwaya amabumba nga filya, ukuba kulya kunse nok utemwa ifintu fya musango nga ulya, no kutemwa kwe sonde? Bushe kuti icitemwiko cakwa Lesa caisamo shani? Bushe kuti u Lubuto lwakwa Lesa lwakula shani mumushili wamusango nga ulya? Cena tekuti cikwate

imishila. Cena tekuti cilete u Mweo kuli cena. Cikalambalala palya pa filonganino fya nsakalabwe ifyalukungu nokubola, lelo tacakatale acileta Mweo. Ee, mukwai. Ee, mukwai.

<sup>381</sup> Ba kafwailisha-bakwangala, “Abatemwa ukwangala ukucila ukutemwa kwakwa Lesa.” Cibi! Lelo, balisalapuka. Balisalapuka imiku ibili ukucila lilya—lilya ibumba libiye. Cinecine. Abasalapuka, abasambilila, abafwaya-amano, ngafintufye Efa aali, nabo bapokelele umuti umowine untu ena apokelele, ifyo finefye. Cena Cishinka.

<sup>382</sup> Bushe itunda kuti lyaba shani nomweo, u Lubuto lwetunda ukuba nomweo nokukula, ilyo lwena lukulila pamenshi, ukukula muli cimo icafilya filonganino fyalukungu? Kuti lwena lwa cita shani, ilyo lukulila ku Menshi. Amenshi e Mupashi. “Bena bakwata imimonekele yabuka pepa, lelo bakana amaka ya Mupashi.” Mwamona? Nangu i Cebo cingaponena pali bena, Cena tekuti cikule. Cena tekuti cikule. Ngafintufye i Cebo cali pali Efa, lelo ta Cakulile. Mulandunshi? Ena apokelele amano, amano yakwa Satana. I Cebo caisa kuli bena. I Cebo caponena pali bena. Cinecine, Cena cilacitefyo. Ee, mukwai. Ukukula. . . Cena, Cena caponena pali bena. Bena kuti baumfwa i Cebo ukushimikilwa.

<sup>383</sup> Bushe mwalitala amumona abantu abali mu chalichi, bena tabasela? Ukushimikila ku banakashi palwa imishishi yaputulwa; umwaka nomwaka, ukupita, bacili nomushishi uwaputulwa. Ukulanda ku baume palwa kupeepa, abanakashi palwa kunwa; bena batwalililafye ukunwa, cimo cinefye. Cimofye no kupongolwela amenshi panuma ya cibata. Cena tacakwata incende yakukulilapo. Mwamona? Nikulya ukwakale ukwa kutemwa ukwangala, ukulumbuka, “Ukuba, lekeni abashala abanakashi babalilepo uku cicita, nomba Nkacita.” Nshilesakamana fintu bena bacita. Mulimo obe ukukonka i Cebo cakwa Lesa. Ico cacine. Mwamona?

<sup>384</sup> Nangu i Cebo ciponena pali bena, Cena tekuti cikule. Amano yakwa Satana, mwamona, eico cena cibafye lukungu lwa filonganino. Bena tekuti bacetekele muli Bahebere 13:8, bonse batumikwa namano, tapali nangu cimo umwa kuti Cena cikule. Mwamona? Bushe bena kuti bacetekela shani Bahebere 13:8, “Yesu Kristu umowine mailo, ileelo, no muyayaya”? Tekuti cicite. Mwamona?

<sup>385</sup> Oh, bena basosa ukuti bali Ci cetekela. Oh, imwe mwabeba Ico, bena basosa, “Cinecine, twali Cicetekela.” Kanshi nangeni ifisabo fyaciko. Lekeni mfimone. Lekeni mone fyena ukucitwa. Lekeni mone ichalichi ilyo imwe mu shimikilako, ukucita fintu bena bacitile mu Chalichi lwa batumwa ulwakubalilapo kanshi, balya abacetekele i Cebo.

<sup>386</sup> Imwe mu potolola imbatisho shenu. Imwe mu potolola ifishibilo fyenu. Mulenga cena ukulinga kwi sambilisho lya

musango umo; mucifulo cakusenda i Cebo, ukuleka i Cebo ukutwala ifisabo fya Ciko. Imwe mupanga icintu icamusango umo cintu mufwile ukucita, ica kumuletela icishibilo ca Ciko. Na Satana kuti ailula icishibilo conse cintu imwe mulefwaya ukuleta. Cinecine, ena kuti acita, ena icinecine kuti acita. Lelo ena tekuti atwashe i Cebo. Ico ecintu cimofye icimukalipa. Ena tekutifye acite co. Ee, mukwai. Oh, ee.

<sup>387</sup> Nomba lolesheni kuli Kaini na Abele. Bonse babili bali abacishinka. Kaini asendele, ku mano yakwe, ukukonka nyina ichalichi cakwe, Efa. Ewali nyina. Nibanga baishiba ukuti Efa ali ni nyina wakwa Kaini? Cine. Cisuma. Nga nyina, asendele ukulengulula, mwamona, amano, amano yakwe umwine. Icakutuula icayemba; akwete amaluba. Akwete ifisabo fya mwibala. Atile, “Ukuba, nomba, cinecine, mwamona,” atile, “Les. . .” Califye kwati Satana fintu asosele kuli—kuli Efa, “Cinecine, cinecine. . .” “Cinecine Lesa alapokelela ica kutuula candi. Nakulile icintamba icisuma. Nincilenga ukuba icayemba sana. Naciyemfiwa nganshi.”

<sup>388</sup> Cilifye kwati ifyo ili Pasaka likaba, bena bakaposapo ba dolla, amamillioni ukushinguluka icalo, ukubika amaluba ye Pasaka pafipailo fimo. Icipailo tacapangilwe amaluba; cena cakutuulapo. Mwamona? Cena cilangafye ulya umowine umupashi uwakale uwakwa Kaini, mwamona, umowine uwakale—uwakale ciwa ukufuma mu Edeni. Mwamona?

<sup>389</sup> Nicinshi—nicinshi cacitike? Kaini atontonkenye ukutula, “Cinecine. . .” Na mwishiba uyu mwaume, aali uwacishinka pantu cena calepilibula u Mweo nangu imfwa, kuli ena.

<sup>390</sup> Kabili, balya bantu, mwitontonkanya ukuti nibabumbi munda. Bena baliba abacishinka. Mwatila, “Kanshi, bena kuti baba abacishinka nokuba abaluba?” Cinecine. Umuntu kuti anwa ubusungu, ukutontonkanya ukuti alenwa amafuta yamono nangu icintu cimo, icintu cimbi. Mwamona? Abacishinka; ico teti cicibombe. Cena Cine, tebucishinka. Cine!

<sup>391</sup> Balya abanakashi kulya ku Africa, balatuula utunya twabo kumilungu, ing’wena. Bushe imwe mwaliba nobo bucishinka? Iyo. Nibanga beminina, abena China, balakontola amafupa yabo, kuli tu lesa kumi shakwipikilamo! Kabili nga palwa abena Muhamadi nakulya mulya, na balya banyanta—pa mulilo? Nokubika ifintu, oh, ukutunga utufyela mu munofu, mutunwa twabo, nokubila utunwa twabo.

<sup>392</sup> Kabili bamo muli bena babika akamuti. . . Nasendele akantu kamo akabaswa kulya, akacipasho kulya, inshila imo ena atulilamo kuli lesa wakwe, ukutontonkanya ukuti ena aleya ku Muulu. Shimapepo abika akamuti mukanwa kakwe, akakakilila ku mutwe wakwe, no munyololo; aisa, abika amaboko yakwe kunuma yakwe, akakilila amakasa yakwe ku minyololo. Ena

tekuti anwe, ukulanda, ukulya, nangu icintu icili conse, mpaka ena afwa.

393 Mwalimonapo umwina Kristu uuli onse uutula mu musango ngoyo? Imwe tekuti mucetekele na mu Cine, i Cebo. Mwamona?

394 Nomba, “Ukuyemba,” atile, “cinecine Lesa alapokelela. Lolesheni fintu icintamba candi cili icayemba.”

395 Mwamona umupashi umowine ileelo, uwa mano? “Ukuba, ngacakuti, ifwe twakuula ici cilonganino icikalamba, cinecine Lesa akatupokelela.” Ena tekuti apokelele cimbi kano i Cebo Cakwe. Awe. Mwamona?

396 “Ukuba,” batila, “nomba, lolesha, Munyina Branham, ngacakuti ifwe—ngacakuti ifwe tufumya ba kapyunga impendwa *yakuti* cila mwaka. Ubutantiko bwesu ubwa minshoni, umwaka wapwile, bwacilile pali ba dolla amakana umwanda umo.” Ico kuti caba icisuma nganshi, munyina, lelo iwe walifwa mpaka wasumina cilya Cebo nokwisa kuli Cena. Ico nifyo fine.

397 “Mulandunshi, Munyina Branham, ichalichi cesu! Bushe iwe uletontokanya uli cinshi, ni kabongobongo ka-lubalalafye umo?”

398 Ico cacine. Nomba, ico nifyo finefy. Ico cacine. Lelo, conse ico Ine ndi, lekeni njikale na cilya Cebo. Cena cikakula mu cintu cimo, ubushiku bumo. Mwamona? Ikalenifye na ico Cebo, nangu cibe shani. Ifwe tatakwata nelyo cimo kano ili hema inono pano. Ico ecintufye ifwe tulekabila, pali ino inefye inshita, nincendefye iya kubapo, pantu ifwe tulelelela Yesu ukwisa.

399 Ifwe tatulefwaya ifilonganino ifikalamba ifingalaposapo amamillioni cila mwaka, pafikulwa nefintu fyapalefyo; kabili abantu ukwisha ukushimikila i Cebo, ukucula kunse kulya, ukwabula nelyo cimo icakulya, nefintu ngefyo. Bushe nicinshi cilubene nabantu? Tacili. . . Oh, cilemoneka kwati abantu kuti babuka.

400 Lelo, umuntu uuli onse uwinga pokelela bu Katolika, kuti apofula icakuti kuti apokelela icili conse. Ine kuti namweba i Cine. Onse uwinga suminisha cilya ukupita pamikoshi yabo, kuti—kuti. . . “Abaume bamano,” emulandu wine, Baiblele yatila, “nangufye nimumu sha pesonde shacita ubulalelele nankwe.” Kabili abaume bamano, ukwishiba, mwamona, nabo balacicita, balya ba shimapepo, abaume bacenjela. Oh, wemwaume, ulelanda pa basambilila? Mune, bafwile ukupwa imyaka, ne myaka, ne myaka, ne myaka.

401 Batila tabekala nabalya banani. Nomba Ndefwaya ukumwipushako icintu cimo. Mulandunshi bena tababela ing’umba nomba? Uh-huh. Uh-huh. Uh-huh. “Eba Nabwinga, ababa kulya. Ba nani eba Nabwinga. Kabili ulya ni Shibwinga, nakuba, mwamona.” Ico cacine. Mother Superior akama utunya nokutuposa mufilindi fyampemba. Imwe tamulecetekela ico?



Umfweni ku mwine mwine, uwali mulya, ukupela ubunte palwa ici. Mwatila, “Nomba leka, lekeni ifunde linjicate.”

402 Kabili batile, “Ifwe tukacita icintu cimo cine ico bacitile mu Russia, icintu cimo cine icacitike mu Mexico. Ifwe tuli nokucisabankanya, lintu cikafika kubuteko.”

403 Lelo ni mumusango nshi imwe mukacicitilamo nomba ilyo tukwete umutwe waciko mulya mwinefye mubuteko? Mwamona? Mwamona? Ico kutila i Cebo cifwile ukufikilishiwa, “Bena bapekenye icipasho kuno, kuli cilya iciswango icali kulya. Kabili bonse babili ba ampene pamo no kupela amaka kuli ici ciswango, ukulanda.” O, munyina, ico Cebo cili nokwiminina apopene. Te komyunisimu iikacimfya, lelo bwina Roma bukacita. Uh-huh.

404 Nomba lolesheni kuno pali ici. Kaini atile, “Cinecine Ena ali nokupokelela ilambo lyandi.” Lelo lyali lya musango nshi? Atile “Nalipanga ilambo.” Lelo lyali lilambo lya musango nshi? Mweo wa fimena: ifilimwa, amaluba, umusalu. Umweo wafimena, (nicinnshi?) takuli kucula kuli cena, takuli malipilo kuli cena.

405 Abantu tabafwaya kucula. Ubo ebwafya ileelo. Bena baisa, bena baisa ililine no kucetekela ici Cebo, nga tacili cakufuma mu chaalichi cabo, ngacakuti bena tabafwile ukusekwa, ukubapumya. Iyo. Bena bafefwaya ubumi bwa filimwa, amano ya musango umo. “Ukuba, *uyu* mweo cimo cinefye ubusuma nga Ulya.” Ta uli. Nala mulanga uko uyo wafuma, muli minitifye, Shikulu nga atemwa.

Lelo, “Abele, kucicetekelo.” Ubukata!

406 Kaini, kumano, atile, “Cinecine Lesa alecipokelela ici. Icintamba ici. Nalikwata ichalichi.” Ifyo eflyo ichalichi caba, icintamba, incende yaku shinshimwinapo. Cisuma. “Ine ninkwata icintamba. Nala shinshimunafye mubufuma cumi nga munyina. Kabili Ninkwata icintu cimo icayemba apa. Cinecine Lesa alecipokelela.” E cintu cimo cine cintu ciwa aebele nyina; ubufi bumobwine, amano.

407 Nomba, Abele. Abahebere 11 yatila:

*Ku cicetekelo Abele atuulile kuli Lesa ilambo ilyacishe lyakwa Kaini, . . . ena ilyo nafwa, lelo calelanda.*

408 Mwamona? “Abele. . .” Ku nshi? Amano? Ku masambililo yakwishiba lesa? “Ku cicetekelo atuulile kuli Lesa ilambo ilyacisha.” Ku cicetekelo mu nshi? Ku cecetekelo munshi? Kuli cinshi. . . Akwete icicetekelo cakwe?

409 Kulya, wishi nanyinafye, ena namunyina lubali, munshilanshi pesonde cingabela ifyo? Nikwi uko—nikwi uko ena enga cifumya? Cinshi cintu akwetemo icicetekelo? Iicetekelo mufimena, icicetekelo muli *ici*? Iyo, mukwai. Akwete icicetekelo mu Cebo. Pantu, alefwaya ukwishiba mulandunshi afumine muli lilya ibala. “Mulandu nshi ifwe batutamfishe kunse?”

410 Nyina kuti asosa ukuti, “Pantu Naumfwile kubufi bwakwa ciwa. Pantu *uyu* mulumendo apa afyelwe munshila *yakuti-nayakuti*, emulandu wine Lesa atutamfische kunse.”

411 “Ukuba,” atile, “Ine tekuti mfike napa pampongolo. Pali umu Kerubi palya, nolupanga, alelinda cilya Cimuti ca Mweo.” Eico, ku cicetekelo!

412 Mwamona, ku mano, Kaini atulile, mwaishiba, ukwabula ukwishiba i Cebo, lelo atontonkanyefye, ku mano. Apangile incende iisuma, noku iwamya noku iyemfya.

413 Lelo, “Abele,” takwali nangu umo uwamwebele, nomba, ena umulumendofye, “ukupitila mu cicetekelo amwene ukuti tacali mweo wa fimena; cena cali kukumana kwa mwaume no mwanakashi, ukupitila mu mulopa.” Eifyo fine, munyina. Ukakubule pa mulu wa Ico, inshita imo.

414 Ku cicetekelo abana Bakwe bacili balacimona. Tabalile acifunda ku mano yamo. Cena tacisa kumano. Cisa kucicetekelo. Baibele yatila, “Abele, kucicetekelo.”

Finshi ena atulile? Mulopa, ukufuma ku camweo, umweo wa nama.

415 Ifwe tuli nama, ifwe bene. Ifwe tuli nama shakaba umulopa. Ico nifyofinefye. Ububumbo ubwacilapo, inama ya cilishapo, lelo iyaba no mweo mukati mulya. Ico e mweo.

416 Nomba moneni. Ku cicetekelo Abele amwene ubusokololo, icimonwa, nokuleta icamweo, cilesumya umulopa, pantu umweo wali mumulopa.

417 Umweo waba mu cimuti ce—ce luba. Kabili wena mweo wa fitwalo, uushaba na myumfwile. Ndi mwisubilo ukuti ico cileumfwika.

418 “Abele, ku cicetekelo,” ukwikalila ne Cebo. Ku cicetekelo, tekumano. “Ku cicetekelo amwene ukuti cali kukumana kwa mwaume nomwanakashi, umulopa.” Akabulungwa kamulopa kafuma kumwaume. Umwaume akwata akabulungwa kamulopa mulini. Ukukashika emulopa, wisa ukupitila mumwaume. Kabili Adam alishibe ukuti tacali amaapo, nama piichi, nefyumbu, nangu conse ico cali, ica bafumishe kunse yebala lya Edeni, icalengele ulubembu. Cali kukumana kwa mwaume no mwanakashi, umulopa, kabili atuulile umulopa. Ku cicetekelo acitile ico, tekumano.

419 Ni munshilanshi umuntu, ukupitila mumano, enga cumfwa, ilyo Baibele yonse ne Chalichi conse ulwa kwa Lesa lwakulwa pa busokololo bwa Bulesa, ku cicetekelo? “Pali ili libwe Ine nkakula i Chalichi Candi.” Mwamona?

420 Huh! “Oh,” bena batila, “cine cine, ifwe twalicetekele Ico.” Nomba ulikwi u Mweo wakwa Kristu muli iyi mimonekele? Uli kwi Umweo wakwa Kristu? Icabubili... Mulefwaya ukulemba yamo pali aya Malembo. Mwamona? Ulikwi u

Mweo? Ngacakuti...Bena batila, “Ukuba, twalicetekela. Twalicetekela. Twalicetekela.” Ngacakuti mwalicitefyo, nomba...

421 Yesu atile, “Ifi ifishibilo fika,” tekuti kuti fyaba, “fika konka abo abacetekela.” Yesu atile, “Ngacakuti umuntu acetekela muli Ine, imilimo intu Ine ncita, ena akaicita pamo. Uyo uwacetekela muli Ine, imilimo intu Ncita ena akacita pamo.”

422 Takaleangalafye. Akacicita. Kuti cacitika shani? Pantu, ulya wine u Mweo uwali muli Kristu, uuli muli iwe. Ena tekuti alete amano ayali yonse; tekuti cikule muli cena. Cifwile ukukana amano, kukusenda i—i cicetekelo. Icicetekelo mu Cebo, te mano mu Cebo. Icicetekelo mu Cebo!

423 Satana alikwata amano muli ico Cebo ukucila uuli onse, bonse bakashimikila ukubikwa pamo, bashimapapo ne fintu fyonse.

424 Alikwata amano ayengi, lelo tekuti akwate icicetekelo. Icicetekelo kuti calenga Cena ukuba no mweo. Icicetekelo kuti calenga ena ukulapila, kuti calenga ena ukufuma mukabungwe kakwe. Hum! Alikwata amano, eico ekalilafye nayo. Cisuma.

425 “Lelo Abele ku cicetekelo amwene ukuti cali kukumana kwa mwaume no mwanakashi, kabili atuulile umulopa, umweo wa mulopa, na Lesa acipokelele.”

426 Nomba, mu Wacibili Timoti 2, 3, casosa i...I Cebo cisa kuli bena nomba. Cena kuti caponena pa mushili ubi, ukupula. Mwamona? “Bena bakwata imimonekele ya bukapepa, lelo bakana amaka yabuko,” amaka ya Mupashi. Uwacibili Timoti 3, ngacakuti mulelemba. Cisuma. “Abakwata imimonekele yabukapepa.”

427 Ifishibilo fya Mupashi wa Mushilo ifya Mweo wa Muyayaya, bena bakana Ico. “Abantu tabafwile ukulandila mu ndimi. Iyo. Takwaba icintu ica musango ngo bundapishi bwa Bulesa, ulubatisho lwa Mupashi wa Mushilo. Ifyo fintu fyali fya batumwa.” Abakwata imibele!

428 Paulo atile, ukusesema cena. “Munshiku shakulekelesha, inshita shakulekelesha, ifi fintu fikacitika.” Te muli shilya nshiku. “Kabili u Mupashi usosa no kushikimika: munshiku shakulekelesha, inshiku ishikakonkapo, bamo bakafutukako ku Cicetekelo,” nafyonse ifi. Mwamona? Efyo cili, “Abakwata ilya imimonekele yabukapepa.”

429 Nomba, ni munshilanshi ifishibilo fya Mupashi wa Mushilo ifya Mweo wa Muyayaya fingakula muli lulya lukungu lwa bukapepa, umushaba amenshi ya Mupashi, nakalya? Mwamona? Tekuti fikule mumabala yakwangala aya cilonganino, namano, nomusamwe. Ni mu musangonshi ifishibilo ne fisungusho fyakwa Lesa wa mweo finga kula mu—mu mwanakashi uushakwata na mibele yacifyalilwa iya kuisunga nga namayo?

Ndefwaya uku mwipusha ico. Ni mu musangonshi Cena cinga kula mumwaume uuleiminina mu cintamba kabili, ku kalitikiti ka cakulya nangu ububile bwa cilonganino cimo, uushoka i Cishinka cakwa Lesa? Ni munshilanshi ifishibilo fya mupashi finga konkela ico? Teti ficite.

<sup>430</sup> Ni munshilanshi—ni munshilanshi Cena cinga kula muli kashimikila utwala ulukuta lwakwe kulya, ukubafuula, kucituntu camumana kulya? Kabili kuno ubushiku bwapitilepo, muncende imo Ine napitilemo mailo ubushiku, mu parishu imo, kabili bakwete ukushana mulya, ukutwalilila, ni munshilanshi ifisabo fya Mupashi fingangula muncende ya musango ngoyo? Nipalibwe lya bukapepa, ico cacine, kabili temumukonko wakupakaswa, ukusekwa nokupumishiwa.

<sup>431</sup> Uyu cananika alacucutika nganshi. Muleibukisha imbila yandi tapapitile nshita, imyaka inono yapitapo, pali Mista Lily. Ena alacucutika. Uko, Yesu atile, “Ifyo ena . . . ukucucutika, nangu ena tapikula, kabili nakuba Ine ndesosa kuli imwe: ukuti Solomoni, ubukata bwakwe bonse, tasamikwe nga umo uwamuli aba.” Ifintu lilya itunda likula, ukuilenga uwayemba, (kunshi?) ku kupelafye. Umupita-nshila, atinta umwela, anunsha umusashi. Ulushimu lupupukilafye mumutima wakwe nokusenda ubuci bwine ukufuma kuli ena. Abupeelafye ukwabula amalipilo. Ukucucutika, pa kucicita.

<sup>432</sup> Alleluya! Uyo emwaume winewine uwakwa Lesa, Kakumba Cananika, Shimapepo Mista Itunda, e, mukwai, uucucutika pa Cebo, ukukupama panshi nokulilila kuli Lesa, “Lesu, Ine nshilemona apo *ici* cikakumana *apa, kuno*. Cena cifwile ukwisa ukupitila mu Cebo.” Ilintu imwe mwacimona, na Lesa acipela kuli imwe, nombu kabiyeni abantungwa. Tekukwata umusonkano umo uukalamba, “Ngacakuti imwe mwandaya ba dolla amakana yakuti, Nkesa.” Lelo, apabula amalipilo, “Ngacakuti niku Timbuku nangu ukuli konse, Lesu, konse Imwe mulefwaya ine ukubyala u Lubuto, Ine nka Cipela apabula amalipilo.” Alleluya!

<sup>433</sup> Yesu atile, “Solomoni, mubukata bwakwe bonse, tafwikilwe nga lyena.” Atile, “Lolekesheni itunda.”

<sup>434</sup> Umuntu munono umubusu, afwile ukucula nge fintu fyonse, kukusanga cintu akwete, kabili ukusekwa no kumupumya. Elyo nabukapepa bukalamba bonse bwa mutamfische kunse, nokumwita amashina ayalekana lekana ayabipa. Lelo ena ekalafye neco Cebo, ukucucutika, akasuba nobushiku, aba mumukonko. Niinshi? Ena—ena aali muncende umo ena anwa ukufuma ku “tumilonga twa Menshi.” Ukucucutika, (kunshi?) kukucipeela. “Mwapokelele apafye, peleni apafye.” Ee, mukwai. Oh, owe!

Ni munshilanshi cena cinga kula muli lilya ibala lya lukungu pali lilya libwe lya bukapepa?

435 Abana bakwa Kaini bali mano, aba scienci. Lolekesheni abana bakwa Kaini lintu baima. Natubaloleshe miniti umo. Abana bakwa Kaini, bushe bena bali nibani? Ba kakuula, ba kapaanga, abantu abakalamba ba scienci. Bena bakwete amano. Mwamona? Bena—bena—bena bakulile nefikulwa, nokupaanga ifyela, nokufule fintu pamo. Bena bali inceshi sha scienci, abakampuka, abasambilila, kabili bakapepa.

436 Lelo nicinshi cintu cilya cisabo camano cafyele? Imfwa, kumutundu onse, lintu ubupingushi bwakwa Lesa bwaikile. Bushe ico cacine? Cinshi lyacitile i—cinshi lyacitile ibumba? Lyaletete imfwa. Nangula, mu mano yabo yonse nokucenjela, nicingshi cacitike? Bene balifwile. Onse muli bena alobele mu bupingushi bwakwa Lesa. Bushe ico cacine? Lesa asosele ifyo. Bena bali abacenjela, abasambilila nganshi, abamano, bakapepa, abasuma nganshi. Abacenjela, abasambilila, abashintilile pamano yabo, nokwipaya umutundu onse uwa bantu.

437 Icintu cimocine cintu bena balecita ililine, ama bomba yabo nefintu, ifyo ishi inceshi sha scienci ishacenjela nefintu bako—bakonaula umutundu onse. Fyena filepona ililine. Cena cili—cena cili. . . Imwe muleocafye amenso yenu, filemupela ipwa londa, ifintu fyonse. Bena bafilekelako ifingi pali ifyo, muli bema, tekuti bacisange nakabili. “Ilintu cena calekelwako, cili nokonaula isonde lyonse,” bena batila. “Abantu bakapya, mumibili yabo ine.”

438 Emulandu wine, Baibele yasosa, “Kabili ifyuni fya mulwelele fikalya pamibili yaba kapitao,” nefyashala; ukubola, ukufuma kufilepona, ifintu fyonse ifyashala.

439 Bena balecita ici, abene, amano yabo ayakucenjelehsha. Ico ecalengele imfwa ukwisa: amano yakucenjelesha. Icefyeni, cetekeleni i Cebo cakwa Lesa, nokuba nomweo. Sendeni amano yenu, nokufwa. Cisuma. Ubusomboshi, inshita yampela, bena baleloba.

440 Ukuba, abana bakwa Abele bali abaicefya, abalimi, abacemi; bakakumba, namwishiba. Abacemi, abalimi, abaicefya, tabaitungile ukuba abacenjela, lelo bena baikelefyene Cebo. Finshi fintu bena basombwele panshita ya kulekelesha? Kasesema. Cena cacitile. Kasesema, kunshi? Ifishibilo fyanshita yampela.

441 Ilintu Noa aiminine mulya mumwinshi, ukukuula pali bulya bwato, ena atile, “Ileisa, imfula.” Aitilwe uwafulungana, lelo aali kasesema. Ameni. Finshi acitile? Aletele ipusukilo kuli abo abalecetekela, nabo abalefwaya ukupusuka. Ifyo efyo abaicefya, umutundu wabashasambilila wafyele, abasumine mu cicetekelo. Bambi bacetekele mu kwishiba, bena bafyelemo imfwa, ku mutundu onse. Nifinshi bacitile—finshi bacitile abaicefya ne

cicetekelo? Bafyelemo ipusukilo, kasesema wakwa Shikulu, uwabapele icishibilo ukuti inshita yampela yalipalya.

442 Bushe muletontonkanya aba sambilila kuti bacicetekela? Kung'wintula imyona yabo nokufumako baya, ukutula, "Nikwisa uko imfula ilefuma? Ukupitila muli scienci shininkisheni ukwaba amenshi kumuulu kulya." Shilya inceshi sha scienci, ibumba lya bacenjela, ukweshwa, ukupitila muli scienci ukushininkisha ukuti takwaba Lesa. Esheni!

443 Lintu *cilye* cikope casendelwe, ico cabemishe napatupuna twabo apo baikele. Ena taishibe. Atile, "Kuli u Lubuuto lwa musango umo ulwasanike pekalashi." Icipe cabofye ica scienci, casendele icikope ca Ciko, kamela. Ngafintu George Lacy atile, atile, "Mukwai," atile, "uyu kamela tekuti akope amatontonkanyo. U Lubuuto lwasanike pe kalashi. Lwena epo lwali." Atile, "Ifyo Cena cili, Ine tekuti mwebe, lelo Cili palya." Atile, "Ine nalalemba ishina lyandi kuli cena." Ena alicitile ifyo fine. Kabili imwe mwali cikwata, mwebene. Ee, mukwai. Ico cali naba FBI. Mwamona?

444 Lesa wesu, muli buno bushiku, talesha ilibwe nangu limo ilyabula ukuseshiwa, lelo icintu Alelanga ili sonde cintu lishinga pokelela. Amano nokwishiba ukufulilako, ukupula mumwela kwati nibalunshi, kabili—kabili indeke, nokulwila pesamba lya menshi. Kabili nefintu fyamusango onse ifyabola, nokwikalila mulubembu, ukweshwa ukukula icintu cimo icika bacingilila.

445 Kulifye icintu cimo: ubulungami bwakwa Lesa nabwiminina pa Mwinshi wa Cibwato. Bushe Umwinshi niani? Kristu atile, "Nine Mwinshi kwicinka lya mpaanga." Nacisoma umutwe we lyashi lyandi. "Impaanga Shandi shikomfwa i Shiwi Lyandi. Umbiumbi tekuti shimukonke." Tamwakatale amupubanya imo muli ifyo filonganino kunse kulya. Akafumamo muli cena, icinecinefye nge sonde. "Nkabasenda ukufuma mu mukuni, kabili Nkabatungulula. Nkashitangilila." Ameni. "Shena shikeshiba ukuti Nine. Takuli nangu umo uwingenda nga Ine, takuli nelyo omo uwingacita ifintu Ine ncita," Ena kuti atila. Ameni.

446 "Rabbi, nomba ifwe twaishiba ukuti Imwe mwafuma kuli Lesa, pantu takuli umuntu uwingacita ifi fisungusho fintu Imwe mucita kano Lesa ali nankwe." Mwamona? Ico cacine. Nicodemu ukuyebelela kwakwe. Eifyo fine.

447 Ulya umutundu unono uwaicefya waletete kasesema. Ulya kasesema, munshiku shakulekelesha isha bana bakwa Abele, waletete kasesema uwalangile ifishibilo fyanshiku-shakulekelesha nokupela ukusoka.

448 Efyo cilifye nanomba, Ndetontonkanya ukutula. "Uukwete amatwi yakumfwa, naomfwe ifintu u Mupashi uulesosa kuli ifwe."

449 Eico, mwamona, u Lubuto Cebo ulwa Mweo teti lukule mumibele ya musango ulya iya mano. Cena tekutifye cicicite.

450 Mose na Yoshua bakwete icicetekelo mu Cebo. Abashala balefwaya ukushana no kufula abanakashi; Korah, (mulandunshi?) ukupitila mu mano yakwe aya ku Egypto. Mose talefwaya ayo.

451 Lolesheni kuli balya abena Kora ileelo, ukupanga inshila iya yanguka, ukushana, amatebeto yabushiku bonse; abanakashi: abaputulwo mushishi, indeleshi ishipe, ifili fyonse. “Tacilelenga ubupusano. Ico cilifye bwino.” Tacili bwino. I Cebo citila tacili bwino. Ico cacine. Icintu cimocine. Mwamona?

452 Cibe onse muli bena alibatishiwe, cila umo, Korah nabonse balibatishiwe, cilelenga ukuti kuli balya abamibele yabukapepa nakabili.

Mwatila, “Bushe bena balibatishiwe?”

453 Abena Korinti Wacimo 10:1 ukufika 2. Natupasomefye. Ifwe... Ninjishiba inshita yapwa, lelo icakulya tacalungule. Ici cakulya kuti cakokolako panono, nga cakutifye Shikulu aletwalilila ukutuliisha. Mwamona? Abena Korinti Wacimo 10. Nomba lolesheni apa. Abena Korinti Wacimo 10:1 ukufika 2, Ine ninkwata. Iyo, Ine nacisanga Uwacibili Abena Korinti. Uwakubalilapo Abena Korinti 10:1 ukufika 2.

*Nakuba, mwe ba bwananyina, Ine nshilefwaya—Ine nshilefwaya imwe ukukanaishiba, ukuti abesu... bonse ba shifwe bali mwisamba lye kumbi, kabili bonse bapitile muli bemba;*

*Kabili bonse babatishiwe kuli Mose mwi kumbi na muli bemba;*

454 Kora akwete ulubatisho lumo lwine luntu abashala muli bena bakwete. Lelo cinshi alefwaya ukucita? Lekenifye abanakashi baleshana, kabili banwine umwangashi unono nokukwata akashita akanono, ukubafuula nokucito bucende, nokukwata ifyo. Namwishiba Baibele yatila bena bacitilefyo. Basendele balya banakashi nokubafula ifyakufwala fyabo, nokubalenga ukushana, nefintu fyamusango ngoyo. Kabili Mose abafuliilwe. Muleibukisha iyo nshita? Cinshi? Bena bali na Dokota. Kora nabo, uwakwete amano. Ena atile, “Ine nalamubwesasha ku Egypti.” Uko eko bena bali nokuya, nabo.

455 Lelo, Munyina Mose, ilyo aikile, cali icapusana. Ena na Yoshua baikele nacilya Cebo. Lesa apele ubulayo; bena baikele nabo. Cisuma.

456 Bambi balefwaya ukushana nokusotole fyakufwala fyabo, kabili ukufuma, kumano yakwa Kora. Kabili bonse bali ababatishiwa, cila umo.

457 Israeli na Moabu. Oh, Inefye... imwe... alipitamo muli ico, limo. Ifwe tatwasende ico. Mfwile ukwanguka. Cisuma. Israeli

na Moabu, namwishiba fintu cali kulya. Cimo, icisumafye, cimo na mano, ifilonganino ifyalumbuka ifikalamba. Icibiye, icinono, ica nkuta shonse.

458 Elyo, ubushiku bumo; apo Nalafika lintu tatulaisala. Ubushiku bumo, ishi ntulo ishikalamba shibili, nangu amaka, shakumene ku kucimfyanya pa Cebo cakwa Lesa.

459 Nomba twalafika pa kusondwelela. Ifwe kuti twabwelelamo. Ine kuti nasenda ikumi nafibili. Ine kuti naiminina kuno pa mulungu umo, ukwabula nokukumya na pamulu waciko, ifyo Ninga shininkisha ico apopene, Ifintu ndelandapo. Lelo Ndesubila mulecumfwa. Mwamona?

460 Ubushiku bumo, caishileba kucimfyanya. Amano necicetekelo fyafikile pa kucimfyanya. Yesu na Satana balikumene. Ico cacine. Yesu na Satana balikumene. Ayamaka yabili ayakalamba, amano nokwishiba, fyafikile paku cimfyanya. Mwamona?

461 Nomba, bonse babili babomfeshe i Cebo. Nacilungama? Oh, munyina, ici naciwama, kuli ine. Mwamona? Mwicipusa, nomba. Oh! Tileni, “Lesa, isuleni umutima wandi.” [Ulukuta Iwatila, “Lesa, isuleni umutima wandi.”—Kale.]

462 Bonse babili babomfeshe i Cebo cakwa Lesa, Baibele imo ine. Lelo Cena tekuti cibombe munshila iisha pilibuka. Cinecine cena tekuti cicite. Cena cinecine tekuticicite. Bonse babili babomfeshe i Cebo cakwa Lesa. Lelo Satana a Cibomfeshe ukufuma mu kwishiba kwa mumutwe, mwamona, ukwishiba kwa mumutwe, na Co tacabombele.

463 Ninkwata Ilembo apa. Kuti mwasakamana Ine ukulibelenga? [Ulukuta Iwatila, “Iyo.”—Kale.] Natubule Abahebere, icipandwa calenga 4, bwangubwangu, miniti umofye. Ndefwaya ukubelenge ci. Cena camoneke bwino nganshi kuli ine, apapenefye, Abahebere 4. Kabili natubule Abahebere 4, no kutampa, 1 ukufika 2.

*Eico natu tine, apo, icilayo cicilipo kuli ifwe. . . ica kwingilila mu kutusha kwakwe, nga umo wa muli imwe atungwa ngo wapelebelako.*

*Pantu naifwe twabililwe imbila nsuma, ifyo fine nga balya: lelo icebo ico baumfwile ta cabafwile iyo, pa kubulwo kukumana ne (ukwishiba, amano?) cicetekelo muli abo. . . cilya cicetekelo muli abo aba (cinshi?) cu mfwile.*

464 Imwe kuti mwakwata i Cebo conse, imwe kuti mwaishiba cilya Cebo ukufuma kuli A ukufika ku Z, kabili Cena tekuti cibombe kuli imwe. Bushe mwalimona abaume ukubula cilya Cebo nokwasha uku Cilenga ukubomba, ukutila, “Munyina, ubukata kuli Lesa”? Cena tekutifye cibombe. Imwe tekuti mwangale ne Cebo. Iyo, iyo. Iyo, iyo. Nangu imwe mungalanda



shani, i Cebo cilapela ubunte Icine. Nangu imwe munga itunga shani, i Cebo cilapela ubunte. Ico cacine.

<sup>465</sup> Nomba, Satana alishibe Cebo. Ena ali Cishiba ukufuma kuli A ukufika ku Z. Ukuba, bushe namwishiba kuti? Nde elenganya, ngacakuti akwete digiri, ena kuti akwata ifyakwishibikilwako ifingi ukwisusha amabula yane nangu yasano aya mapepala, “Dr., Rev., Elder, Ph., L.L., Q.D.,” onse alufabeti mu nshila ili yonse. Digiri wakwe kuti aba mulya mu Baibele. Alishiba conse i Cebo ca Iko. Cinecine ena alishiba. Mwamona? Eico, Satana atile, “Nomba Nalishiba i Cebo.” Ninjishiba ukuti alishiibe i Cebo lintu aishile kuli Efa. Eico, ali Cikwete ukupitila mukwishiba kwamu mutwe, lelo Cena tacabombele.

<sup>466</sup> Yesu a Cishibe ku cicetekelo, mu busokololo bwa Cebo cakwa Lesa mu Mweo Wakwe Wine uwalashikilwe libela. Ubukata! Ndesubila ico cileingilafye mukati kamutima wenu. Yesu alishibe Untu Ena ali. Satana alesunguka. Alishibe ukuti ulya Aali uwalashikilwa libela icibumbwa cakwa Lesa, untu Lesa Umwine amonekele muli Ena. Tacali ni Ena alebomba imilimo. Cali ni Wishi uwaikele muli Ena. Amen.

<sup>467</sup> Leken i ciwa apupuke na masambililo ya bulesa ayakwe yonse. Yesu; Satana ali Cishibe. Aishibe i Cebo. Nomba, ena kuti aambula lilya i Lembo, mune, kwatifye ni Baibele yenda. Ena kuti a Cambulafye nga *filya*. [Munyina Branham mukwangufyanya alishe minwe imiku ingi—Kale.] Mwamona?

<sup>468</sup> Lelo Yesu aimininefye, pantu Ena alishibe apo Aiminine. Alishibe ukuti Ali uwalashikilwa libela, “ali Mwana wampaanga uwaipaiwe ilyo umufula we sonde taulati kubako.” Alishibe ukuti Aali ulya Muntu. Oh! Oh, munyina! “Uuli na matwi, naomfwe.” Alishibe ukuti Ali uwalashikilwa libela kuli ico, kabili ifyo efyo Aishibe i Cebo. Mwamona? Kabili Cena calibombele. Cinecine.

<sup>469</sup> Satana a Cishibe ku mano. Cena cafililwe. Ena a ambwile cimo cine Cebo cintu Yesu a ambwile, Baibele imoine. Ena a ambwile mu Malumbo. “Ena aka pela. . . Calilembwa,” Satana atile, “Akakonkomesha Bamalaika Bakwe ulwa Iwe, epali Waipununo lukasa Lobe kulibwe. Bena baka Kusendela pa minwe yabo.”

Atile, “Kabili calilembwa. . .” Oh! Mwamona?

Satana a Cishibe ukupitila mukwishiba.

<sup>470</sup> Yesu a Cishibe kukubamo. Ali Cishibe ku busokololo. Alishibe ukuti Ali Mwana wakwa Lesa uwali nokwisa mwisonde. Alishibe ukwiminina Kwakwe. Ena alishibe Afyelwe muli lino isonde kuli uyo mulimo. Kabili emulandu wine i Cebo cakwa Lesa calebombela muli Ena, pantu Alishibe fintu Ali. Ubukata! Bushe namucumfwa nomba? Alishibe fintu Aali.

471 Satana, kunuma yaciko, alishibe fintu aali. Kabili alishibe ukuti takwete umulimo, namano yakwe, pa Cebo, pantu i Cebo cali ni Lesa. Mwacumfwa?

472 Nomba, ngacakuti Yesu alishibe fintu Ena Aali... Aali cibumbwa calashikilwa libela ica nshita. Mwacetetela ico? Yesu, umubili, Aalishibe ukuti Aali Cebo icalashikilwa libela, Umuntu wakwa Lesa uwali nokwiminina muli bulya bushiku, ukuba Ilambo lya lubembu. Kabili Alishibe umulwani Wakwe. (Nga fintu Nashimikilepo, i Milungu ibili yabapitapo.) Alishibe umulwani Wakwe; kabili Alishibe Untu Ena aali. Eico, ayo maka yabili ayakalamba yakumene, ukwishiba ne cecetekelo. Yesu alishibe Untu Ena aali.

473 Satana alishibe Baibele bwinobwino nga fintu Yesu aishibe, lelo Cena tacabombele kuli Satana. Mwamona?

474 Nangu ukwate shani amano yakwishiba, cena tekuti cibombe. Nomba, nomba citwaleni kuli bamo aba muli utu tubungwe utakalamba. Tontonkanyenipo, pali miniti. Batila, "Ukuba, ifwe twalikhwata i Cebo." Lekeneni ncimone ukubomba. Imwe ba Katolika, mutila nimwe ba kubalilapo. Na tucimone. Nangeni imilimo yenu, ukwabula iyenu... Nangu, nangeni imilimo yenu, ukupitila, nangu, ukwabula icicetekelo cenu, Nalamulanga icandi, ku cicetekelo candi. Mwamona? Mwamona fintu i Cebo casosa.

475 Bushe kuti mwabyala ulubuto ukwabula lwena ukulanga fintu lwaba, ngacakuti lulekula? Bushe kuti mwabyala uluseke lwe taba ukwabula ukupanga itaba, nga cakuti lwakula? Bushe kuti mwabyala icumbu ukwabula ukutwala icumbu? Bushe kuti mwabyala iluba ukwabula lyena ukuba umusango wa ilyo iluba? Mwamona?

476 Nomba, ngacakuti imwe mwalibyalwa, no Lubuto lwa kwa Lesa mumutima wenu, Nomba lufwile ukutwala Ici. Yesu atile, "Akacita imilimo Yandi, ngacakuti acetekela muli Ine." Ngacakuti atila ali Cicetekela, kabili ta mukonka, ena wabufi. "Uyo uwacetekela muli Ine, imilimo intu Ncita nao akacita; nokucila napali iyi, pantu Naya kuli Taata Wandii." Mulandunshi, Cintu cakosa! Nga tashiponene apatelemuka nokushelela, ukuya palibwe limo kuncende imo! Shaonenafye mu mukonko pakuti umwela teti u Lulule, nefyuni tekuti fi Lusende, Lukakula.

477 Ci Fiseni mumutima wenu. Davidi atile, "Ifunde lyenu Nalilifisa mumutima wandii," eico takuli icilonganino icinga Cifumyamo, ifyuni tekuti fi Cikompe. "Ine nali Cifisa umu. Ndatontonkanyapo pali Cena, akasuba nobushiku. Fyena fyalembwa pa mikonso ya busanshi na konse. Nali Fikwata, na Fikakilila ku minwe yandi. Fyena fyaba mu . . ."

478 Kabili Yesu atile, “Ishina lyobe lyaba mu cisansa ca kuboko Kwandi.” Eico, ni munshilanshi, nimunshilanshi cena cingalabwa? Teti cibe. Nomba, cisuma.

479 Nomba, ngacakuti Yesu acimfishe Satana pa cicetekelo, ukwishiba Uyo Untu ali, Aali ici Bumbwa icalashikilwa libela. Bushe na muiteyanya? [Ulukuta lwatila, “Ameni.”—Kale.] Nga pa walashikilwa libela Nabwinga wakwa Yesu Kristu nomba? Bushe mwalicetekela Nabwinga alilingila kabela? Uwalashikilwa libela Nabwinga wakwa Kristu nomba, i Chalichi, u Lubuto Cebo, na fyonse fintu Lesa alaile ukubika mu Chalichi, muli Cena ili line. Cili muli Cena ililine. Ifintu fyonse fili mumutande. U Mupashi wa Mushilo walipelwa. U Lubuto lwalibyalwa. U Lubuuto lwa mucungulo lulebeka. Icishibilo ca Sodomu, cintu Yesu alaile, cili pano, kabili Malaki 4. Ulwalashikilwa libela Chalichi!

Oh, ciwa!

480 Chalichi cakwa Lesa wa mweo, kuno napatapu, naimwe, bushe namwishiba pantu mwiminine? Bushe namwishiba ukuti mwaitwa na Lesa, ukuti u Mupashi wa Mushilo ulatungulula mumutima wenu, kabili i Cebo conse icakwa Lesa cituntulu kuli imwe? Oh, munyina! Bushe Satana kuti apinkana shani neco? Ena kuti alesha shani cilya ukukana kula? Kuti alesha shani ifishibilo ukukana Cikonka? Cinshi, imwe kuti mwabaposa mucifungo. Bena, ngakuti mwacita, Nshilesakamana fintu imwe mwingacita, bena balyeseshe ico. Babolele mu fifungo. Balishiwe ku nkalamo. Ba putwilwe pakati. Basusawilwe mutupimfya. Tekuti mu Cipaye, cacine, i Chalichi icalashikilwa libela. “Balya abo Ebo aishibile libela,” nga fintu Acitile Yesu, “Ena alita. Abo abo Ena aita, Alilungamika. Kabili abo ebo Alungamika, Alibakatamika kale, ukulashikilwa libela.”

481 Kabili nomba, munshiku shakulekelesha, nolubuto lonse nalubyalwa; ifintu fyonse fili mu mutande, isonde lili mu mutande waliko, inshita naikumana bwino, Chalichi mu mutande wa Ciko, u Lubuto, u Lubuuto lwa cungulo, ifishibilo ngafintu Ena asosele, “Nga fintu cali mu nshiku sha Sodomu.” Uyu Malaika wakwa Lesa, u Mupashi wa Mushilo, ukwika, ukwenda, ukucite fishibilo fintu Acitile ilyo. Malaki 4 alaile ukuti Akatuma, munshiku shakulekelesha, ifintu Alaile. Kabili ifwe tulemona fyonse ifyo pano pene. Kwiswa? Kwiswa?

Ameni! Ameni! Ameni! Ameni! Ameni!

*Bushe mwali Mutemwa? Ameni!*

482 Cine cine, muno mwine munshiku shakulekelesha, i Chalichi, icalashikilwa libela ukwishiba apo bena beminine, ababyalwa no Lubuto, u Mupashi wa Mushilo mu Chalichi. Satana, cenjela.

483 Cinshi cacitike? Minitifye nomba. Cinshi cacitike, nafyonse ifyalailwe kuli Cena, nangufye ubulayo bwa kwa Malaki 4?

484 Cinshi—cinshi Satana acitile lintu akumenye Yesu? Apupukile muli Ena, namaka yonse aya bukapepa yantu akwete. “Ninjishiba i Cebo, naco,” capupukile muli Ena. Lulya lukungu lwa filonganino ulo ena akwete! Ifwe twa Ciposele kunse kuli ena; lelo takwete nangu lumo u Lubuuto. Bushe alibalile apupuka ukuya! Afuminepo bwangu ukucila ilyo apupukilepo. Mulandunshi? Akumishe kuli lulya Ulusale lwama volti ba bilioni—umwanda umo kulya. Abwesesho amapindo yakwe. Afumineko kuli Ena. Afuminemo muli Ena, pantu lulya Lusale lwakwete umulilo wama volti muli Lwena.

485 Ibukisheni, Satana ali no lusale, nao. Lelo, nangula ulusale lwa mukuba lwingawama shani, talukwete mweo muli lwena, luntu lwafwa. Tekuti lubombe. Ulusale lumolwine.

486 Lumo nalukwata amaka ukufuma kuli Dainamo, lulya lumbi talukuminkeneko, nakalya. Ico cacine. Emulandu wine Cena kuti cabomba mucipe ica lashikilwa libela. Emulandu wine i Cebo cikabomba uko Cena cisuntinkene. Ukusuntinkana kwi, necilonganino? Iyo, mukwai. Iyo nisoketi yafwa, “Ababa ne mimonekele ya bukapepa, ukukana amaka yabuko.” Lelo abasuntinkana ne Cebo, icishakatale acipita, kabili ici ngafumya amaka yamo yene yantu Akwete. Apo epo cifikile. Ubukata!

Ameni! Ameni!

Bushe mwali Mutemwa? [Ulukuta lwatila, “Ameni.”—Kale.] Bushe muka Mu bombela? [“Ameni.”] Ameni. Cinecine.

487 Tekukobwa mu kabungwe kamo, lelo kukobwa mukati mu—mu—mu—muli Dainamo umu. Munyina, Ndekweba, Cena cibomba mulya, pantu Calikobwa, i Cebo cimo cine.

488 Moabu alikobelwe, nao; Israeli ali, nao. Moabu takwete nangu cimo kano umwiina wa masambilisho yafwa na kasesema wabufi.

489 Lelo Israeli ali nelibwe ilya umwa, insoka ya mukuba, i Mpinda ya Mulilo, aleluya, ifishibilo fyakwa Lesa wa mweo. Ameni. Ico nifyofinefyo. Cena calibombe. Mulandunshi? Cali pacicetekelo. Ee, mukwai. Te pakwishiba, isambilisho lya muntu umo; lelo pacicetekelo mu Cebo, i Cebo Icine. Umweo wisa ukufuma mu Cebo. “I Cebo Candi Mweo.” Ulya mulilo wisa ukupitila mu Cebo.

490 Satana afuminepo palya, mu kwangufyanya. Ulukungu lwakwe ulwa masambililo yabulesa tayaendele bwino bwino palya pene. Ulusale lwa kwa Satana talwakwete mulilo wa malaaiti muli lwena. Cali masambilisho yafwa. Tekuti cicite. Tekuti cicite umulilo.

491 Nomba, mwamona, lumo lwine ulusale. Yesu abomfeshe i Cebo cakwa Taata; Satana abomfeshe i Cebo cakwa Taata. Satana ali ni Satana. Yesu ali ni Lesa, ubo ebupusano, cilya e Cine. Cimo lisambilisho, kabili icibiye cimbi e Cebo. Cimo e

Cishinka, kabili cimbi cabufi. Cimo cikatwala ici; icibiye tekuti citwale ici. Bushe mwacumfwa? Insale sha musango umowine, nomba, ico cilifye icalungama, insale shimo shine. Abahebere 2, ifwe tukwetefye nangu, Abahebere 4:2, ifwe twacisanga. Mwamona? Kwati, benafilonganino, ngafintu ifilonganino fingatila, kumano. Mwamona? Ifilonganino, kumano, fisosefi: “Inshiku sha mulilo wa malaiti shalipita.”

*Bushe mwali Mutemwa? Ameni!*  
*Bushe muka Mubombela? Ameni!*  
*Bushe mwali Mucetekela? Ameni!*  
 Ameni! Ameni!

Ine nali Mucetekela. Ee, mukwai. *Ameni* cipilibula “cibe ifyo fine.”

<sup>492</sup> Shikulu, ipapo lyandi, muno lucelo lyakuti, mubule onse uwacetekela muno nokumutintila mu mulilo wa malaiti. Oh! Bikeni u Mweo muli ena, lekeni aleluluma nokusanika ubukata bwakwa Lesa. Ee, mukwai. Asheni umulilo wa malaiti.

<sup>493</sup> Bushe mwalishiba fintu Ine nacetekela? U Lubuto nalubyalwa (Bushe mulecetekela ico?) ku Chalichi cilya icikalamba. Ngafintufye insale shabikwa mu cikulwa, cila soketi yalipimwa ku Cebo, oh, owe,ponse pa ntulo palipimwa ku Cebo. “Mwi citontonkanya ukuba iceni ilyo icakosa ica kumweshwa caisa. Cena cakumweshwa.”

<sup>494</sup> Kuli ukukumyana kwa nsale apo, umulilo walaya panshi, calapusha swici onse. Lesa talefifwaya mu Chalichi Cakwe. Mwena tamwakabe swici nangu umu uwakupuka nangu ni fyushi ukupuka muli ishi nshiku shakulekelesha. Iyo, mukwai.

<sup>495</sup> Abwela nokulocelela bwino mulya. Ee, mukwai. Cisuma. Cila nyali naikobekwa mucifulo caiko. Icintufye cimo, kulolela Shikulu kunuma kulya ukwasha swici. Ico nacilungama. Ee, mukwai. Mu Cebo! Cine cine. Kuti caba ninombaline, munyina. Ngacakuti imwe mulefwaya ubundapishi, ikatenifye swici. Efyofye imwe mufwile ukucita, nga cakuti namukwata ulusale lwinelwine. Ngacakuti umushili wenu. . . “Nga cakuti intambo yenu naibikwa bwino nomushili, ne filundwa, nafyo, fyaliluba muli Yesu, ukumweba ifyakucita.” Ameni. Ico cacine.

<sup>496</sup> Nomba, amano ya benafilonganino yatila, “Inshiku sha fisungusho shalipita.” Tamuli mulilo munsale.

<sup>497</sup> Lelo icicetekelo calishiba ukucilapo. Balacumfwa. Bala cimona ukubomba. Balishiba ukuti calaaka. Balishiba fintu cicita. Icicetekelo emulilo, umulilo, Mupashi.

Kabili amano mibele ya filonganino.

<sup>498</sup> Satana aeseshe ukutunka Yesu, ukufuma kucicetekelo mu Cebo cakwa Taata. Ifi efintu ena acitile. Ena eseshe uku Mulanga utwakwe utwacindama, utubungwe tukalamba utwa

bushimapepo utwesonde. Lelo afililwe uku Mutunka. “Isa kuno nokuilunda kulwandi. Ine nkakulenga ukuba cilolo pali bonse.”

<sup>499</sup> “Calilembwa . . .” efyatile Yesu. Ee, mukwai. Satana afililwe uku Mutunka. Iyo, mukwai. Ena alipita palico. Lelo, Yesu ali i Cebo. Icicetekelo Cakwe mukwishiba kwakwe Umwine, ukuti Ena ali i Cebo.

<sup>500</sup> Kwatifye ni Mose. Mulandunshi, Mose alishibe untu ena aali. Mose alishibe ukuti aali umubomfi wakwa Lesa, alishibe ukuti aitolwe na Lesa. Alishibe fintu ali nokucita. Emulandu wine takwatile umwensho pafyo Satana asosele. Satana aesehe ukumutunka, ukumutinya ukufuma kuli ico. Lelo, iyo. Mose alishibe apo aiminine. Ico cacine.

Nomba Mfwile ukwendesha. Nde cilukapo, ibula nebula, apa.

<sup>501</sup> Paulo. Icintu cimo cintu Ndefwaya ukusenda apa, lintu tatulaisala. Paulo acilengele ukumfwika ku ciputulwa cakwe ica kwa Nabwinga untu akapela. Paulo akapela iciputulwa cakwa Nabwinga. Bushe mulecetelela ico? Paulo acilengele ukumfwika kuciputulwa cakwe icakwa Nabwinga cintu akapela kuli Yesu Kristu munshiku sha kulekelesha, palwa mano nangu icicetekelo.

<sup>502</sup> Natusomefye panono. Ndefwaya imwe mukupukule kuli Korinti Wacimo, chapitala 4. Abena Korinti Wacimo, chapitala 4, tusomefye. Kabili twalaisalafye mu—munshita inono, Shikulu nga atemwa. Abena Korinti Wacimo, icipandwa chapitala 4, kabili Ndefwaya ukusoma versi 18 ukufika 20. Cisuma. Apa epo.

*Awe bamo naba tumikwa, kwati—kwati Nshakese kuli imwe.*

*Lelo Nkesa kuli imwe bwangu, nga Shikulu atemwa, elyo nkeshiba, te nsoso sha bamo mu baitumika, lelo maka.*

<sup>503</sup> Namwishiba, calesenda . . . Nomba, cilya chalichi yaci Roma ulwatampile ukwima, mulya mwine, lwatampile ukwima. Mwamona? Ena alishibe. . . Namwishiba, Baibele yatila, “Bafumine muli ifwe, pantu tabali bamuli ifwe,” mwamona. Ico cacine.

*Pantu ubufumu bwakwa Lesa tebwakulandapofye, lelo nimu maka.*

<sup>504</sup> Mwamona, “Te mu Cebo.” Ukutilafye, “Ukuba, Ine, Nalisambilila, munyina. Nalikwata amasambililo ukucila ayo mukatala amwakwata. Ine ndi—Ine ndi shimapepo. Ine ndi . . .” Ico tacikwete nelyo cimo icakucita na Cena. Tacilepilubula iwe ukucila pa “nkumba,” nangu icintu icili conse; mwamona, mwamona, tacikwete nelyo cimo icakucita na Cena. Mwamona? Uyu ciwa akwete ukwishiba nganshi, nao. Mwamona? Cisuma. Mwamona?

*Pantu ubufumu bwakwa Lesa tabwaba . . . munsonso, lelo . . . maka. Mwamona?*

*Kuti mwati shani nomba? bushe Nkese kuli imwe ne nkonto, atemwa nkese no kutemwa, atemwa mu . . . no mutima uwafuka?*

<sup>505</sup> Nomba, i chapitala 2. Ndefwaya ukupwisha ici, minitifye, nomba, lintu tatulaisala. Chapitala 2; kupukuleni ibula. Natwambile apa pene pa numbala 1. Nomba moneni icintu, Paulo, icintu aleeba Nabwinga nomba. Aali nokupela iciciputulwa cakwa Nabwinga kuli Kristu, kabili alefwaya bena ukwishiba. Nomba, ibukisheni, Paulo kuti ali nomusango uwabucenjeshi. Aali uwacenjela, alikwete, lelo ena “alicyilabile,” atile. Akwete yonse amadigiri ayalekanalekana na masambillilo, lelo aliyalabile, nomba, moneni, kukusambilila Kristu.

*Na Ine, bamunyanane, ilyo Na ishile kuli imwe, naishile, ukwisa inshaishile no kupulama kwa kulanda . . . nangu amano. Mwamona? Nshaishile na mano, ukubila ubunte bwakwa Lesa kuli imwe.*

<sup>506</sup> “Ine ndi Dokota. Wakuti-na-wakuti, kabili Nalikwata fyonse. Ine ndi . . . Ifwe twali funda muma seminali, yakuti-na-yakuti”? Iyo, iyo. Paulo atile, “Ine nshaishile kuli imwe ngefyo, namano.” Nomba, kabili cinshi . . .

Bushe umutwe we lyashi lyandi cinshi? *Amano Ukucimfyanya Ne Cicetekelo. Mwamona?*

<sup>507</sup> “Ine nshaishile kuli imwe mumano,” Paulo atile, “ukupela imwe ubunte bwakwa Lesa kumano, ukutula, ‘Nomba lolesheni kuno. Ine nalamweba. Ifwe twalisambilila museminali ukuti inshiku shafisungusho shalipita. Ifwe tusambilila museminali ukuti ifi fintu cinecine tafya pilibwile Ici.” Atile, “Nshaishile ngefyo, mwebabwananyina.” Nomba finshi fintu ena asosele?

*Pantu Napangile ukukanaishiba akantu muli imwe, kano Yesu . . . na ena untu atanikwe.*

*Kabili (ngacakuti) Ine nimukunaka, na mumwenso, na mu kututuma, na mu kupakaswa ukwingi Nali pamo na imwe.*

*Kabili icebo candi ne mbila yandi tayali mu fyebo fya kulembeleka ifya mano ya muntu, . . .*

<sup>508</sup> Huh? Ngafintu Booth Clibborn atile, “Kuno?” Ninani akonkonsha nomba?

*Nshishile kuli imwe na mano yamo aya mu seminali, lelo ni mu kushimika kwa Mupashi namu maka:*

*Ukuti (i-c-i-c-e-t-e-k-e-l-o) icicetekelo cenu ciba mu mano ya buntunse, kano mu maka yakwa Lesa.*

<sup>509</sup> [Munyina Branham alisha umunsoli—Kale.] Ameni. Bushe mwa cicetekela?

*Ukuti icicetekelo cenu ciba mu mano ya tubungwe tumo, lelo mu maka yakwa Lesa.*

510 Icacetekelo mumaka yakwa Lesa! Isubilo lyenu talyaba. . .

511 Ishi intulo shibili shilwa ukufuma ku Edeni; icicetekelo cakwa Lesa ukulwa namano yakwa Satana. Lesa alishininkisha, mu nkulo shonse, ukuti Cena tekuti citobenkanishiwe. Cifwile ukuba icapatulwa, ukuti cikule.

512 Nomba, mukwangufyanya, lekeni mpitepo fye—ishwi fye nangu yabili, pali cila cimo, ukubulapofye ifintu finono fintu Ine nembele apa.

513 Esau na Yakobo bali icipasho icapwilika: bonse babili, bakapepa; bonse babili, bampundu.

514 Esau ali wamibele yabukapepa. Ena ali muntu uwacenjela. Ali—ali nemibele isuma nefintu fyamusango ngoyo, lelo takwete namulimo kuli shilya nsambu shabubeli.

515 Yakobo tasakamene nafintu ali nokucita, cikulufye apoka insambu shabubeli. Kabili lyonse ilyo bali pamo, tabali nokutwasha. Bushe ico cacine? Umo alelwisha umubiye.

516 Bushe imwe namucumfwa? Ameni. “Fumenimo muli cena. Beni aabaipatula,” efya sosa Lesa. “Kabili mwiikata kufintu fyabo ifyakowela. Nkamupokelela.” Mwamona?

517 Yakobo ali nokuipatula umwine ukufuma kuli munyina waku cilonganino intanshi Lesa talati amupale. Lesa aebele Abrahamu icintu cimo cine.

Israeli; na Moabu.

518 Ba kasesema imyanda ine aba mu Israeli baiminine kucinso cakwa Mikaya. Kabili Mikaya aipatwile umwine ukufuma kuli bena, kabili apokelele i Cebo cakwa Shikulu, nokubweluluka na Cena.

519 Mose, na Kora, icintu cimo cine, tabali pamo. Bali nokupatukana. Bushe ico cacine?

520 Abrahamu; na Loti. Loti ali umuntu kapepa, icipasho cacikulufye cilonganino. Lelo lyonsefye ilyo Loti ali na Abrahamu, aendele imyaka na ena. Lelo Ena ta. . . Lesa tamupalile mpaka ilyo anakiile umupwilapo kuli Ena nokuipatula ukufuma kuli Loti, ichalichi ca filonganino. Elyo, ilyo linefye Abrahamu aipatwile nokufumamo, ukwenda eka, Lesa atile, “Nomba, Abrahamu, iminina. Lolesha kukabanga, kumasamba, ku kapinda kakukuso, kukapinda kakukulyo.” Atile, “Fyonse fyobe.” Lelo Ena tacicitile ico mpaka ena ilyo aipatwile umupwilapo. Ico cacinefye.

521 Lesa tapalile Seti mpaka ilyo Amupatwile ukufuma kuli Kaini. Ashilile ululembo pali Kaini nokumutuma kucalo ca Nodi. Kabili Kaini, na mano yakwe aya bucenjeshi, bali babu scienci nefintu fyonse, bena batwele icisabo ca ico. Kabili Seti,



pesamba lya bulungami bwakwe, necitemwiko necicetekelo mu Cebo cakwa Lesa, atwele icisabo icaletele kasesema uwasokele inshiku shakulekelesha, ico cacine, capuswishe uwacetekela onse. Kabili amano yaonawile bonse muli bena. Bena, bonse, bafwile. Cila umo, takuli mulandu nobwingi bwa ba digiri no kusambilila kwa matontonkanyo kuntu bena bakwete, ifintu fyonse ifyashala, bena balobele mu bupingushi bwakwa Lesa.

<sup>522</sup> Kabili icintu conse icili kunse ya cishinka, icafyalwa cipyacipywa ku Mupashi wakwa Lesa, icacetekela i Cebo conse ica Ico nokwiminina pali Cena, cikaloba mubupingushi bwakwa Lesa. Mulemona utu utupombana ukwenda mu musebo, na fyonse ifi filetwalila, nokutwalilila ngefyo, ibukisheni, tecintu cimbi mwisonde kano ifisoso ifya kubupingushi. Fyena fikabola. Fili nokubefyo. Fifwile ukuba. Mwebanakashi, shibukeni.

<sup>523</sup> Ninkwata akabunte akanono, lelo Nshikwete inshita yakukalanda, aka pali namayo umunono kuno tapapitile inshita, mu California. Ine nali mulimotoka ukukonka umusebo, ukulolela ukwitwa mwitenti. Ukubutuka mulya, umonono. . .Ca—casoni. Takuli nakutwishika, umukashana umusuma umunono. Kabili ena aleya mulya, ale ipota, nakasote akanono akabakacema wa ngo'mbe nafwala, amabutishi ne fisoko filepela, aleipota pakwenda mumusebo. Cila mwaume alemulishisha umunsoli, nokwimya ukuboko, bonse ngafilya fine.

<sup>524</sup> Natontonkenye ukuti, “Mfwilefye ukuleka, nga cakuti Nshali kashimikila. Meda eko aali, Ine kuti. Natile, ‘Lolesha, nkashi, Ndefwaya ukukwebako icintu cimo. Iwe kuti waba umusuma. Iwe kuti washininkisha ico. Mwamona? Iwe kuti walenga bamotoka ukulakaka amabuleki, nokula petukila kuno, nabalumendo ukulisha iminsoli kwati mimbulu, ifintu fyonse. Lelo bumo muli ishi nshiku, ako kamubili akanono, ifishishi nemititi fikakulikilamo nokukalya. Kabili limbi ni mumilungu mutanda ukutula nomba ukaba ifyo, uwabola, ukulala mulya mucilindi. Lelo uyo mweo uuli muli iwe, uulelya pali ulo lunkumbwa, ukekala mumulilo wakwa ciwa ku—ku nkulo ishili nokwisa.”

<sup>525</sup> Mose; na Kora. Loti; Abrahamu. Yoane Kabatisha; na basangushi. Yesu; namachalichi sha filonganano fyanshiku Shakwe. Mwamona? Icacetekelo; amano.

Ukuba, balya bashimapepo kuti baiminina, nokutula, “Ifwe. . .”

Ena atile, “Ee.”

“Ifwe twalikwata *ici*. Oh, shifwe, ifwe twacitile *cakuti-na-cakuti*.”

<sup>526</sup> Atile, “Ee. Imwe, nentambi shenu, mwalenga amafunde yakwa Lesa ayafye, ukufunda kwi Sambililo amafunde yabantu.”

527 Batile, “Ukuba, niwe Ani, ukutufunda? Lisukulu nshi Wafumineko?”

528 Atile, “Imilimo intu Ine ncita, ipela ubunte pali Ine. Ngacakuti Ine nshilecita imilimo yakwa Messiya, ninshi mwi Ncetekela. Kabili ngacakuti Ine ndecita imilimo yakwa Messiya, ninshi mwaishiba, cetekeleni imilimo.” Atile, “Yena ipela ubunte pali Ine. Ngacakuti Ine nshilecita milimo, lyena mwi cicetekela.”

529 Ena aali nafyo filya filonganino, nao, kunuma kulya, namano yafiko. Yesu akwete icicetekelo. Icacetekelo munshi? Ifyo Ena aali: u Mwana wakwa Lesa. Mwamona? Cisuma.

530 Uwashila Martin; ne chalichi ca ci Roma, munshiku shakulenga cipyacipywa. Lelo Ndepilibula ilintu, bena, lintu tabalaingila muli Roma wa cisenshi, ilintu cena catampile ukuba icalichi ca ci Roma. Martin aiminine kunse kulya nokukanya lilye sambilisho lya cilya chalichi ca Katolika; acitile ifishibilo, nefipapwa, nefisungusho. Kabili—kabili amachalichi yakwe, yonse yena, yalandile mundimi, kabili aseseme, nefintu ifikalamba. Kabili namaka yakwa Lesa yali nankwe. Ena aimishe abafwa nokundapa abalwele, nafyonse ifyashala. Kabili kwali cilya chalichi ca Katolika kulya, ukukanya nga filya, nokweshwa ukumocha, nefintu fyonse ifyashala. Cali nicinshi? Amano; icicetekelo. Cimocine nomba.

531 Natumfwe ukupwililisha kwa conse. Sekaria 4:6 epo Nalaisalila, apa pene. Baibele yatila, “Tekumaka, tekubulamba, lelo niku Mupashi Wandi, efyasosa Shikulu. Tekumano, tekukwishiba, tekukusontwa, lelo no Mupashi Wandi Ndino (cinshi?) kupela amaka ku Cebo Candi.” Abasambi bali na Cena icabyelwe muli bena, elyo u Mupashi waishile nokupela amaka ku Cebo. Mwamona? “Te ku maka, te ku bulamba, te ku mano, te ku kumfwa, te kuli *ici*, nangu kuli *cilya*, lelo ku Mupashi Wandi Ine ndino kupela amaka ku Cebo Candi. Ku Mupashi Wandi, efyasosa Shikulu.” Cena e Menshi ya Cebo cacicetekelo icipela amaka ku Cebo cakwa Lesa noku Cilenga ukubomba.

532 Cintunshi cikacimfya? Cilemoneka kwati, ililine, nakuba, yalya mano yali nokubomba. Lelo, tacakacite. Tacakacite.

533 Cilemoneka kwati, ililine, ukuti Ulukuta lunono ulwa cetekela i Cebo conse icakwa Lesa luli—luli icinecine mwibumba ilinono. Lelo mwisakamana. Baibele yatila, “Mwitina, mwe Mukuni unono. Bufwayo bwa kwa Shinwe uku mupela u Bufumu.” Uh-huh. Ico cacine. Mwamona? Kabili mwitina. Ikalilenifye mu cicetekelo. Ikalenifye ne Cebo. Mwishe Cebo. Ikaleni ne Cebo.

*Bushe mwali Mutemwa? Amen!*

*Bushe muli noku Mubombela? Amen!*

*Bushe muli noku Mucetekela? Amen!*

Amen! Amen!

Natulwimbe.

*Bushe mwali Mutemwa?* [Ulukuta lwaimba,  
“Ameni.”—Kale.]

*Bushe muli noku Mubombela?* Ameni!

*Bushe mwali Mucetekela?* Ameni!

Ameni! Ameni!

*Bushe mwali Mutemwa?* Ameni!

*Bushe muka Mubombela?* Ameni!

*Bushe muli noku Mucetekela?* Ameni!

Ameni! Ameni!

534 Oh, Ine nali Mutemwa! Teifyo fine? Bushe cinshi? Kucicetekelo, tekumano! “Ku cicetekelo eko twapusukile.” Bushe cacine ico? “Tekumano, tekukwishiba; niku Mupashi Wandu, efyasosa Shikulu.”

535 Nomba lekeni Bena ba tumpikwe muli ico Chalichi. Lulya lusale lwa mukuba, ulupisha umulilo. Nomba, ulusale lwa aluminiamu talupisha mulilo. Mwamona? Lwena telo. Iyo. Itumbo lya mupila talipisha mulilo; lyena likanya umulilo ukupita. Icimuti tacipisha mulilo wa malaiti. Ifwe tatulefwaya ifishipisha mulilo wa malaiti. Ifwe fingi tuli nafyo nomba, nefilepatukanya. Eico ifwe—ifwe tulefwaya... Ifwe tulefwaya abapisho mulilo, abafyalwa cipyacipyaba abame na banakashi abacetekela i Cebo cakwa Lesa.

536 Nomba, cinshi cintu Dainamo alose? “Ipusheni Taata icili conse mwi Shina Lyandi, Ine nkacicita.” Na imwe cinshi mucita? Ku sontekamo.

Ameni!

537 Cacineco? Sontekenimofye, efyofye mufwile ukucita, nomulilo watampa ukupita ukukonke ntambo.

538 Cinshi cacitika? I Cebo catampa ukukula. “Kabili akaba nga icimuti icaabyalwa pambali yatumilonga twamenshi; amabula yaciko tayalokota; conse ico ena acita cikalunduluka. Ababifi tababefyo.”

539 “Ababifi tababefyo.” Nomba, mwitila, “umubembu,” nomba. “Umubifi,” mwamona, eulya uuitunga ukuba, lelo aba umubifi na Cena, mwamona. Ico cacine. “Ababifi tababefyo. Bena tekuti beminine mubupingushi nabalungami.” Iyo, mukwai. Bena icinecine tekuti bacite ico.

540 Eico, inshita naifika. U Lubuto na lubyalwa, nangu cibe, abo aba lingililwa libela. “Ukulingililwa libela” enshilafye yeka kulya. Ine kuti nasenda Ukusokolola 12, ili line, na 13, nokushininkisha kuli imwe ukuti, ni abofye. Baibele yasosa, ukuti, “Uyu mukana kristu uwaleisa pesonde ali nokubembeleka bonse,” (bo, na nse), “bonse abali panwe sonde, kuli ifi filonganino na masambilisho. Ena akabeleleka bonse aba pano isonde, cila umo muli bena, kano abo abalingililwe libela lintu umufula wesonde taulati ubeko.” Eico, munyina, tekuti ucite

nelyo cimo palwa ici. Ku pundafye, “Ameni.” Oh, owe! Ine nalitemwa ico. Ee, mukwai.

*Bushe mwali Mutemwa? Ameni!*  
*Bushe muli noku Mubombela? Ameni!*  
*Bushe mwali Mu cetekela? Ameni!*  
 Ameni! Ameni!

<sup>541</sup> Ndefwaya mupitulukemo panono kuno lubali, imwe bonse. Nalitemwa ulo lwimbo, nga imwe? Ulo elwali ulwimbo lwesu ulwa musonkano, ku Phoenix. Oh! Nalilutemwa. Nalilutemwa. Natulwimbe nakabili.

*Bushe mwali Mutemwa? Ameni!*  
*Bushe muli noku Mubombela? Ameni!*  
*Bushe muli noku Mucetekela? Ameni!*  
 Ameni! Ameni!

<sup>542</sup> Ukuba, imwe kuti mwatwalililafye, namwishiba. “Bushe mwala Mushinshimuna?” Nabonse balya ukutwalililafye, kabili nakabili. Owe! Ifwe twalutampile kulya mu Phoenix; ifwe twapene ukutobaule ncende mu fipimfya. Ee, mukwai. “Ameni! Ameni! Ameni!”

*Bushe nau somekwamo muno lucelo? Ameni!*  
*Asha swici. Ameni!*  
*Wakwata umulilo. Ameni!*  
 Ameni! Ameni!  
*Nomba Cala kula. Ameni!*  
*Ukutwale ifisabo. Ameni!*  
*Muka Cilangisha. Ameni!*  
 Ameni! Ameni!

<sup>543</sup> Oh, bushe ico tecintu icisuma? Ameni. Cintu icisuma nganshi. Njeleleniko pakuteka imwe bonse kuno, inshita yonse iyi, lelo Ninkwatafye jubili, ne mwine, inshita iisuma. Cisuma.

U Mulungu ulekonkapo, nomba, bonse abalipo. . .

<sup>544</sup> Nomba, nomba Nalaya kulya kwa Munyina Littlefield, ku kusabankanya i Cebo cinono, limbi ukusendapo fimo muli ici Cebo kuno noku Citanda kulya pakati kabō, ichalichiakwa Lesa, ngefyo. Kabili limbi Nkalandafye pa cintu cimo Nsosele kuno. Nakuba, imwe mwaitwa ukwisa. Lelo bene bakwata ichalichi icinono kulya, cingisha abantu ikana ne myanda isano. Nafuminefye mukulu tuula, nalimo imyaka ibili yapitapo. Mwena mukabo kutitikana. Lelo Ine nalilaile Munyina Littlefield. Ena ni munyina umusuma. Kabili umwaume alasunga ubulayo bwakwe ngacakuti engacita. Shikulu nga atemwa, Ine nkaya kulya.

<sup>545</sup> Kukaba ukulongana pano pe hema. Imwe mwebantu mukese pano pene pe hema, mwe bakabapo nafyonse, kabili abakakwanisha. Mukesefye.

<sup>546</sup> Kabili nomba, Mulungu ukakonkapo, ibukisheni, Munyina Arganbright akaba kuno pamo na Munyina Rowe. Cinecine mu kaipakisha na Munyina Rowe. [Tapali nelyo cimo pa ciputulwa catepu—Kale.] Cisuma.

<sup>547</sup> Natupele ukulongana kwa mapepo nomba kuli Munyina Neville, tumone fintu ali nokutweba nomba. Shikulu amupaale.



*AMANO UKU CIMFYANYA NE CICETEKELO* BEM62-0401  
(Wisdom Versus Faith)

Iyi Mbila na Munyina William Marrion Branham yaletelwe intendekele mu Cingeleshi pa Mulungu ulucelo, muli Shinde pa 1, mu 1962, pa Branham Tabernacle mu Jeffersonville, Indiana, U.S.A., yafumishiwa muli tape iyambulwa kabili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2023 VGR, ALL RIGHTS RESERVED

**VOICE OF GOD RECORDINGS**  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalebwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)